

*R<sup>d</sup> Benyon De Beauvoir.  
Englefield House.  
Berks.*











TABLE DES CHAPITRES  
du IV. Volume de l'Histoire des plus  
Illustres & sçavans Hommes  
de leurs siecles.

<b>F</b> <i>Rideric Empereur second du nom,</i>	c. 1 p. 1
<i>Castruccio Castracagne Luquois ,</i>	c. 2 p. 29
<i>Jacques Bourguignon dernier Maistre des Templiers,</i>	c. 3 p. 43
<i>Bertrand du Guesclin Connestable de Fran- ce,</i>	c. 4 p. 57
<i>Edouard Prince de Galles,</i>	c. 5 p. 75
<i>Philippes le Hardy Duc de Bourgogne,</i>	c. 6 p. 95
<i>Iean le Maingre dit Boncicaud Marechal de France,</i>	c. 7 p. 119
<i>Enguerand de Marigny Seigneur de Concy &amp; Comte de Longueville ,</i>	c. 9 p. 129
<i>Ieanne la Pucelle ,</i>	c. 10 p. 153
<i>Iean Talbot Capitaine Anglois,</i>	c. 11 p. 167
<i>Cosme de Medici surnommé le Grand ,</i>	c. 12 p. 181
<i>Iean de Montfort dit le Conquerant Duc de Bretagne,</i>	c. 13 p. 199
<i>Constantin Paleologue Empereur de Constan- tinople ,</i>	c. 14 p. 209
<i>Thibauld dit le bon Comte de Blois,</i>	c. 15 p. 223
<i>Loüis Duc d'Orleans &amp; C. d'Angoulesme,</i>	c. 16 p. 237



*Jean d'Orléans Côte d'Angoulesme, c. 17 p. 251*  
*Scanderberg, qui estoit nommé George Ca-*  
*striot, c. 18 p. 269*  
*Charles Duc de Bourgogne, c. 19 p. 303*  
*Philippes de Commines Seigneur d'Argenton,*  
*ch. 20 p. 331*

*Fin de la Table du quatriefme Volume.*









2 *Histoire des ſçavans Hommes,*  
gnie des gens ſçavans, qui ſuppleoient  
ce qu'il ne ſçavoit pas, & avec leſ-  
quels il conféroit des poincts propres  
& requis pour ſçavoir bien & juſte-  
ment manier une Principauté. A cec-  
te occaſion dans le Code Juſtinien ſont  
inferées pluſieurs de ſes ordonnances.  
Tant il eſtoit amoureux des bonnes  
lettres, qu'il fit traduire de Grec en  
Latin les œuvres d'Ariſtote & des  
Medecins, pour en garnir les Univer-  
ſitez des terres ſubjettes à ſon obeïſ-  
ſance. De l'Aſtronomie il en eſtoit ſur-  
tout fort ſtudieux, & encore qu'aiſé-  
ment il entendit ce que Ptolomée  
avoit décrit en ſon Almageſt, il voulut  
neantmoins bien employer grandes  
ſommes de deniers à la traduction  
qu'il en fit faire de Langue Sarraſine  
en Latin; & à cette cauſe les ſciences  
Aſtronomiques furent reſtaurées & re-  
mises en Europe, où dès long-temps  
elles avoient eſté aneanties. Pour la  
conſtitution du corps il n'eſtoit pas  
poſſible de ſouhaiter aucune perfe-  
ction qui ne fut en luy, il eſtoit fort  
beau, proportionné ſelon les juſtes  
compartimens remarquez en une juſte  
& bien aſſaiſonnée conformité de



corps. Les traits & lineamens de son visage estoient admirables : il avoit les cheveux roux , & les yeux rians : il ne pouvoit pour la rareté de ses graces corporelles , qu'il ne fut excellent en ses faïcts & dits. Il estoit doüé d'un esprit aigu, subtil & tellement prompt qu'il comprenoit incontinent tout ce qu'on luy monstroït, mesmes les Chroniqueurs remarquent que c'estoit un personnage qui prenoit plaisir à faire quelque chose de ses mains, à forger & exercer plusieurs mestiers fabriles. C'est peut estre cela qui le rendoit si endurcy aux travaux , & qui faisoit qu'il resistoit aisément aux injures de la guerre , où il fut tellement heureux, qu'aucuns partisans de la facti on des Guelphes luy ont voulu imposer, qu'il se servoit de moyens illegitimes, charmes & demons. Mais s'il estoit permis de croire cecy , tant vertueux fut-il , duquel on ne peut tenir l'honneur par telles médifances, reputant à malheur & impieté ce qui dépend de la vertu. Je sçay bien que certains l'ont estimé Magicien, s'abusans sur ce qu'il y a des Autheurs qui ont écrit qu'il estoit noir ; mais cela s'entend ou à



4 *Histoire des ſçavans Hommes,*  
cause de la forge, ou bien pour la ful-  
mination anathematique, quil avoit  
tout à fait noircy. Pour cela toutefois  
je ne veux pas dégager cét Empereur de  
tous vices, ſçachant que puisqu'il n'y  
a chose en ce monde qui puisse parve-  
nir tel point de perfection, qu'il  
n'y ait rien à redire, qu'il a quelques  
fois manqué. Et aussi ne peut-on dé-  
guiser que ses vertus n'ayent esté ob-  
ſcurcies par quelques deffauts qu'on a  
remarqué en luy, à cause de la haine  
qu'il a eu contre le Pape : la cruauté  
qu'il a exercée contre les Guelphes : &  
enfin la paillardise où il se licentiaſt  
trop. Que Frideric n'ait esté mortel  
ennemy du ſiege Apoſtolique, Thevet  
ne le peut nier, autrement il luy fau-  
droit démentir Platina & pluſieurs  
Historiens, qui ont décrit les guerres  
qu'il a faites à l'encontre du Pape, des  
Venitiens & autres qui tenoient leur  
party. Le dégast & fouragement qu'il  
fit en la Toſcane, à Veronne, au terri-  
toire de Padoue, à Milan, Plaifance,  
Viterbe, Favence, Cremone, Veniſe,  
Lucques, Piſe & autres terres appar-  
tenans à l'Egliſe ou à ceux qui ſ'eſ-  
toient rangez du coſté du Pape, feront



assez de foy de la mauvaise affection qu'il portoit aux Papes. De fois à autre il a eu l'avantage sur ses ennemis, aussi quelque fois il a eu du pire, soit par mégarde, soit aussi pour n'avoir sceu user de la victoire qui luy estoit livrée és mains. Ce qui se confirme particulièrement par le siege qu'il mit devant Parme en l'an 1247. avec soixante mil hommes, où il demeura deux ans entiers, ayant pour cet effet fait edifier vis-à-vis une autre ville, toute construite de bois de la longueur de huit cens cannes, & large de six cens, & estoit la canne de huit coudées, laquelle avoit huit portées. Et fit nommer la ville victoire, y faisant aussi battre monnoye, qu'il fit appeler Victorins. Tellement qu'à victoire il fit battre deux sortes de monnoye, à sçavoir les Victorins & les Augustans, qui estoit une monnoye de cuir marquée de son effigie d'un costé, & de l'Aigle Imperial de l'autre, à laquelle il mit par son Edit le prix & valeur d'un Augustan d'or, commandant par tout que ces lopins de cuir fussent receus & employez par les vendeurs & acheteurs audit prix.



6 *Histoire des ſcavans Hommes,*  
durant cette guerre. La neceſſité d'or  
& d'argent le contraignit de repren-  
dre encore ces vieilles formes de mon-  
noyes. Or ayant demeuré quelques  
jours malade, il reprit aucunement ſes  
forces, & pour ſe ragaillardir, il ſor-  
tit de Victoire le dernier jour de Fe-  
vrier en l'année 1248. avec cinquante  
chevaux, pour aller à la volerie du  
Faucon, où il avoit couſtume de pren-  
dre ſon paſſe temps, le reſte de ſon ar-  
mée ne ſe tenoit ſur ſes gardes, & pen-  
ſoient eſtre naturalifez dans le païs :  
mais ils furent bien-toſt réveillez par  
les Parmeſans & le Legat du Pape, qui  
firent un terrible carnage de ceux qui  
ſe preſentoient devant eux, gagnerent  
le chariot, lequel Frideric avoit eu  
ſur les Cremonnois : les victorieux ſe  
ſaiſirent de Victoire, de la Chambre,  
de la Chapelle, de la Chancellerie, de  
la Couronne & de tous les précieux  
ornemens & joyaux de l'Empereur : &  
en ſigne de victoire furent en lieu émi-  
nent mis ces deux vers :

*Per te, Rex, alma ceſſu Victoria Parma,*

*Antiphrasi dicta ceſſu victoria dicta.*



C'est à dire.

Prince les Parmesans abbatent la  
victoire

Ainsi par antiphrase elle a perdu sa  
victoire.

Et firent tirer le chariot en mépris  
des asnesses ; au lieu que Frideric en  
son triomphe le faisoit tirer par un  
Elephant , ayant dessus fait attacher  
Pierre Tiepolo fils du Duc de Venise,  
Chef des confederez du Pape , ayant  
un bras lie en haut , & portant la cor-  
de au col. Sur ce carrosse ils écrivirent ces vers.

*Carrotij flet damnà sui miseranda Cre-*  
*mona,*

*Imperii, Federice, tui fugis absque Co-*  
*rona.*

C'est à dire.

Un chariot perdu peut affliger Cre-  
mone.

Mais aussi Frideric tu quitte ta cou-  
ronne.

Ils ont pû écrire ce qu'ils ont voulu,



8 *Histoire des ſçavans Hommes,*  
mais par ce que nous avons recité par  
le rapport meſme des Hiſtoriens Ita-  
liens, on voit que ce n'eſt point par  
laſcheté qu'il abandonnaſt Victoire,  
mais pour prendre recreation, de ma-  
niere que ſi les Parmeſans ont gagné  
quelque choſe, ça eſté pluſtoſt par  
ſurpriſe qu'autrement. Et auſſi il  
monſtra bien qu'il n'avoit perdu cou-  
rage car apres il ſe remit incontinent  
au deſſus & emporta Plaiſance, & dé-  
peſcha ſon baſtard Henitzius Roy de  
la Sardaigne à Favence, & ſ'empara  
de toute la Toſcane. Mais qu'eſt-il  
beſoin de faire icy retentir les cruel-  
les rencontres, guerres & déſaites de  
l'Egliſe, puis qu'un ſeul témoignage  
peut ſuffire pour declarer le peu d'af-  
fection qu'il avoit à l'endroit du Pape.  
Ce ſont les cartels qu'il écrivit au Pa-  
pe Innocent IV. du nom, & la réponſe  
du Pape.

Fridericus Imp. ad Papam.

*Roma diu titubans, variis erroribus acta*

*Corruet, & mundi deſinet eſſe caput.*



C'est à dire.

Frideric Empereur au Pape.

Rome par trop sujette à cent crimes  
divers,  
Ne sera plus un jour le chef de l'univers.

*Papa ad Imperatorem.*

*Niteris incassum navem submergere Petri,  
Fluctuat: at nunquam mergitur illa navis.*

C'est à dire.

Le Pape à l'Empereur.

Tu tasche à submerger ma flotante  
nacelle,  
Mais elle peut domter la mer la plus  
rebelle.

*Fridericus.*

*Fata volunt stelleque docent, aviumque  
volatus,  
Quòd Fridericus ego malleus orbis ero.*



C'eſt à dire .

Frideric.

Le Ciel me l'a predit, je tiendray ſous  
mes fers,  
Moy le grand Frideric tout ce grand  
univers.

*Papa.*

*Fata volunt, ſcriptura docet, peccata lo-  
quuntur,*

*Quod tibi vita brevis, pœna perennis erit.*

Le Pape.

Le Ciel te l'a predit, & tu connois ton  
crime,  
Tu décendras bien-toſt dans l'infernal  
abîſme.

Voila de terribles contrarietez &  
diverſitez qui ne pouvoient apporter  
qu'une deſolation à l'Egliſe; mais à qui  
en attribuer la faute, ou à Frideric, ou  
bien au Pape ? De ma part, je ne veux  
entrer en conteſtation de cauſe, ou



bien asseoir jugement sur tels differends : mais ainsi que je puis recueillir par les Histoires, il y avoit occasion de mécontentement d'une part & d'autre. Le Pape se sentoit indigné, parce que Frideric ne luy portoit l'honneur & reverence qu'il estimoit luy estre due, à cause du rang auquel il estoit constitué, tenant le siege Papal, auquel tous les Empereurs devoient foy & hommage : & principalement Federic II. luy qui se rebelloit ainsi contre le S. Siege, qui l'avoit fait tel qu'il estoit, d'autant qu'il ne pouvoit nier qu'en l'an 1220. Honorius III. ne l'eut couronné à l'âge de vingt ans : de plus, apres la mort du Pape Clement III. le Pape Celestin III. du nom, pour couper tout d'un coup les moyens de ressource à Tancred fils bâtard de Roger, qui avoit esté esleu Roy de Sicile, apres que Guillaume fut decedé sans enfans masles, ils s'avisa de luy en bailler un en teste qui le dénicheroit bien du Royaume, qu'il possedoit à la barbe du Pape, qui maintenoit que le Royaume de Sicile à faute d'hoirs masles estoit devolu au Siege Apostolique. A cet effet il man-



12 *Histoire des ſçavans Hommes*,  
da à Gautier Archeveſque de Paler-  
me d'oſter de Religion Conſtance fil-  
le de feu Roger (laquelle eſtoit Ab-  
beſſe du Monaſtere de ſainte Marie de  
Palerme, âgée de cinquante ans) & la  
luy envoyer. Et apres que ſecrette-  
ment elle fut arrivée à Rome, le Pape  
la donna en mariage à Henry pere de  
noſtre Frideric ſecond, & fils de Fri-  
deric premier, l'inveſtit du Royaume  
de l'une & de l'autre Sicile, comme  
hereditaire & dotal de ladite Conſ-  
tance, à laquelle il appartenoit mieux  
qu'à un baſtard. Et afin que plus ſeu-  
rement toutes les affaires fuſſent ache-  
minées, il diſpenſa Conſtance du vœu  
de Religion, quoy qu'elle eut demeu-  
ré Profeſſe long-temps. Cela fait il le  
couronna, l'an 1191. qui ayant ce  
titre de ſucceſſion en main, fit tant  
qu'il ſe rendit ſeigneur & maſtre du  
Royaume, des enfans de Tancred, &  
enfin fit crever les yeux au fils aiſné de  
Tancred, nommé Roger. Et puis que  
nous ſommes tombez ſur ce poinct par  
maniere de digreſſion, nous dirons  
quelque choſe de la naiſſance de no-  
ſtre Frideric. L'Imperatrice Conſ-  
tance avoit bien enyie de ſuiure l'Em;



pereur Henry, mais pour certaines considerations, elle receut nouvelles de ne passer pas plus outre la Marque d'Ancone, mais de s'en retourner aux confins du Royaume, ce qu'elle fit. Et pource qu'elle estoit déjà fort avant sur l'âge, passant cinquante-quatre ans, tellement qu'il estoit presque incroyable qu'elle fut grosse, mesme Henry ne le pouvoit croire. Neantmoins il en fut en telle resverie, qu'il s'adressa à l'Abbé Joachim grand personnage, qui vivoit en ce temps ayant le bruit d'avoir esprit de prophetie. Pour ôster un tel soupçon & autres difficultez, estant arrivée à Jesi en l'année 1194. se sentant preste du terme de l'enfantement, elle fit tendre & dresser un pavillon au milieu de la place publique de Jesi, auquel elle se fit conduire & mettre à l'heure qu'elle devoit enfanter, & voulut qu'il fut loisible & permis à tous Seigneurs, Gentilshommes, & autres hommes & femmes de la venir voir enfanter, afin que chacun vist & sçeuſt que ce n'estoit enfantement supposé. Or pour retourner à notre premier propos, puisque l'avancement d'Henry est



14 *Histoire des scavans Hommes*,  
venu du Pape Celestin, à droit les Papes ont pû s'en fascher contre Frideric II. lors qu'ils ont veu que méconnoissans un tel bien, il s'est ainsi bandé contre le Siege Apostolique, comme s'il n'eut esté leur obligé. Ce qui rendoit odieux Frideric, est qu'il ne vouloit se croiser si-tost comme le Pape desiroit, qui pour ce l'excommunia, estimant ou qu'il tint le party de l'Infidele ou qu'il ne tint tel compte, qu'il falloit des affaires de la Chrestienté. Toutefois l'anatheme fut depuis levé par l'intercession de Jean, qui avoit encore le titre de Roy de Jerusalem, lequel obtint plus aisément le pardon, soit que la necessité de la Chrestienté contraignist le pape à caler le voile : soit aussi qu'à tort il eut esté excommunié, puis qu'il avoit seulement promis d'aller en la Terre Sainte, lors & quand il auroit pacifiquement mis ordre aux affaires de l'Empire. Apres avoir obtenu l'absolution de Frideric, Jean luy donna sa fille en mariage, & sittant qu'il mena Frideric, l'an mil deux cens vingt-huit à la conquête de la Terre Sainte, où il fut tellement heureux, que le Souldan luy rendit



non seulement Jerufalem , mais auffi plusieurs autres villes , & y fut couronné Roy l'an 1229. D'où est venu que les Rois de Sicile s'attribuent le titre de Rois de Jerufalem. Et en cela se trompent ceux qui estiment que c'est à cause du mariage de la fille de Jean, qui avoit bien le titre, mais n'estoit pas pourtant Roy de Ierufalem.

A la décharge de Frideric les Imperialistes alleguent une infinité de raisons , rabatans les poincts qui ont esté alleguez pour la deffense du pape. Et premierement à l'hommage qu'on requeroit de Frideric, ils opposent ce que l'Empereur mesme rescrivit au pape Adrian IV. du nom, qui se faisoit de ce que Federic aux lettres qu'il luy écrivoit, mettent les qualitez du pape apres les siennes. Au contraire Frideric soustient que s'il veut marcher devant le pape, c'est pour garder le droit de ses Ancestres, qui a perdu par la cession que fit Constantin au pape Silvestre : tellement qu'il infera que puisque la prééminence que les papes ont eu au-dessus des Empereurs, leur a esté permise par tolerance, il ne doit estre blasmé de ce que re-



16 *Histoire des sçavans Hommes*,  
prenant les premières arres de l'autorité des Empereurs, il s'est préféré aux Papes. Et quant au Royaume de Naples, sans entrer aux moyens par lesquels il le pouvoit réunir à la Couronne Imperiale, les partisans de l'Empereur reconnoissent que Frideric a reçu beaucoup de biens du Pape; mais aussi ajoutent-ils que si le Pape a baillé un poix à Henry, qu'il en a (comme l'on dit) bien sçu tirer une feve. Et mesme Platine raconte qu'il donna au Pape Celestin plusieurs places fortes, & entr'autres le Tusculan: de maniere que le pape avoit tort de poursuivre ainsi Frideric à feu & à sang, & pour montrer les griefs qui avoient fait tourner visage à l'Empereur Frideric contre ce Siege Romain, les Imperialistes dressent plusieurs articles, desquels j'ay bien voulu icy extraire les principaux, pour montrer qu'à l'une & l'autre des parties nous désirons que le droit soit gardé. Le premier est que les Papes avoient élevé à l'Empire Othon, & depuis Henry de Thuringe dit Landgrave, qui mourut devant la ville d'Ulme, la mesme année qu'il fut élu, à sçavoir l'ã 1245.

encore



encore qu'ils sceussent bien que de droit Frideric y deût estre appellé. Le second est que quelques papes l'ont excommunié, & mis tellement l'Empire en proye, que s'il n'y eut autre moyen que ceux qui estoient découverts au pape, c'est sans doute que Frideric demeureroit privé de l'Empire. Je laisse les indignitez que les papes ont fait à Frideric & aux siens, le mépris qu'ils ont eu de ses Ambassadeurs d'autant que Frideric a aussi bien usé de même rigueur envers leurs Legats, auxquels il ne vouloit donner accès ny entrée en ses terres & pais de s<sup>on</sup> obeïssance. Ce n'est pas aussi mon intention de specifier le droit des Regales, que Frideric vouloit lever sur le Clergé, encore que je sçache que nos Rois s'en s<sup>ont</sup> saisis, & que Frideric mesme en l'Epître qu'il a écrit au pape Adrian, par vives raisons, montre que les Ecclesiastiques sont sujets à payer les charges, tributs & droits seigneuriaux au prince: & fonde son argument sur ce que le pape ne peut estre plus grand que l. C.. Si doncques il a payé pour luy & pour Saint Pierre à Cesar ce qui estoit dû, pourquoi est-ce que vous me refusez.



18 *Histoire des ſçavans Hommes,*  
de me payer mes droits ? Nostre Sau-  
veur vous a baillé l'exemple de payer,  
& a confirmé mon droit de recevoir.  
J'eusse pû discourir sur cette matière,  
mais elle est trop chatoüilleuse , &  
aussi c'est sans controverse que s'il n'y  
eut eu que ce poinct à vuider, Frideric  
fut aisément venu à bout des papes.  
De main mise il eut toujourns pris à  
bon compte, ayant l'épée à son costé,  
pour faire joug aux plus reveſches.  
Je passeray aussi sous silence l'indigni-  
té que fit le pape Alexandre III. du  
nom, quand il foulaſt aux pieds Fride-  
ric Barberouſſe, pere grand de nostre  
Frideric devant le Temple de Saint  
Marc de Veniſe, diſant, *Scriptum est,*  
*Super aſpidem & baſilicum ambulabis*  
*& conculcabis leonem & draconem,* c'est  
à dire, Il eſt écrit, Tu marcheras  
sur l'aſpic, & foulleras aux pieds  
le Lion & le Dragon. Dont Fride-  
ric fuſt tellement faſché, qu'enco-  
res que les Venitiens ſe fuſſent ſai-  
ſis de ſon fils Otthon, lequel il de-  
voit rachepter par les charges qui fu-  
rent alors capitulées, entre leſquelles  
eſtoient celle-cy, qu'il viendroit faire  
l'inclination au Pape, le reconnoiſſant



comme son Supérieur, il ne peût neantmoins se tenir qu'il ne dist au Pape, *Non tibi sed Petro* : luy faisant entédre qu'il ne luy faisoit reverence, mais à Pierre. Ou il ne gagna rien, car le Pape redoubla, *Et mihi & Petro* : C'est à dire, que la reconnoissance qu'il faisoit, estoit tant à Alexandre qu'à S. Pierre. Encore moins veux-je mettre en compte les Pardons & Indulgences qu'il oütroya à tous ceux qui se banderoient contre Frideric, en beaucoup plus grande quantité qu'à ceux qui iroyent contre le Turc. Cela n'est que miel auprès du dernier article, qui envenima si fort Frideric à l'encontre du iége Romain, que d's-lors il se declara ennemy des Papes à jamais irreconciliable, l'occasion fut, qu'il descouvrit que le Pape Alexandre envoya à l'insceu de Frideric, vn Peintre pour le peindre, & donner son portrait au Souldan d'Egypte, afin que s'il eust peu estre apprehendé, il ne le laissast échaper. L'affaire tomba si bien au point du dessein du Pape, qu'après que le Peintre bailla le portraict de Frideric au Soldan, il fut



20 *Histoire des sçavans Hommes,*  
pris avec son Chapellain par certains,  
qui estans en embuscade le troussè-  
rent, & l'emmenerent au Soldan.  
Devant lequel il nia qu'il fust Em-  
pereur, mais se renomma pour son  
simple portier. Toutefois apres que  
le Soldan luy eût montré son pour-  
traict qu'il auoit dans son cabinet, il  
fut contraint de reconnoistre la veri-  
té, & se remettre à sa misericorde.  
Il y fut receu moyennant treves de  
dix ans, & cent mil ducats, qu'il  
falloit payer pour sa rançon. Par ce  
moyen il fut renvoyé jusques à Bresse  
avec fort bonne compagnie, apres  
que le Soldan luy eust communiqué  
les advertissemens, lesquels le Pape  
luy auoit enuoyé pour se saisir de sa  
personne. Ce qui justifie davantage  
l'innocence du party de Frideric, est  
que le pretexte duquel se couvroient  
les Papes, ne peut leur servir, pour  
avoir si rudement foudroyé à l'en-  
contre de cét Empereur : d'autant que  
la principale occasion, qui leur pou-  
voit donner quelque couleur, est que  
suivant sa promesse, il ne vouloit point  
s'armer contre l'Infidele. Le voicy en  
campagne avec forces, il recouvra



Jerusalem , Nazareth & Ioppe avec les Villes circonvoisines. Pendant qu'il est à de telles expéditions, on sème des zizanies , dissensions, troubles & faux bruits pour faire revolter la Pouille & autres pays de son obeyssance. On ne veut pas laisser passer le secours de la Pouille & Lombardie , afin que l'Infidèle ait meilleur marché de cét Empereur. Enfin , on luy brasse des embusches pour luy faire perdre la vie. Ce sont épreuves qui pourroient faire franchir le saut aux plus froids: de maniere que ce n'est pas merveilles , si Frideric ayant le cœur assis en bon lieu , a essayé de repousser les efforts de son ennemy : où il n'a peû , comme il estoit homme , tenir si bonne bride , qu'il n'ait quelquefois fait quelque faux-bon : Mais le tort qu'il avoit receu , ne pouvoit pas luy permettre , que se ressentant des affronts qu'on luy avoit fait , il ne regardast aux moyens d'en avoir sa raison. Je ne veux pas tout à fait le iustifier , mais aussi ne puis-je le condamner. De ce pitoyable & miserable traitement furent forgées les factions des Guelpes & Gibelins. Ceux qui



. 22 *Histoire des sçavans Hommes*,  
luy favorisoient, il les appella Gibe-  
lins, pour ce qu'il s'appuyoit sur eux,  
tout ainsi qu'une maison sur deux  
fortes murailles, qui commencerent  
de tomber. Et ceux, qui luy estoient  
contraires, les appelloit Guelphes,  
c'est à dire, selon aucun, Loups. Je  
trouve neantmoins qu'on baille une  
autre source & raison de l'etymologie  
de ces mots. Quelques-uns écrivent  
qu'il y avoit en Allemagne deux ra-  
ces bandées l'une contre l'autre: l'une  
estoit des Vuelphes d'Vri ou d'Al-  
torff, qui de tout temps a esté enne-  
mie de celle des Henrys Vuciblingues,  
d'où est sorty Frideric. Et à dire la  
verité, il n'est pas hors de vray-sem-  
blance de croire que les Italiens  
ayent peu changer le nom de Vuel-  
phes en Guelphes, & des Vuciblin-  
gues en Gibelins: si nous n'aymons  
mieux (selon Volatteram) dire que  
ces factions ont pris origine de deux  
freres nommez Guelph & Gibel. Quoy  
que c'en soit, encores qu'on soit en  
differend de l'etymologie des noms,  
si est-ce qu'on demeure d'accord que  
du temps de Frideric, cette distinction  
de Partisans commença à entrer à



Milan, & que les Guelphes estoient les Papistes, & les Gibelins, les Imperialistes. D'où il est aisé d'inferer, si Frideric estoit mal édifié du Pape, & qu'il luy portast une dent, qu'il n'estoit pas en devotion de faire meilleur party à ceux qui se tiendroient du costé des Papes qu'aux Papes mesmes. Si bien que je me deporteray du recit des tours & indignitez qu'il a fait aux Guelphes, puis que cy-dessus j'ay assez amplement discouru des partialitez qui estoient entre Frideric & les Papes. Reste donc de toucher quelque mot de la lubricité de ce personnage, laquelle on ne peut pallier, puis qu'il eût plusieurs bastards, & entre autres Heintzius Roy de la Sardaigne, Frideric Prince d'Antioche, & Manfred : & aussi luy-mesmes en a receu la recompense, qu'il meritoit ; d'autant qu'en l'année mil deux cens cinquante, estant devenu malade à Firenzvole, il fut étouffé dans le lit par Manfred un de ses bastards, à l'aide d'un valet de chambre. Ledit Frideric estant mort excomunié, Manfred se saisit de son tresor, vsurpa la principauté & domi-



24 *Histoire des sçavans Hommes,*  
nation de Sicile, où il fit apporter le  
corps de l'Empereur dans l'Eglise de  
Mont-Real sur Palerme. Sur son  
tombeau sont gravés ces trois vers  
Latins.

*Si probitas, sensus, virtutum gratia,  
census,*

*Nobilitas orti possent resistere morti,*

*Non foret extinctus FEDERICVS,  
qui iacet intus.*

Quelques-uns toutefois, tiennent  
qu'il mourut à Palerme, âgé de cin-  
quante-sept ans, le treizième jour de  
Decembre, l'an après l'Incarnation  
du Sauveur de tout le monde, mil deux  
cens cinquante-un, ayant comman-  
dé par l'espace de trente-sept (ou, se-  
lon les autres) trente-deux ans. On  
tient qu'il fit vn fort solemnel testa-  
ment, par lequel il ordonna vne gran-  
de quantité de milliers d'or qu'il le-  
gua aux Templiers & Hospitaliers  
pour recompense du revenu qu'il leur  
avoit in ulement retenu. Il laissa aussi  
par testament vne grande somme de  
deniers pour ayder à recouvrer la  
Terre Sainte. Enchargea tres-expres-  
sément qu'on restituast toutes les  
Terres de l'Eglise, & institua Conrad  
son



*Frideric Empereur II.* CHAP. I. 25  
son fils heritier universel & successeur  
de l'Empire & du Royaume de Na-  
ples apres luy. Quant au bastard de  
Manfrede, il luy donna Tarente &  
autres pieces, à la charge qu'il recon-  
nuist en tout & par tout Conrad com-  
me son Seigneur & Maistre. Ces con-  
ditions me font grandement douter  
de l'opinion de ceux, qui estiment  
que le Pape ne voulut l'autoriser,  
dautant qu'il n'est pas croyable, veu  
l'avantageuse condition qui luy estoit  
presentée, qu'il eust voulu s'arrester  
sur l'intestabilité qui l'empeschoit,  
estant excommunié, de pouvoir res-  
ter. Et aussi je trouve qu'il donna  
cent mil ducats pour rachepier les  
Sentences d'excommunication qui  
avoient esté pontificalement fulmi-  
nées sur luy, encore que quelques-  
uns estiment que jamais il ne peût  
estre reintegré en la grace du Siege  
Romain, soit parce que les Papes se  
monstrassent irreconciliables, soit  
aussi qu'il eust particulièrement une  
dent sur eux, pour l'usurpation qu'ils  
vouloient faire sur luy de ce qu'il  
pretendoit luy appartenir. De ma-  
niere que ce n'est pas merveilles, si



26 *Histoire des sçavans Hommes,*  
ayant refusé de s'appriivoiser, il a aussi  
trouvé, comme l'on dit pied à son sou-  
lier. S'il n'eust eu affaire qu'aux Pa-  
pes, il est sans doute qu'il leur eust  
aisément fait signer la carte blanche :  
mais il estoit tirailé de tant de cos-  
tez, que quand il estoit prest d'avoir  
barre sur eux, il estoit contraint de  
quitter prise, & courir sur ceux qui  
troubloient en Allemagne, Flandres  
& autre part son Estat. Il fit guerre  
à Otthon quatrième, à l'instigation  
du Pape, où il n'eut pas du meilleur :  
toutefois l'issuë le rendit Seigneur &  
Maistre de l'Empire. En Brabant  
contre le Duc & les alliez d'Otthon,  
il fallut qu'il tournast ses forces, dau-  
tant qu'ils s'estoient emparez de la  
Lorraine, laquelle il restitua à l'Em-  
pire. Apres son couronnement il trou-  
va qu'au pais de la Toscane on luy  
avoit fait la part la plus jeune. Il fut  
contraint de reconquerir par les ar-  
mes ce qui luy appartenoit, reduisit le  
pais en son obeïssance, donna la chas-  
se à deux Comtes, qui se retirerent  
vers le Pape Honorius, qui pensoit  
avoir grand credit à l'endroit de Fri-  
deric, parce qu'il l'avoit couronné



*Castruccio Castr Lucquois. C. II. 27*  
l'an 1220. mais il comptoit sans son  
hoste, & fut éconduit du commande-  
ment qu'il fit à l'Empereur, de re-  
mettre ces Comtes ès possessions de  
leurs villes. A cause de cette desobeïf-  
sance, il déploya sur luy la foudre de  
sa tempeste, l'excommunia, & dès cet-  
te heure commença à se dissoudre l'a-  
mitié qui estoit entre les Papes &  
l'Empereur. Ils commencerent des-  
lors à s'entre-choquer assez rudement:  
mais Frideric ne pût tenir coup, parce  
que les affaires de l'Empire le rappel-  
lerent en Allemagne, où au Concile  
tenu à Vvirsbourg, il fit son jeune fils  
nommé Henry son compagnon à l'Em-  
pire, l'an 1222. Pensant prendre un  
Coadjuteur, il s'embarassa encore  
plus qu'auparavant, d'autant qu'il dé-  
couvrit que son fi's Henry avoit fait  
alliance au prejudice de l'Empire en  
Lombardie avec quelques villes re-  
belles & ennemies de l'Empire.  
Pour cette occasion il le fit mettre en  
prison où il le tint si long-temps,  
qu'enfin il y mourut.













*CASTRVCCIO CASTRA  
CAGNE LVQVOIS.*





# CASTRVCCIO

## CASTRACAGNE LVQVOIS.

---

### CHAPITRE II.



OVR ne rien déguiser en l'Histoire des faits admirables de ce Chevalier, mignon de la Fortune, & pour éviter les divertitez qui se remarquent en plusieurs Autheurs, je suis delibéré de suivre le stile de ceux qui en peuvent parler en verité. Ce n'a donc pas esté sans raison que je l'ay appellé de ce nom de Mignon & enfant de la Fortune : car soit que l'on balance les divers accidens de son âge, on jugera facilement que si quelques infortunes luy sont advenus, c'eust esté proprement quelques disgraces pour l'élever da-



vantage. Pour entrer en matiere, il me semble que Pierre Messie manque, (quelque garend qu'il puisse avoir, encore qu'il amenât en jeu ce bourdeur Messire Nicolas Macchiavel Florentin de nation, ennemy des Lucquois) en luy attribuant une si étrange & Romulée nativité, je ne veux donc m'amuser à transcrire le discours, pour estre du tout contraire à la vie & histoire de ce Capitaine. Il semble encor errer en la description de ses premiers avancements, disant que comme simple soldat il s'insinua en la Republique Lucquoise. Voicy la verité du faict. Environ l'an mil trois cens un, les factions des Flancs & des Noirs se fortifiant en Italie, & la Cité de Lucques n'estant pas exempte de telle peste, le feu s'alluma davantage entre certains nobles & illustres maisons. Et en ces entre-faites la famille des Antellimelles, ayant vang quelque tort sur la faction contraire, fut chassée de la ville, ses biens confisquez, maisons ruinées & possessions saisies. L'un des supposts estoit Gerius, lequel avec sa femme Pucera & leur enfant Castruccio bien jeune, se retira à la ville d'Ancone,



où bien-tost apres luy & sa femme decederent. Castruccio se retira en France à la ville de Lyon, où faisant connoissance il trouva moyen de se fournir d'habits, de chevaux & d'argent, pour se retirer en Angleterre vers un de ses parens nommé Alderic riche personnage demeurant à Londres, lequel non seulement le receut volontiers, mais peu apres le fit presenter au Roy Edoüard, lequel se plaisoit grandement au jeu de paulme, en quoy Castruccio estoit excellent, de sorte qu'aucun ne se trouvoit si accort en tel jeu. Or un jour comme quelque Milord jouiant avec luy, & disputant, luy eut donné un soufflet, il ne le pût souffrir, & le frappant d'un poignard, le tua sur la place : c'est pourquoy il se retira en diligence au port, où trouvant de bonne fortune un batteau à demy nud, se jetta dedans, & passant la mer se retira au pais de Flandres, où pour lors continuoient les guerres de Philippes le Bel Roy de France, contre les Flamans favorisez du Roy d'Angleterre : craignant d'en estre surpris, parce que celuy qu'il avoit à la chaude tué,



32 *Histoire des scavans Hommes*  
avoit là des parens & amis qui eussent  
pû luy nuire , s'ils l'eussent reconnu,  
il se retira en France, où pour lors es-  
toit Albert l'Escot Cavalier Placen-  
tin, faisant service au Roy Philippes,  
avec une bonne & brave compagnie  
d'Italiens. A cét Albert s'adressa  
Castruccio, & receu par luy au nom-  
bre de ses gens, il se fit en peu de temps  
l'un des plus adroits soldats qu'on  
eust sceu trouver aux compagnies : &  
de plus il se porta si vaillamment & sa-  
gement en cette guerre, qu'il en re-  
ceut grand honneur, ce que mesme  
témoignent les Historiens François,  
qui ont écrit de sa vertu militaire. La  
guerre finie il se retira en son país avec  
honneste recompense. De ce mesme  
temps le Seigneur Hugues Faginola  
estoit en vogue, lequel s'estoit empa-  
ré de la Seigneurie de Pise. Castruccio  
donc pour s'insinuer en la bonne gra-  
ce de Faginola, fit un complot avec les  
Gibelins, de faire Faginola Seigneur  
de Lucques. Et menant secretement  
cette entreprise, il gagna une des por-  
tes de la ville, appelée la porte Saint  
Donat, où ayant mis une bande d'Al-  
lemands, il s'empara aisément de la



*Castruccio Castr. Lucquois. C. II. 33*  
ville. Par ce moyen les Gibelins rentrerent dedans , & en chasserent les Guelphes. par cette saillie Castruccio parvint à un grand honneur , de façon qu'il estoit reputé & tenu pour Seigneur à Lucques. Les Florentins entendant le succès des affaires de Castruccio , envieux de sa prosperité , leverent une grosse armée, aidez du Roy de Naples pour aller contre. Fagiolà adverty de leur deliberation , fait lever des gens de guerre , desquels il laissa la conduite à Castruccio , & se retira à Pise En cét exploit Castruccio se gouverna si sagement, que la victoire luy demeura , laquelle assura plus qu'auparavant le Seigneur Fagiolà en ses Estats , & augmenta aussi la reputation de Castruccio. Mais comme ordinairement les grands honneurs & richesses causent de l'envie & crainte, & que fortune à droit & à tort se joue de ses mignons , elle le disgracia envers Fagiolà , qui voyant le credit & faveur de ce brave Castruccio, sous un pretexte bien leger delibera de le faire mourir : & à cét effet manda un de ses fils à Lucques, lequel le constitua prisonnier. Cette prison dépleut tant



34 *Histoire des scavans Hommes,*  
aux Lucquois , que le peuple com-  
mença à se mutiner contre Faginola:  
dequoy estant adverty, il sortit de  
Pise avec une grosse armée pour châ-  
tier les Lucquois. Toutefois il luy  
advint une chose fort contraire à ses  
desseins. Car les Pisans advertis de  
la captivité de leur favory Castruccio,  
en furent si faschez, que fermans les  
portes de la ville, ils s'affranchirent  
eux-mesmes de la tyrannie de Fagino-  
la, & tuerent celuy qui y estoit éta-  
bly pour commander de la part de  
Faginola. Lequel s'il fut infortuné  
au faict de Pise, il ne le fut pas moins  
à Lucques : car les Lucquois prenans  
les armes, chasserent le fils, refusans  
l'entrée de la porte à Faginola, qui ne  
pût si secretement & avec telle dili-  
gence s'acheminer à Pise, que le Cour-  
rier des Pisans n'eut déjà éventé l'em-  
prisonnement de Castruccio. Toute-  
fois quelques-uns écrivent que l'en-  
trée fut permise à Faginola, qui estant  
dedans la ville, vouloit hautement ar-  
rester Castruccion, contre le gré des  
Pisans, qui se mutinerent contre luy,  
& le chasserent en Lombardie. Quoy  
que c'en soit, à cause de cét indigne



*Castruccio Castr. Lucquois. C. II. 35*  
emprisonnement, Faginola fut dépos-  
sedé tant de Lucques que de Pise, &  
Castruccio mis en liberté, lequel fut  
aussi-tost élu Capitaine general tant  
de la ville de Lucques, que des terres  
& forteresses à eux appartenans. Ce  
fait, ne voulant demeurer oisif, il dres-  
sa une grosse armée, avec laquelle il  
recouvra plusieurs places fortes, que  
les Florentins avoient usurpées sur les  
Lucquois, & en gagna d'autres sur  
eux. Castruccio donc retourné à Luc-  
ques apres ces exploits d'armes, fut  
aussi honorablement receu que fut  
Scipion Africain à Rome, apres avoir  
pris la nouvelle Carthage : & outre ce  
fut élu Seigneur du pais Lucquois, &  
deslors commença à estre craint de ses  
voisins, & specialement des Floren-  
tins, qui estoient pour lors les plus  
puissans de la Toscane. Or comme les  
affaires de Castruccio alloient de  
mieux en mieux, l'Empereur Iederic  
vint en Italie pour se faire couronner  
Empereur: lequel adverty des qualitez  
qui estoient en ce personnage, tâcha de  
l'attirer de son party, & le mena à  
Rome, où l'Empereur avant receu le  
diadème Imperial, honora Castruccio



36 *Histoire des ſçavans Hommes,*  
du titre honorable de Conſeiller, Se-  
cretaire & Vicaire de l'Empire en Ita-  
lie, & eſtant de retour en Allemagne,  
fit tant par moyens, qu'il fut choiſi  
par ceux de riſe pour leur Seigneur.  
Et comme ceux de riſtoye eſtoient en  
pique les uns contre les autres, Caſ-  
truccio ſe fourrant parmy cette guerre  
civile, s'empara de riſtoye. Les Flo-  
rentins ſe voyans de jour en jour en  
plus grand danger, firent tous leurs ef-  
forts d'amaffer des gens de toutes parts  
pour rompre les forces de ce nouveau  
Seigneur Lucquois, qui les eſtoit venu  
battre à leurs portes : tellement que  
pour trouver quelque deſenſe, ils fu-  
rent contraints de ſe rendre entre les  
mains du Roy Robert de Naples, qui  
accepta volontiers cét offre, pour pou-  
voir aux dépens d'autrui triompher  
de Caſtruccio ſon ennemy, lequel il  
deliberoit bien de miner: mais il trou-  
va bien à qui parler, comme l'effet &  
la défaite des Florentins le fit voir. Car  
apres pluſieurs rencontres, Caſtruccio  
cherchant touſjours l'occaſion de leur  
donner bataille, n'ayant que quatre  
mil hommes de cheval & vingt mil de  
pied, combatit & obtint la victoire



*Castruccio Castr. Lucquois. C. II. 37*  
sur l'armée Florentine , qui estoit de  
dix mil hommes de cheval, & de tren-  
te mil de pied. En laquelle bataille  
outre vingt mil hommes du camp Flo-  
rentin qui furent tuez , il en demeura  
deux mil prisonniers : entre lesquels  
se trouva Dom-Charles fils du Roy de  
Naples, & plusieurs autres Capitaines  
de nom. De cette victoire Castruccio  
voulut triompher à la maniere des an-  
ciens Romains , ne leur cedant ny en  
prosperité , ny en courage invincible,  
ny en nombre de victoires, ny en gloi-  
re & vertu : mais en ce seulement leur  
estoit-il inferieur , qu'il n'estoit natif  
ny de Rome ny d'Athenes , ou bien  
qu'il n'avoit esté élevé & nourry en  
une Cour du Roy de Macedoine, ains  
de Lucques , ville encore peu connue  
& illustre. Cette victoire enfla telle-  
ment le cœur de Castruccio à poursui-  
vre par apres la pointe de son bon-  
heur , que pour donner à connoistre à  
un chacun l'envie qu'il avoit de con-  
tinuer de tels coups, il voulut bien té-  
moigner par le triomphe qu'il fit, qu'il  
n'estoit pas méconnoissant d'une telle  
prosperité. Les Florentins neantmoins  
ne perdans courage , mais relevez par



38 *Histoire des ſçavans Hommes,*  
le ſecours de Naples, eſſayerent de ſe  
remonter & avoir leur raiſon contre  
Castruccio : lequel deſlors delibera de  
faire venir en Italie l'Empereur Louis  
de Baviere pour faire teſte au Nea-  
politain & François, lequel venant à  
grande puiſſance, pluſtoſt comme en-  
nemy s'empara de Milan & autres vil-  
les d'Italie, faiſant les Vicomtes pri-  
ſonniers. Puis venant à Lucques, &  
receu magnifiquement par Caſtruccio  
fut gagné par ſes graces & bien-faits,  
& pour ee l'honora du titre de Duc de  
Lucques : neantmoins enfin ils furent  
contraints ſe ſoumettre à l'obeiſſan-  
ce de Caſtruccio. Qui pour ne man-  
quer au devoir d'amitié qu'il portoit  
aux Vicomtes de Milan ( car ils ne  
portoient lors autre nom ) il ſupplia  
l'Empereur de leur donner liberté en  
ſa faveur, & à ceux qui eſtoient ſes  
amis : ce qu'avec toute difficulté il ob-  
tint. En ces entrefaites luy vindrent  
de faſcheuſes nouvelles que Piſtoye  
ſ'eſtoit revoltée de ſon obeiſſance. A  
cette cauſe ramaffant quelques com-  
pagnies de ſoldats, il ſ'achemina pour  
la recouvrer : & y ayant mis le ſiege,  
le continua avec un merveilleux cou-



rage , ne se souciant des peines & labeurs qu'il souffroit jour & nuit , jusqu'à ce qu'enfin elle luy eut esté renduë. Mais de tels laborieux exercices sengendrant une fièvre pestilentielle , causée des Nieux humides & peu sains , fut en moins de sept jours si rudement affligé de mal , qu'il fut contraint rendre l'esprit à Dieu , estant encore en la fleur de son âge. Si on vouloit considerer soigneusement ses vertus & prudence , on le jugeroit l'un des plus vaillans & grands Capitaines du monde : s'il eut vescu son âge , il eut éteint la renommée de Scipion , de Philippes , & mesme d Alexandre le Grand : neantmoins il a acquis tel renom , que plustost il a ressemblé un vray & équitable Prince , que non pas un tyran usurpateur. Je laisse de particulariser ses vertus & graces , l'exterieur vous estant representé en cette vive representation , telle qu'elle m'a esté envoyée d'Italie en la faveur du Seigneur Yppolito Augustin Bailly de Siene, Chevalier de S. Estienne de Florence : c'est que la fortune n'a secondé ses premiers desseins : car de sa femme Puvra ayant neuf



40 *Histoire des ſavans Hommes,*  
enfants, cinq filles & quatre mafes,  
aucun d'eux n'a pû entretenir la gloire  
& principauté acquiſes par le pere,  
ſoit que la puiſſance leur faillît, ou  
que les ſuccés ne favoriſſaſſent leurs  
deſtins. Non toutefois que ſa poſterité  
ſoit ſi aneantie, que pluſieurs riches  
Seigneurs d'Italie ne cherchent leur  
origine de Caſtruccio : veu meſmes  
que la France retient pardevers ſoy en  
honneur ce prudent perſonnage le  
ſieur Scipion Sardiny, lequel par ſon  
conſeil & jugement és affaires d'Eſtat  
ne ſe montre en rien degenerer des  
Lucquois & vertus Caſtrucciennes :  
auſſi a-il ſouvent eſté employé pour la  
ſeigneurie Lucquoise, tant en Angle-  
terre, Pais-bas de Flandres qu'autres  
endroits, où fidelement il s'eſt acqui-  
té de ſa charge. Au reſte il eſt aimé du  
Roy, favoriſé des Princes, reſpecté de  
toutes perſonnes honorables, & qui  
plus eſt, tous hommes de ſcience &  
vertu treuvent en luy vn accès doux  
& humain, les ſecourant de faveur &  
moyens. Voila ce qu'en bref j'ay re-  
cûeilly des actes vertueux de Caſtruc-  
cio, lequel mourut âgé ſeulement de  
47. ans, au milieu de ſes victoires.

EPITAPHE.



# EPITAPHE.

*Quel Castruccio signor de Lucca , il  
quale*

*Rinovellò l'antiquo honor di Marte,*

*E in favor della setta Imperiale,*

*Scoffe tutta Toscana à parte à parte,*

*Che già fu Capitan senz'altro eguale,*

*Et diede alta materia à molte carte:*

*Hor qui riposa poca polve, & ombra:*

*Et guerrier tal si poco luogo ingom-  
bra.*

J'avois envie de dire icy quelque chose de ce guerrier *IACQUES BOVRGVIGNON* ; mais parce qu'au Chapitre prochain je dois discourir de sa vie, pour conclusion de cét Eloge




42 *Histoire des ſçavans Hommes,*  
je ne veux adjoûter ſinon l'Epitaphe  
de noſtre Caſtruccio, tel qu'il eſt gravé  
en une pierre de marbre contre ſon  
Tombeau.

EN VIVO, VIVAMQVE, FACTA  
RERVVM GESTARVM, TALÆ  
MILITIÆ SPLENDOR, LVCEN-  
SIUM DECVS, ÆTRURIÆ OR-  
NAMENTVM. CASTRUCCIUS  
GERII ANTEMINELLORVM  
STIRPE, VIXIT, PECCAVIT, DOVI-  
CESSI NATVRÆ, INDIGENTI  
ANIMÆ, PIE BENEVOLI SVC-  
CVRRITE, BREVI MEMORES  
ESSE MORITVROS.











*JACQUES BOVRGVIGNON*  
*D.<sup>er</sup> MAISTRE DES Tēpliers*





# IACQUES

BOVRGVIGNON,

DERNIER MAISTRE  
DES TEMPLIERS.

## CHAPITRE III.



N ne sçauroit expliquer, combien a esté grande aux Provinces du Levant la fertilité, & le grand bien qu'ont fait les Chevaliers

Templiers, l'Ordre desquels florissoit en ces quartiers là, l'an 1305. du temps de Clement V. Archevesque de Bordeaux. Avant que de passer outre, il est question de sçavoir que ceux qui nous ont décrit l'antiquité des Histoires Grecques & Latines, nous ont aussi laissé par memoire, que lors que les Latins tenoient la Terre Sainte,



44 *Histoire des sçavans Hommes,*  
il y eut quatre fortes de Religieux  
croisez, lesquels faisoient profession  
des armes, pour la defense de la Reli-  
gion Catholique, & pour la guide des  
Pelerins, qui abordoient & mouïl-  
loient l'ancre aux Havres d'Acre, Tri-  
poly en Surie, Baruth & Iaphe: leur  
servoient de guides, les conservans  
de la tyrannie & courses des Barbares.  
Les premiers de ceux-cy furent cer-  
tains Chanoines du S. Sepulchre de  
Nostre-Seigneur. Les autres de Saint  
Lazare, lequel ordre de nostre âge a  
esté remis en vigueur par la grandeur  
du tres-puissant Prince Philbert Ema-  
nuel, Duc de Savoye, n'aguere defunt,  
qui s'en est nommé le Grand-maître.  
Puis au mesme païs il y en avoit d'au-  
tres, apelez les Freres Teutoniens, qui  
sont aujourd'huy en Prusse: puis les  
Chevaliers Templiers, la memoire  
desquels ne perira jamais entre les  
Chrestiens du Levant. Ils possedoient  
& commandoient au païs d'Asie.  
Saint Louis fit bastir un fort Chasteau  
assez près de la ville d'Acre, dite Pro-  
lemaïde, un autre en la Syrie de Phœ-  
nicie. Baudouin Roy de Jerusalem fit  
bastir une forte place dans une Isle



*Jacques Bourguignon. C.III. 45*  
nommée Sayth , qui regarde la terre  
ferme , où fut autrefois bastie la ville  
de Sidon , laquelle forteresse fut de-  
puis donnée aux Templiers. Une lieuë  
ou environ de cette ville d'Acre, il y a  
une Islette , comme j'ay veu au som-  
met de laquelle je trouvay force rui-  
nes du Chasteau dissipé par les Mam-  
melus d'Egypte, au pied duquel je leu  
contre une grande pierre, certaine ins-  
cription antique , où il paroissoit deux  
lettres, une *F.* & l'autre *I.* & puis apres  
*Bourguignon*, que j'ay depuis pensé que  
ce fut frere Jacques Bourguignon,  
dernier Grand-maistre des Templiers,  
qui fut brûlé à Paris. Or il n'y eut ja-  
mais Monarque en toute la Palestine,  
qui tint plus bravement en bride cette  
secte maudite , que jadis fit ce Grand-  
maistre & ses troupes Chrestiennes,  
ayans pris pied , & s'estans fortifiez  
jusqu'aux portes d'Antioche , & les  
grandes tours quarrées qu'il fit bastir  
au port de Tripoly , que l'on voit en-  
core de present. Les Rois tres-Catho-  
liques voyans le zele qu'ils avoient, &  
les courses qu'ils faisoient sur les Infide-  
les , comme chose loisible , & que  
pour se maintenir il se falloit exposer



46 *Histoire des sçavans Hommes*,  
en mille dangers de mort, leur don-  
nerent beaucoup de biens, & privi-  
leges, de façon qu'ils augmentèrent  
de iour à autre en grand nombre. Cét  
Ordre s'accréût en telle sorte, qu'il  
n'estoit fils de bonne maison, qui ne  
voulust porter titre de Chevalier :  
& devindrent ( ) la fin si riches au  
païs d'Asie, qu'ils tenoient tout ce qui  
est depuis Acre maritime, qui estoit  
leur petit Paris, & Ville tres florissan-  
te, accommodée des deux plus beaux  
ports que ie vy iamais, iusques au  
pays de Phrygie, Galatie, Judée, &  
Pamphilie. Pouvant asseurer le Le-  
cteur avoir veu en tous ces quartiers-  
là, grand nombre de Villes, qui é-  
toient gouvernées par eux. Lors elles  
étoient gouvernées par vn grand Maî-  
tre, qu'ils elisoient d'entr'eux. Et qui  
plus est, ils s'acquirent en France des  
biens infinis, & à cause de leurs gran-  
des richesses tenoyent fort peu de com-  
pte des Princes, & Seigneurs; ce qui fut  
la premiere occasion de tomber en  
leur mauuaise grace. Et mesme Phi-  
lippes le Bel Roy de France, ne porta  
jamais bon visage à cette Religion.  
Or le Pape Clement V. du nom, qui



s'entendoit avec ledit Roy, favorisoit son party, & leur dressa vne terrible partie: & pour les ruiner, & avoir la confiscation des biens meubles & immeubles, villes, chasteaux, & forteresses, qui étoient inestimables, que les Templiers possedoient en France, & es autres contrées, en l'an 1311. il abolit au Concile de Vienne tout leur Ordre: A cette cause on fit entendre au Roy, qu'ils tenoient de grands thresors, lequel conseilla au Pape de ruiner tout cét Ordre, si infecté de vices, & qui maintenoit des heresies. Le pape, encores qu'il fut homme d'esprit, & duquel nous avons plusieurs Loix, appelées Clementines, luy presta l'oreille, & ordonna qu'inquisition fut faite de leurs vie, & qu'on y procedast par emprisonnement, & confiscations de leurs biens. Les témoins attitrez deposerent qu'ils estoient forciers, Atheistes, Idolatres, yvrognes, faisâs des sacrifices cruels & horribles du sang humain, enclins à l'execration Sodomique & de plusieurs autres crimes de mort. Tellement que le grand Maistre Jacques Bourguignon, & quelques uns des siens furent emprisonnés,



48 *Histoire des ſçavans Hommes,*  
puis peu de jours condamnez à mort,  
& abolit-on tous leurs Colleges. Tou-  
tefois ils eſtoient premierement ad-  
vertis, que ceux qui voudroient évi-  
ter le tourment, condamnaſſent leur  
Ordre & Religion, comme ſecte inu-  
tile & du tout reprouvée : mais il n'y  
avoit nul d'entr'eux qui voulut la deſ-  
avoïer, mais il ſembloit que la ſeve-  
rité & rigueur des ſuppliques qu'on  
leur preſentoit, les encourageaſt da-  
vantage à perſeverer en leur obſtina-  
tion juſqu'à la mort. Il eſt bien vray  
que celui duquel je parle, fut envoyé  
à Lyon au Pape Clement, devant le-  
quel il confeſſa bien quelque choſe de  
leur Ordre, non point toutefois les  
horribles abominations dont ils ſont  
noircis. Mais eſtant ramené à Paris, il  
ſe retraçta, aſſeurant que ce qu'il avoit  
confeſſé à Lyon avoit eſté tiré de ſa  
bouche par force, contrainte & vio-  
lence contre la verité Et à haute voix  
publioit que luy & ſes freres n'avoient  
pas commis les meſchancetez dont ils  
eſtoient accuſez. Nous apprenons des  
Hiftoriens des Grecs, Arméniens &  
autres peuples du Levant, que depuis  
que ce grand mal-heur advint aux  
Templiers,



Templiers, ils n'ont esté iamaïs en repos & asseurez de la secte des Circconcis de Mahemet. Et quant à ces personnages Templiers, ils estoient si exemplaires entr'eux, hommes vail-lans & de bonne grace, qu'ils ne s'étudioyent, & ne s'employoient à autres choses, qu'à soutenir la Foy, & le Saint Baptême de Iesus-Christ, & me l'ont ainsi recité plusieurs fois conversant avec eux. Et aussi les Allemans ont laissé par écrit que ce fut vne pure calomnie (comme i'ay dit,) pour avoir leurs grands biens & richesses.

Au mesme temps aussi les Juifs furent aussi opulents en deniers, furent aussi chassés de France pour vn tel fait, & furent dépouillez de tous leurs biens. Si ou aux Templiers ou aux Juifs, on avoit seulement jetté ce chat aux am-bes d'impieté, je ne m'en formaliserois pas beaucoup, mais c'est le baston lequel on a accoustumé de descharger sur ceux desquels on se veut deffaire. Sous les premiers Emperéurs on trouva des calomnies si lourdes & impudentes contre les Chrétiens pour abolir leurs corps, Colleges & Assemblées qu'il n'estoit possible d'en trou-



50 *Histoire des ſçavans Hommes,*  
ver de plus eſtranges. On les char-  
geoit d'eſtre Atheiſtes , inceſtueux ,  
patricides & manger le fruit , qui  
venoit de leur inceſtes , ainſi qu'on  
peut veoir aux Apologies de l'Orateur  
Athenagoras & de Tertullian. Je ſçay  
bien que quelques vns ont voulu cou-  
vrir cette abolition de la maxime  
qu'ils fondent , qu'il n'y a rien plus  
contraire à l'entretien , conſervation  
& illuſtration de la republique que  
ces colleges diſtincts ſeparés & dere-  
gles , conſtitutions & obſervations.  
Cinquante mille hommes , qui aſſiſte-  
rent au ſupplice de ce vieillard Jac-  
ques Bourguignon , duquel ie vous re-  
preſente icy le portrait , tel que me  
donna le feu Seigneur de Chanterene  
grand Prieur de France , qui me dit  
l'avoir apporté de la ville de Rhodes ,  
là où il avoit pris la Croix de Cheva-  
lier de Rhodes. Eſtant au gibet avec  
ſes compagnons , près à eſtre brûlé , ja-  
mais on ne vid tant d'exemple de con-  
ſtance , qu'à la mort de ces pauvres  
croiſez , leſquels étans à l'article de la  
mort , haut ſuspendus en l'air , brûlez  
à petit feu , près à rendre l'ame à Dieu ,  
comme en ce ſiecle là , les hommes e-



*Jacques Bourguignon* C. III. 51  
toient simples, & scrupuleux, ce ve-  
nerable Jacques Bourguignon grand  
Maître, & les autres pareillement  
protestèrent sur la damnation de leurs  
ames, d'estre innocens de ce que les  
faux témoins, entr'autres deux Flo-  
rentins du mesme ordre, leur auoient  
imposé. Et tout ce qu'ils avoient con-  
fessé au Pape étoit tres-faux: Et étans  
consommez en cendre, heureux  
estioet les gens de bieu d'amasser leurs  
cendres, & ossemens, qu'ils gardoient  
comme sainte reliques. Quoy qu'il en  
soit en la faveur du roy, & du Pape  
au Concil de Vienne, tenu l'an 1311.  
cét ordre fut du tout osté, & leurs  
biens en France, & Italie, donnez  
une petite partie aux Chevaliers de S.  
Jean, qui desia avoyent pris Rhodes  
sur les Turcs. Ceux d'Espagne aux  
Chevaliers de S. Jacques. Voilà ce  
que j'ay bien voulu dire en passant de  
ces valeureux champions, & martyrs.  
Vous avez en ce pays-là de la petite  
Asie une autre republique de Che-  
valiers Latins, qui s'appeloyent Teu-  
toniques, qui ont grandement secou-  
ru par leurs hauts faits & belles  
actions les Chretiens Orientaux, qui



52 *Histoire des ſçavans Hommes*,  
d'un ſi petit commencement devin-  
drent par ſucceſſion de temps, riches  
& puiffans. Devant que les Chreſtiens  
euſſent conqueſté la Terre Sainte, les  
Eſpagnols, Italiens, Allemans; & au-  
tres qui hantoyent les Pays d'Egypte  
& Paleſtine avoyent obtenu des Roys  
& Seigneurs d'Orient permiſſion de  
faire vne Eglife en Hieruſalem, laquel-  
le ils dedierent à N. Dame, & y fai-  
ſoient le ſervice, à l'uſage de l'Eglife  
Latine, parce que les Grecs, Arme-  
niens, Neſtoriens, Iacobites, & au-  
tres ſuivoient en leurs erreurs & cere-  
monies, les conſtitutions de leurs Pa-  
triarches & Eveſques, ainſi que ſça-  
vent tres-bien raconter les hiſtoires de  
ce peuple du Levant : Mais peu à peu,  
les Latins en firent conſtruire vne au-  
tre, & deux Convens ſemblablement,  
l'un d'hommes & l'autre de femmes,  
aſin que plus devotement, tant l'un  
l'autre ſexe peuſt vacquer à l'Orai-  
ſon : & vivoient ces Religieux des  
aumônes que leur faiſoient les pe-  
lerins : les hommes de ce temps-là  
étoient fort charitables, entre au-  
tres les Roys, Princes & autres Sei-  
gneurs, choſe tres-agreable à Dieu.



J'ay veu en ces païs - là beaucoup de tres-superbes Hospitaux bâtis par eux, aujourd'huy si ruinez, & il n'y a non plus d'hospitalité de present qu'il y a aux Hospitaux de nostre France, détruits & ruinez par le mauvais gouvernement des Commissaires établis au regime & gouvernement depuis vingt ans ou environ: en Ierusalem il y avoit un fort riche Hospital basty auprès du Temple de Salomon, auquel lieu autrefois estoit basty son superbe Palais, il estoit gouverné par les luifs, & leur fut donné la place par Melechseraph Souldan, qui signifie Roy ardent ou resplendissant, lequel reprit la ville d'Acre l'an 1213. & chassa les Chrestiens de toute la Palestine, laquelle fut jointe au Royaume d'Egypte: Depuis les Mamelus commencerent bien-tost apres à ruiner les maisons d'hospitalité de toute la Terre Sainte: de mesme cruauté en userent-ils à ceux des Chevaliers Chrestiens, qui tenoient aux Isles voisines d'Ase, & à plusieurs autres de celles de l'Archipelague, comme j'ay dessein de vous dire dans mon grand Insulaire, laissant au Lecteur les hauts



54 *Histoire des scavans Hommes,*  
faits de guerre & actions incroyables  
faites par les Chevaliers Templiers,  
entr'autres contre les Souldans d'E-  
gypte que contre ceux de Baudras.  
L'an mil quarante, se trouvoient en-  
tre les peuples infideles plusieurs Sul-  
tans, ou Souldan en chaque Province,  
le Caliphe en instituoit un à chaque  
Province ou ville capitale, comme à  
Damas, Alep, Antioche, Alexandrie,  
d'Egypte & ailleurs, lesquels entre-  
rent en dissention à la fin, qui fut le  
principal moyen & entrée d'agrandir  
les forces des vaillans Templiers. Or  
entre ceux qui ont fait grand guerre  
contre les Mammelus, Arabes, luifs &  
autres ennemis mortels du nom Chre-  
stien, fut le premier chef, & Maistre  
Henry de Vvalpot personnage en Al-  
lemagne de grande vertu, doué d'une  
grande force & beauté de corps, le-  
quel ému de dévotion avec autres  
Seigneurs d'Allemagne, s'en alla en  
Jerusalem pour secourir les Chres-  
tiens, & fut esleu par les autres Gen-  
tils-hommes pour premier Maistre &  
Capitaine des Chevaliers Teutoni-  
ques, l'an 1190. Et ainsi commen-  
ça cet ordre pour la peine qu'avoient ces



bons Seigneurs des pauvres Chrestiens, qui estoient en petit nombre, & pour les secourir ils faisoient vœu & profession. Estant en Syrie, eut avec les siens beaucoup de belles victoires, & y rebastit en Syrie une Republique Chrestienne. Cependant par les dissensions des Rois de Jerusalem, Saladin l'avoit occupée. Henry avec les siens se retira à Acre, autrement Ptolomaïde, & la defendit virilement contre les Sarrafins, l'an 1190. Il mit peine d'augmenter cet ordre en faveur des Chrestiens, tant que plusieurs grands d'Allemagne s'y sont rangez, & y ont legué de leurs biens. A la fin estant mort, Otthon de Kerpen luy succeda à l'Office de grand Maistre, l'an 1220. & commanda à cet Ordre six ans. Son successeur fut Hermambart l'an 1200. qui regna quatre ans. Apres luy fut Herman II. de Saltza l'an 1210. qui commanda trente ans. En un mot, ils furent depuis ce Seigneur Vvalpot premier (comme j'ay dit) grand Maistre de l'Ordre des Theutoniques, jusqu'à Albert de la maison de Brandebourg, lequel quitta l'Ordre pour se marier à la fille du



56 *Histoire des sçavans Hommes,*  
Roy de Dannemarc trente-quatre.  
Du depuis, Sigismond Roy de Polo-  
gne, comme premier Duc de Prusse  
en constitua un autre, ce qui advint  
l'an de Nostre-Seigneur 1527. au  
temps de S. Louys, des Templiers &  
Teutoniques, & mesme devant qu'il  
passast à son voyage d'outre-mer : &  
apres aussi les Infideles Mahometans  
perdirent par l'aide de ces Chevaliers  
guerriers la p uspart de ce qu'ils avoiēt  
gagné & conquis sur les Romains en  
la Syrie, Judée & Palestine, desquels  
ils se disoient estre heritiers & vrais  
successeurs de ces glorieux Romains,  
la valeur & discipline desquels ils  
loïoient plus que d'autres Nations.  
Je conclus donc que le renom de ces  
Croisez fut si grand par toutes les Pro-  
vinces Orientales, qu'il effaçà presque  
le souvenir des autres.












*BERTRAND DE GUESCLIN*  
*CÔNÉSTABLE DE FRANCE.*





# BERTRAND

## DV GVESCLIN.

### CONNESTABLE

### DE FRANCE.

#### CHAPITRE IV.

**L**ISANT les Histoires tant anciennes que modernes, je suis presque forcé & contraint de croire & maintenir qu'un certain heur & fatale prosperité accompagne, élève & magnifie aucuns en toutes leurs actions & entreprises, bien qu'il semble n'estre Coadjuteurs & prester la main en chose quelconque, qui puisse estre executée sous leur nom & à leur adveu. Ainsi que nous fait foy ce qu'on recite de Thimothée



58 *Histoire des ſçavans Hommes,*  
eſtimé Capitaine plus heureux qu'habile homme ne vaillant : dont quelques-uns luy portans envie, prenoient à l'entour de luy des villes, qui venoient ſe prendre d'elles-mesmes dans une naſſe pendant qu'il dormoit. Les autres ſont ſi heureux en leurs faits d'armes, que s'expoſans ſans aucun reſpect à tous dangers & perils éminens, voire meſme au milieu des batailles rangées, és aſſauts de villes, & ſurpriſe de camps, demeurent neantmoins victorieux, & oncques ne ſe trouvent vaincus. Ce vaillant Chevalier Meſſire Bertrand du Gueſclin redouté, & vulgairement nommé le fleau des Anglois, duquel je vous repreſente icy le portrait tel qu'il eſt à ſa Chapelle & ſepulture à S. Denis en France, fera foy de mon dire. Car comme il fut natif du Château de la Motte de Proon, à ſix lieux de la ville de Rennes, du païs de la Bretagne, proprement dite Armorique, de parens nobles & honorables dès ſa jeuneſſe, & ſans connoiſſance du bien ou du mal, eſtoit merveilieuſement & idoine aux armes & combats : de maniere que s'accompagnant d'un grand nombre de



jeunes enfans , avoit coustume de les faire tournoyer & combattre les uns contre les autres , & luy plus courageux combattoit , frapoit , heurtoit , donnant prix & estime à ceux qui demeuroient vainqueurs. Continuant tels jeux & combats , & venant en l'âge de 17 . à 20 . ans , commença à frequenter les joustes & tournois , qui en ce temps-là estoient assez frequens , esquels se fit paroistre & estimer pour un des mieux & plus hardis combattant , de façon que toujours emportoit le prix du tournoy. Aussi estoit-il fort robuste de tous ses membres , laid de visage , ayant le nez camu & fort brun , au reste bien proportionné de corps. En ce temps survint noise & division entre deux , qui disoient le Duché de Bretagne leur appartenir & estre heritiers du Duc defunt , dont l'une fut une Dame femme de Messire Charles de Blois , & l'autre fut Jean Comte de Montfort , qui y vouloit proceder en hoirs. Lors du Guesclin voulant faire preuve de sa vertu , & avoit ouy dire que le Duc Charles y avoit bon droit , s'allia d'un nombre de gens , en propos de luy aider , cherchant les occasions



60 *Histoire des sçavans Hommes,*  
de nuire à partie adverse, jusqu'à ce  
qu'après plusieurs actes chevaleux  
par luy faits en assaillant & defendant  
Villes & Chasteaux, il fut finalement  
pris prisonnier par les Anglois, venus  
au secours de Jean de Montfort, en la  
bataille donnée près la ville d'Aulroy.  
Mais peu après l'accord & traité de  
paix estant fait, fut delivré sans ran-  
çon. Je n'entens pas en cet endroit par-  
ler de son emprisonnement, lors qu'au  
precedent quelques Evêques desirans  
appointer leur different, traiterent la  
paix, & furent baillez ostages pour  
tenir l'appointement. Pour la partie  
du Duc Charles, fut baillé Bertrand  
du Guesclin. mais ledit appointement  
fut rompu par la faute de Montfort, &  
furent les ostages delivrez, réservé le  
Seigneur du Guesclin, que Montfort  
ne voulut delivrer, & le bailla à gar-  
der à Messire Guillaume Feleton, & le  
garda bien un an, nonobstant les re-  
monstrances de Bertrand, disant qu'il  
n'estoit & ne devoit estre prisonnier.  
Parquoy il trouva façon un matin d'é-  
chaper de la maison de Feleton, le-  
quel aucun temps après, ayant enten-  
du que Bertrand qui estoit son prison-



nier avoit fausé les prisons le fit venir au Parlement de France. Bertrand fut assez content de venir en France, parce qu'il sçavoit que les Anglois & Navarrois y faisoient la guerre : il y vint & fut jugé que Bertrand n'avoit brisé la prison ni fausé la foy au Comte de Montfort, ny à Feleton. Apres l'Arrest donné Monseigneur Charles fils aîné du Roy Iean, lors Duc de Normandie, & Regent en France, trouva moyen d'attirer à son party Bertrand, pour les grands biens & vaillances qu'il avoit ouy dire de luy. Alors la Reyne Blanche, qui tenoit la Ville de Melun, la mit es mains du Roy de Navarre son frere, ennemy du Royaume. Si y alla ledit Regent & en sa compagnie Bertrâd du Guesclin qui y fit de grandes vaillances, quoy que pour lors il ne fût encores point cõnu. Apres ladite ville de Melun prise, Bertrand s'en alla es marches de Normandie, pour faire guerre aux Anglois & Navarrois, & prit la ville de Mantel, qui estoit au Roy de Navarre, & s'estoit mis Bertand & les gens en guise de vigneron. Puis apres il prit la ville de Meulanc. En apres il se combatit



62 *Histoire des ſçavans Hommes,*  
devant Cocherel, contre le Captal de  
Buch: & fut ledit Captal pris prison-  
nier, & tous ſes gens morts ou pris.  
Ainſi Bertrand demeura pour le Roy  
à Rouën, penſant ſelon ſa charge gre-  
ver les ennemis du Royaume, & com-  
ment il les pourroit chaffer du Duché  
de Normandie: il ſe mit en campa-  
gne, & en bref temps prit les Chaf-  
teaux de Valognes, Carenten, Dou-  
vre & pluſieurs autres en Norman-  
die. Tantost apres du Gueſclin, qui  
aimoit grandement le bien du Roy &  
du Royaume, afin de delivrer le païs  
de pluſieurs gens de guerre, courans  
& pillans le Royaume, lesquelz ſe  
 faiſoient appeller la grande Compag-  
nie, comme gens ramassez de plu-  
ſieurs Nations, tant Anglois, Navar-  
rois, Gascons, que François, fit tant  
 envers les Capitaines, devers lesquelz  
il alla par ſauf conduit, qu'il les af-  
ſembla, & furent contens d'aller  
 combattre pour la Foy contre les Sar-  
raſins qui eſtoient en Eſpagne, & con-  
tre Pierre d'Eſpagne, le plus meſchant  
Tyran & déloyal qui fut lors ſur terre.  
Contre celuy, diſ-je, à la ſolicitation  
du baſtard de Caſtille nommé Henry



*Bertrand du Guesclin* CHAP. IV. 63  
Comte de Tristemare passa du Guesclin en Espagne. Faut noter chose digne de memoire, que Bertrand voulut faire absoudre ses gens par le Pape, lors demeurant en Avignon, & le contrainquirent avec l'absolution leur payer deux cens mil livres, dont le Pape s'émerveilla, disant que la coutume estoit de donner de grands dons d'or & d'argent pour avoir absolution, & neantmoins estoit contraint donner l'absolution à telles gens ramassez selon leur volonté, leur donnant encore du sien, tellement qu'outre les tresors de Saint Pierre, il falloit encore tirer de la bourse. Donc ainsi partirent & allerent à Perpignan, & passans outre prirent plusieurs Villes & Places en Castille, tant qu'ils vinrent devant la Cité de Bruges, où estoit pierre, qui s'enfuit : & fut couronné Henry Roy d'Espagne dans Bruges, & conquesta le Royaume de Castille. Mais Pierre s'estant retiré devers le Prince de Galles, qui demouroit pour lors à Bordeaux, lequel avec de vaillans Capitaines & Soldats, passa en Espagne, & donna la batai le à Henry,



64 *Histoire des ſcavans Hommes,*  
en laquelle il fut déconſtit, & Meſſire  
Bertrand fut pris priſonnier, avec plu-  
ſieurs autres, & amené à Bordeaux.  
Où ayant longuement eſté detenu en  
priſon fermée, le prince par orgueil &  
dépit, fit venir led. Bertrād devant lui,  
& luy dit que ſ'il luy vouloit promet-  
tre, que jamais contre luy ne ſ'arme-  
roit, ny ſemblablement pour le Roy  
Henry d'Eſpagne, qu'il luy acquitte-  
roit ſa rançon & toutes ſes debtes, &  
donneroit dix mille florins pour ſoy  
monter & armer. Mais Bertrand ré-  
pondit, qu'il aimeroit mieux mourir  
en ſa priſon, que luy promettre telle  
choſe. Or ça (dit le prince) on dit  
que je vous tiens longuement priſon-  
nier, pour doute que j'ay de vous :  
parquoy je veux que vous vous en al-  
liez, mais ce ne ſera pas ſans payer  
voſtre rançon. Seigneur (dit Ber-  
trand) vous ſçavez que je ſuis un pau-  
vre Chevalier : ſi me vueillez mettre  
à gracieuſe rançon. Et où iriez vous  
(beau Seigneur) qui vous laiſſeroit  
aller ? Je m'en iray (dit Bertrand) où  
je pourray tantost pour recouvrer  
ma perte. Or adviſez (dit le prince)  
combien vous me donnerez ? Sire, dit  
Bertrand,



Bertrand, puisque de ma rançon m'avez fait juge, je vous donneray cent mille doubles d'or. Quand le Prince l'oüit parler si hautement, dit: Voyez comme il se sçait bien gaber, je le quitterois pour la quatrième partie. Lors dit Bertrand vous en aurez soixante mil. Et ainsi furent d'accord. Lors dit Bertrand hautement: maintenant se peut bien vanter Henry qu'il mourra Roy d'Espagne: car je l'en couronneray, quoy qu'il doive couster, & me prestera la moitié de ma rançon, & le Roy de France l'autre. Le Prince s'ebahit du courage de Bertrand, & la Princesse de Galles, qui pour lors estoit en la ville d'Angoulesme, que possedoient les Anglois: & ayant oüy la renommée de Bertrand, alla à Bordeaux expressément pour le voir, & luy donna dix mil doubles, en allegement de sa rançon. Ainsi fut Bertrand delivré, pour aller faire finance de sa rançon, & tira vers Louis Duc d'Anjou, qui tenoit le siege devant Tarascon contre la Reine de Sicile: & tant fit Bertrand, que par sa conduite & subtilité la ville fut prise dedans le tiers jour de son arrivée. Le Duc dit à



66. *Histoire des ſçavans Hommes,*  
Bertran luy donnoit vingt mil  
écus, & luy en feroit donner autant  
par le Pape, & que le Roy de France  
lui en donneroit ſoixante mil: un mois  
apres Bertrand vint devant le Roi, qui  
le receut honorablement, & lui donna  
cent mil florins, mais à ſon partement  
luy fit promettre que toutes les fois  
qu'il le manderoit, il reviendroît à ſon  
aide. Apres Bertrand s'en alla en Bre-  
tagne voir Madame Tiphaine ſa fem-  
me, native de Dignant, l'une des belles  
& vertueuſes Dames que l'on ſçeut  
voir au monde, & eſtoit à Roche-d'A-  
rien, & paſſa par l'Abbaye du Mont  
S. Michel, en laquelle avant ſon parte-  
ment il avoit laiſſé en la preſence de ſa  
femme cent mil florins en garde, & les  
croyoit bien trouver, mais ſa femme  
les avoit receus, & il luy demanda en  
quoy elle les avoit dépenſez, & elle  
répondit; Mon bon amy, ſçachez que  
je les ay donnez aux Gentils-hommes  
qui vous ont ſervy à la guerre, pour  
aider à payer leurs rançons, & d'eux  
pourriez encore eſtre bien ſervy à l'ad-  
venir. Bertrand dit que bon gré luy  
en ſçavoit. Les Barons & Seigneurs  
de Bretagne receurent honorable-



*Bertrand du Guesclin.* CHAP. IV. 67  
ment ledit Bertrand, & luy firent plusieurs dons pour payer sa rançon. Cela fait s'en retourna à Bordeaux, où paya sa rançon, puis assembla des gens de guerre pour aller à l'aide du Roy Henry. Lequel eut cinq batailles contre Pierre, meurtrier de sa femme, qui pour avoir support contre le Roy Henry, avoit pris alliance au Roy de Bellemarine Sarrafin, lesquelles à la conduite de Bertrand il gagna toutes. Apres ces choses faites, le Roy manda à du Guesclin par plusieurs messages, & à la fin y envoya Messire de Denchan Marechal de France, luy prier qu'il s'en retournast en France, pour luy aider contre les Anglois, & luy promit ledit Marechal de par le Roy l'épée de Connestable de France: il s'en retourna, & en passant prit plusieurs Villes & Places sur les Anglois. Or donc le Roy Charles, dit le Sage, connoissant les sens, vaillance & preud'hommie de du Guesclin, le fit Connestable de France, le Seigneur Morel de Fiennes Comte de Joigny, s'en estant défait, à raison de sa vieillesse. Ainsi s'advança de poursuivre les Anglois des pais d'Anjou, de Poictou



68 *Histoire des ſçavans Hommes,*  
& Normandie, tenans pour les Navarrois : meſme à la ſolicitation des Seigneurs de Bretagne, mit en la main & puiſſance du Roy le païs de Bretagne, à raiſon que le Duc s'eſtoit allié des Anglois, & leur avoit donné paſſage en Bretagne. Il ne veut paſſer un propos d'iceluy Bertrand, digne certainement de memoire & perpetuelle recommandation : ſçavoir qu'eſtant appellé à l'eſtat, dignité & honneur de Conneſtable, ne le voulut recevoir qu'au prealable le conſeil & commun conſentemēt des Princes & Seigneurs du Royaume fut enſemblement congregé, leſquels l'éleurent & conſtituerent Conneſtable. Encore s'excusa-il longuement, ſe diſant eſtre incapable de ſi grande dignité, alleguant qu'il ne ſeroit honneur à luy, qui eſtoit ſimple Chevalier, & iſſu de baſſe lignée commander en chef aux Princes, Ducs, Barons & Chevaliers notables & anciens. Neantmoins le Roy voulut qu'il fut obey comme ſa propre perſonne, & que tous luy fuſſent ſujets en l'armée. Il ſeroit impoſſible de pouvoir dire la magnanimité dont uſa ce vaillant guerrier à l'endroit du Roy



Charles, disant ces propos. Que volontiers il acceptoit cette charge, toutesfois par telle condition, & non autrement, que si en son absence aucun traistre par trahison ou flaterie, rapportoit aucun mal au Roy de sa personne, il n'en croiroit point le rapport, & que pis ne luy en feroit, jusques à ce que les paroles dites fussent rapportées & maintenues en presence dudit Bertrand. Laquelle chose le Roy luy octroya, & par ainsi Bertrand receut l'épée, & fut fait Connestable, apres que le Roy l'eut baisé. Puis demanda de l'argent au Roy. Il est à remarquer qu'il luy fit delivrer grande somme de deniers, & qu'il fit briser ses coffres où il y avoit tant d'argent : car c'est grand méfait, que par faute de payer les soldats, on leur permette piller & rançonner, & bien souvent par ce moyen les batailles se perdent. Ce Chevalier Breton recompensoit les Capitaines & Soldats, ne leur refusant rien, & quand l'argent luy faillloit, il les payoit de sa vaisselle & joyaux d'or & d'argent. Et par special il soulageoit les pauvres Chevaliers & Escuyers venans de prison, leur payant



70 *Histoire des sçavans Hommes,*  
somme d'argent, pour satisfaire à leur  
rançon. I'en reciteray un seul exem-  
ple. Comme revenant du siege de Ta-  
rascon, il luy eut esté donné par le  
Duc d'Anjou vingt mil florins, il n'en  
rapporta à Bordeaux la valeur d'un  
seul denier, mais en fit part à plu-  
sieurs Gentils-hommes qui avoient  
esté prisonniers avec luy. Dont un  
chacun admiroit sa largesse & cour-  
toisie, & disoient que c'estoit le meil-  
leur Chevalier qui fut au monde, le  
plus hardy, plus redouté, mieux heu-  
reux & fortuné, plus courtois, moins  
orgueilleux, moins convoiteux & le  
moins blasmant autrui, & l'estimoient  
digne d'un Royaume. Pour passer ou-  
tre, environ Pasques de l'année com-  
mençant mil trois cens quatre-vingts,  
ceux d'Auvergne envoyerent devers  
le Roy, luy supplier qu'il leur en-  
voyast un Capitaine de par luy pour  
les defendre. Entre tous les siens  
n'en sceust choisir un plus propre, ny  
mieux à son gré, que son Connestable  
du Guesclin, lequel en y allant mit le  
siege devant une place apelée le Cha-  
telneuf de Rencon, & tant assaillit  
ceux de dedans, qu'ils furent sur le



point de rendre la place. Et advint qu'une griève maladie faist ledit Connestable, dont en bresi mourut. Mais ce neantmoins le jour de son trespas (qui fut le treizième jour de Juillet, en l'année mil trois cens quatre-vingt) ceux de la place se rendirent, & furent les clefs apportées & mises sur le cercueil, où estoit le corps du Connestable. Le corps duquel, pour le grand bien & vertu que le Roy son maistre avoit connu en sa persenne, il fit apporter & enterrer en l'Eglise de S. Denis en France, en la Chapelle & près du lieu où le Roy avoit sa sepulture. Pour finir l'histoire de nostre Breton, j'adjousteray ce qu'en a écrit Froissard Auteur assez croyable, pour l'histoire de son temps, & principalement lors qu'il ne s'affectionne point aux Anglois, dont il estoit pensionnaire. Doncques parlant de la mort de ce grand Chevalier, qui en son temps avoit défait des Rois, & en avoit défendu d'autres, dit que le lieu de sa mort fut Chasteauneuf de Rencon, à trois lieues de Mande, & quatre du Puy en Auvergne, & qu'au Convent des Cordeliers du puy, fut porté son



72 *Histoire des sçavans Hommes*

corps, & de-là à Saint Denis en France. Apres la mort de cét invincible Conneftable, les Autheurs varient sur la fucceffion de fon Estat de Conneftable. Car Feron dit que philippes Duc de Bourgogne, tenant cette dignité avant du Guefcclin, la luy refigna pour faire plaisir au Roy son frere, qu'il voyoit affectionné audit Seigneur du Guefcclin, pour les services qu'il avoit faits, & qu'il pourroit faire à la Couronne de France : mais cettuy mort, il reprit son premier office. Toutefois Froiffard en est de contraire opinion, difant qu'apres le deceds du Seigneur de Longueville Bertrand du Guefcclin, plusieurs estans mis en avant, pour succeder à un si vaillant homme, nommément furent representez au Roy les services & la sagesse du Seigneur de Cliffon, qui avoit longuement tenu le party des Anglois, & n'agueres l'avoit quitté pour venir au service du Roy & de Coucy. Le Roy enclinant fort au fieur de Coucy, pour l'amitié finguliere qu'il luy portoit, le luy octroya, ce que ledit Seigneur refusa, & pour ce eut-il le gouvernement de Picardie, & fut fait

Conneftable



*Bertrand du Guesclin.* CHAP. IV. 73  
Connestable de France, Messire Olivier de Clisson, Chevalier Breton. Toutefois l'Annaliste de France dit que le Roy Charles VI. successeur & fils du Sage, estant venu à la Couronne, fut mis en deliberation de pourvoir à l'office de Connestable, car depuis le trépas de du Guesclin n'y avoit esté pourveu, & pour y pourvoir à l'office fut assemblé conseil des Seigneurs Barons & Chevaliers, auquel conseil fut élu audit office de Connestable Messire Olivier Seigneur de Clisson, lequel aucunstiennent avoir esté cause de l'entiere ruine du Royaume de France, mais ce traict ressent l'Anglianisme. Ce sujet requeroit bien faire mention de l'estat de Connestable, mais je le surseoiray pour n'empescher icy trop de place, & poursuivre mes erres encommencées. Le Roy Charles VI. pour encourager les bons serviteurs à luy faire service & continuer en leurs devoirs, & pour montrer exemple aux Rois qui viendroient apres luy comment il falloit reconnoistre & les vivans & les morts: se souvenant de la grande & bonne reputation qu'avoit gagnée le Connestable



74 *Histoire des ſçavans Hommes,*  
du Gueſclin du vivant de Charles le  
Quint : & combien ce ſage Roy l'a-  
voit eſtimé, voulut qu'on luy fit des  
obſeques & funerailles long - temps  
apres ſon trépas , où aſſiſta ſa Majeſté  
& Clifton nouveau Conneſtable, le  
ſieur de Sancerre Mareſchal de France  
& pluſieurs autres Seigneurs, qui por-  
terent le grand deüil avec les meſmes  
ceremonies , qu'on feroit preſque à la  
Majeſté Royale. Exemple notable en  
un jeune Princee , qui tenoit la vertu  
d'un qui par proüeſſes eſtoit parvenu,  
& par ſes hauts faits avoit fait regner  
les Rois.











*EDOVARD PRINCE  
DE GALLES.*





# EDOUARD

PRINCE DE GALLES.

---

## CHAPITRE V.

**J**E suis fâché que je ne puis décrire cette Histoire sans y entremesler une correction, qu'il faut nécessairement faire à Jean Roy de France, Prince vrayment accompagné de plusieurs graces, grandement recommandable, mais il ne les sceut si bien regler; qu'en faisant son profit avec prudence, il choisit le temps propre & la commodité opportune pour dompter ses ennemis. Qu'il n'eut donné assez bon ordre à tout ce qui estoit nécessaire à la guerre on ne le peut nier, puisqu'il a dressé



76 *Histoire des sçavans Hommes*,  
une si forte & puissante armée contre  
une fort petite poignée d'Anglois, car  
Edouïard en la décente qu'il fit, n'ame-  
na jamais trois mil Anglois, & à tout  
rompre toutes ses forces estant ramas-  
sées, ne montoient point plus haut de  
douze mil combattans. Une grande  
faute fit le Roy Jean premier de ce  
nom, que les deux armées estant cam-  
pées assez près l'une de l'autre, il laissa  
reposer long-temps son soldat, & don-  
na loisir à son ennemy, qui avoit, com-  
me l'on dit, la puce à l'oreille, & de  
se fortifier. Car ce jeune Anglois  
voyant que la nécessité le forçoit de  
venir au combat, & que la force n'es-  
toit pas de son costé, cependant qu'on  
s'amusa à parlementer, ne cessa de  
tournoyer à l'entour de son camp, en-  
courageant les soldats de la victoire,  
dont il se tenoit assuré, pour l'escorte  
principalement qu'il avoit des Sei-  
gneurs Captaux de Buch, Raufan, Mu-  
cidan, l'Espaire, Albret, Montferrand,  
Tartas & autres d'Aquitaine. Je trou-  
ve qu'il estoit tellement assidu à faire  
ces reveues, qu'à peine se donnoit-il  
le loisir de prendre son repas. Car de  
dormir il n'estoit question, il avoit un



*Edoüard Prince de Galles, C. V. 77*  
tintoin, qui luy cliquetoit par trop aux oreilles. Il se rempara si bien entre Beauvoir & Maupertuis & l'Abbaye de Noüaille és vignes & buissons, qu'il osta le moyen à la Cavalerie Françoisise de l'aborder, & facilita aux siens le chemin pour se defendre. Doncques l'honneur de la victoire écheut à ce brave guerrier par l'imprudence & indiscretion du Roy Jean, lequel voyant qu'il avoit trop laissé renforcer son ennemy, devoit presumer à qui il avoit affaire, à sçavoir à gens du tout desesperéz, qui sentans que les soumissions qu'ils avoient fait au Roy, par l'entremise des Cardinaux de Perigord & d'Urgel, deleguez par le Pape pour moyenner la paix entre ces deux Princes, n'avoient sçeu retenir le cœur de ce Roy, qu'il ne les mit au desesperoir, furent contraints de jouer, comme l'on dit au quitte ou au double. Ils apprirent bien à ce Roy qu'il s'en falloit beaucoup, qu'ainsi qu'il se faisoit entendre, il ne tint la fortune aux cheveux. Et à dire ce qui en est, beaucoup plus sagement eut-il fait s'il eut receu l'armée d'Edoüard à condition de paix, qui ne demandoit que d'é-



78 *Histoire des sçavans Hommes,*  
chaper la vie sauve avec son armée,  
& promettoit de remettre en l'obeïssance de sa Majesté toutes les villes & places qu'il avoit pris sur luy : En apres luy rendre les prisonniers, butin & pillage, qu'ils avoient recouvert depuis le départ de Bordeaux : finalement de ne s'armer, ny souffrir que ses Sujets s'armassent de sept ans contre le Roy ny la France. Il eut par ce moyen emporté la victoire, & n'eut mis au hazard la fleur de sa Noblesse, sa personne, son estat au beau milieu de son Royaume. Apres que la faute fut faite, je ne fais point de doute, qu'il ne s'en repentit bien, & la reconnut tres-bien, mais ce fut sur le tard, & lors qu'il n'y avoit aucun moyen pour faire resusciter les Princes, Seigneurs & Escuyers, qui furent misérablement tuez en la bataille de Poitiers, le Lundy dix-neufième jour du mois de Septembre, en l'année mil trois cens cinquante-six. Il n'estoit plus temps de reculer en arriere. Denis de Morbegue Chevalier Artois, de Saint Omer, lequel avoit esté banny de France, se saisit du Roy, le met entre



*Edouard Prince de Galles. C. V. 79*  
les mains du Prince de Galles. Philip-  
pes Duc de Touraine & dernier fils  
du Roy captif : La fleur de la Nobles-  
se Françoisse , qui accompagnoit sa  
Majesté demeure dissipée ou par le  
glaive ou par la captivité. Tellement  
qu'Edouard avoit , ce sembloit , tres-  
juste occasion d'enfler son cœur , si est-  
ce qu'encore qu'il fut Anglois, il sceut  
si bien temperer le fruit d'une telle &  
si signalée victoire , qu'au lieu de s'en  
orgueillir, il s'humilia toujours à l'en-  
droit du Roy captif. De fait , le jour  
de la bataille gagnée , au soir on ap-  
presta au camp des Anglois le souper  
au Roy , où le Prince de Galles le ser-  
vit la teste nuë. Le Roy prisonnier , le  
pria plusieurs fois de se seoir près de  
luy, mais Edouard s'en excusa, disant  
qu'il n'appartenoit au sujet de s'as-  
seoir près de son Seigneur. Le Roy luy  
dit. J'avois intention de vous donner  
aujourd'huy à souper , mais la fortune  
de guerre a voulu que me le donniez.  
Je sçay que plusieurs trouvent à con-  
trooller sur telle courtoisie du Prince  
de Galles, disant qu'il faisoit conscien-  
ce de côtoyer son Prince, ne s'estimant  
digne d'un tel rang , & neantmoins ne



80 *Histoire des sçavans Hommes*,  
faisoit difficulté de le tenir prisonnier,  
de maniere qu'il faisoit scrupule de  
tomber en soupçon d'incivilité, & ne  
faisoit point d'estat de se rendre felon  
& criminel de leze-Majesté en chef à  
l'encontre de son Souverain. A ceux  
là je ne veux qu'opposer l'indiscre-  
tion de la guerre, qui, supposé que le  
fondement de la guerre entre l'An-  
glois & François fut bon, ferme & le-  
gitime, dont toutefois je serois bien  
marry de disputer, l'emancipoit à  
mesler la discretion, qu'il eut bien  
voulu garder des devoirs, dignitez,  
honneurs & prééminences. Quoy que  
c'en soit, les Historiens témoignent  
que la prison du Roy, quoy qu'elle  
fut assez longue, ayant duré depuis  
l'an mil trois cens cinquante-six jus-  
ques au mois de Juillet en l'année mil  
trois cens soixante, ne fut aucunement  
sujette, mais le Roy estoit en Angle-  
terre en fort grande liberté, & fut de-  
livré de cette captivité par le moyen  
de l'accord fait, passé & traité à Bre-  
tigny. Je ne veux point icy proposer  
tous les articles de la capitulation,  
mais seulement deux. Le premier est  
que l'Anglois quittoit & renonçoit le



nom & titre de Roy de France, seulement le titre de Roy d'Angleterre, Seigneur d'Irlande & Duc de Guyenne. L'autre qui dépendoit de celles-cy, à sçavoir que le Roy pour sa rançon laissoit au Roy Anglois tout le pais d'Aquitaine jusques à la riviere de Loire, & particulièrement la ville d'Angoulesme & pais d'Angoumois, où naturellement je me plaist de m'arrêter, pour voir comme ce Prince Edouard regit & administra nostre pais durant dix ans : il fit bastir cette grosse tour, qui est dans la ville, & plusieurs autres beaux forts & edifices. Et comme il estoit fort affectionné au Prieuré de Boutheville, qui est à cinq lieuës d'Angoulesme, fondé par une bonne Dame, nommée Hildegarde, ainsi que j'ay veu par les anciennes pancartes du pais, il y fit beaucoup de biens, & fit faire un certain refectoir, & les verrieres de l'Eglise, à l'une desquelles il estoit tiré au naturel, tel que je vous le represente, ressemblant aussi à deux autres portraits en bosse, dont l'un estoit sur le portail de la ville de Cognoc, & l'autre sur l'un des portaux du Chasteau de Montignac, qui



82 *Histoire des sçavans Hommes,*  
furent jettez par terre par le commandement de Madame la Regente Louise de Savoyé, mere du feu Roy François premier. Donc pour effectuer ce traité, apres que le Roy Anglois eut quitté le titre de Roy de France, il manda de livrer les villes aux Anglois, qu'il leur avoit promis, & encor qu'il y eut Lettres Patentes, les habitans d'Angoulesme en faisoient refus, jusques à ce que Jean Chandos, Seneschal en Guyenne pour le Roy d'Angleterre, entra dans Angoulesme le vingt-sixième jour d'Octobre, l'an treize cens soixante-un, où peu de temps apres le Prince de Galles vint aussi demeurer avec sa femme, y faisant sa plus ordinaire residence, pour la force & commodité du lieu. Sur la fin de l'an mil trois cens soixante-deux la Princesse de Galles accoucha en la ville d'Angoulesme d'un fils, qui fut aussi nommé Edouard, & pour honorer sa relévée, le Prince manda grand nombre de Seigneurs, Dames & Damoiselles de tous ses pais. Et mesme je trouve que Pierre de Lusignan Roy de Cypre y assista, lequel estoit venu en France pour solliciter les Chres-



*Edouard Prince de Galles* CH. V. 83  
iens de secourir la Terre Sainte. La  
difficulté qui git entre quelques His-  
toriens pour raison de Richard fils d'E-  
douard n'est pas mal-aisée à résoudre,  
pour ce qu'encore que Richard fut le  
puîsné, ayant esté né à Bordeaux long-  
temps apres la guerre que fit le Prince  
de Galles contre Henry de Castille, il  
n'a pû neantmoins parvenir à la Cou-  
ronne Angloise, ou parce qu'Edouard  
son frere estoit decedé avant le jeune  
Richard ou enfin pour ce qu'il ne plai-  
soit pas autrement à Edouard III. du  
nom Roy d'Angleterre. La volonté  
testamentaire duquel je suis bien con-  
tent rapporter ici, d'autant qu'elle ser-  
vira plus à amplifier le renom & l'ex-  
cellence de ce Prince de Galles, lequel  
est bien à presumer qu'il eut appellé à  
la Couronne, comme le premier de ses  
enfans masles, si la mort n'eut coupé  
un tel dessein. Donc ce Roy Edouard  
pour ne frustrer son fils, qui estoit de-  
cedé un an auparavant, voulut que ce  
Richard son arriere-fils lui succeda en  
la Royauté, en l'année mil trois cens  
septante-sept, & fut couronné Roy  
d'Angleterre en l'âge d'unze ans, quoi



84 *Histoire des ſçavans Hommes,*  
qu'il eut encore Lyonnet Duc de Clarence, Iean de Gand Comte de Herby, Aimond de Langlois Comte de Cambiage & Duc d'York, & Thomas de Beſtoly Comte de Bouquiguen & Duc de Gloceſtre: Qui tous cinq ſembloient devancer ce Richard, neantmoins leur pere aimoit mieux leur preferer leur neveu Richard, pour l'aſſurance qu'il avoit de la magnanimité, qui naturellement découloit en luy de ſon fils le Prince de Galles: il eſt bien vray que Henry V. du nom, fils de Iean de Gand Comte de Herby, par force chassa ce Richard: mais cette violence & voye de fait ne prejudicie du tout en rien au droit qu'y avoit Richard, ny moins à la reconnoiſſance que pretendoit faire le Roy Edoüard, troiſième du nom, d'autant que la diſpoſition teſtamentaire de ſon ayeul le faiſoit franchir au deſſus du degré, ſur lequel pouvoient ſe fonder les autres freres, ou pluſtoſt par droit de representation & de la derniere volonté du teſtateur Edoüard ce Richard avoit eſté eſlevé à la Royauté. Mais puisqu'en contemplation & faveur ſeulement du Prince de Galles nous avons eſté à ce propos, & que



contre tout droit Richard a esté dé-  
possédé du siege', de peur de nous en-  
foncer en des discours qui nous fe-  
roient par trop extravaguer de nostre  
sujet, il vaut mieux que nous repre-  
nions la brisée de nostre Edoüard, le-  
quel nous avons laissé en nostre An-  
goumois, pressé à faire la solemnité de  
la relevée de la Princesse de Galles sa  
femme, il le faut tirer de là, car com-  
me il estoit homme d'affaires, de hau-  
te entreprise & assez remüant, il luy  
eut bien fait mal au cœur de se plon-  
ger parmy les trop chatoüilleux deli-  
ces de l'Angoumois, pourtant afin de  
ne demeurer sans rien faire, l'an mil  
trois cens soixante six, il entreprit la  
deffense de Dom Pierre Roy de Cas-  
tille contre Henry son frere bastard,  
lequel le Roy supportoit, & pour ce  
assembla toutes les forces qu'il pût, &  
avec icelles fit plusieurs grandes ac-  
tions, ainsi que rémoignent nos Histo-  
riens. Qu'il n'ait eu pour lors beau-  
coup d'affaires on ne sçauroit le dégui-  
ser : car encore qu'il eut gagné le Roy  
de Navarre, qui rompant l'alliance  
qu'il avoit jurée avec Henry nouveau  
Roy de Castille, avoit promis passage



86 *Histoire des ſçavans Hommes*,  
aux Anglois, qui venoient au ſecours  
d'Edouard, il eut bien à demefler  
avec le Roi de France, vers lequel ſe  
retira ce pauvre baſtard Henry, qui  
ne ſçeut neantmoins ſi bien faire, par  
les traverses qu'il fit donner au Roiau-  
me d'Arragon & auprès de Thoulou-  
ſe, qu'Edouard ne joignit ſes forces,  
& n'y fit grand choſe. Les Hiftoriens  
ſont icy en grande diſcorde, dautant  
que quelques-uns écrivent qu'E-  
douard, ayant eſté ſollicité par ſon  
pere de prendre ſous ſa ſauve-garde  
& protection, Dom Pierre ſe ſervit  
de tous les moiens qu'il pouvoit avoir  
pour ſouldoyer l'armée qu'il condui-  
ſoit, & qu'ayant ainſi épuisé ſes finan-  
ces au retour de cette guerre, il af-  
ſembla les Eſtats de tous ſes païs à An-  
goulefme, où il impoſa un impoſt ſur  
le peuple de dix ſols tournois pour  
chacun feu, le fort portant le foible  
par an, & pour cinq ans, il y en a qui  
enſent bien de beaucoup plus la par-  
tie, dont pluſieurs ſe mécontenterent,  
ainſi que nous dirons par apres. Tou-  
tefois d'autres qui ont recueilly l'Hiſ-  
toire de Froiffard, diſent que ce Prince  
de Galles pour n'oppreſſer le peuple



*Edouard Prince de Galles. C. V. 87*  
d'exactions, n'ayant plus de quoy nourrir son armée, prit d'emprunt du Roy son pere, grande somme de deniers, & fit monnoyer tout ce qu'il avoit de buffets & vaisselle d'or & d'argent. Mais qui voudra de bien prés prendre garde à ces deux rapports, il n'y aura pas beaucoup à faire à les accorder ensemble, d'autant qu'il n'est pas malaisé à croire que le Roy Edouard ayant fait prendre les armes à son fils, voyant qu'il avoit manque de deniers, auroit presté quelque somme, pour le remboursement de laquelle le Prince Edouard auroit mis ce subside sur ces Sujets. Et à dire la verité, il semble qu'autrement ne doivent estre pris ces deux passages. Joint que le mécontentement des Angoulmoisins & autres Aquitaniens ne provint principalement d'ailleurs que de la haine qu'ils portoient à l'Anglois, & du regret qu'ils avoient, qu'il falloit qu'ils se laissassent tondre la laine sur le dos pour en revestir leur ennemy. Je sçay bien qu'il y avoit d'autres occasions de mécontentement: entr'autres par ce qu'Edouard pouvoit à peu prés retirer de la rançon des Proven-



aux & François, qu'il avoit pris, entre lesquels estoit le Comte de Narbonne, lequel avec les autres il avoit renvoyé sous leur foy & parole la partie qu'il avoit empruntée du Roy Edoüard son pere. Quoy que c'en soit, cette nouvelle surcharge avec le maltalent qu'ils portoient aux Anglois, qui faisoient trop des arrogans, & empietoient toutes les charges dignitez & prééminences du pais, sans y admettre aucun François, détourna tellement le cœur des uns & des autres, que le sieur de Labreth, les Comtes d'Armagnac & de Perigord, & plusieurs autres furent en grand branle de se revolter contre luy. Toutefois ils aimerent mieux recourir aux remedes & moyens de justice, se retirerent devers le Roy Charles cinquième du nom, se rendirent parties contre leur Prince Edoüard. Lequel fut adjourné à comparoir en personne en la Chambre des Pairs Paris, pour ouïr droit sur les plaintes du peuple d'Aquitaine. Lequel fit réponse, que véritablement il comparoistroit, mais ce seroit le casque en teste, accompagné de soixante mil hommes, autres adjoutans



*Edouard Prince de Galles. C.V. 89*  
tans un zero , ont multiplié jusques à  
six cens mil hommes , & deslors re-  
commença la guerre , qui fut des deux  
menée fort furieusement : mais elle  
reüssit mal pour Edoüard, qui outre la  
grande perte qu'il y fit, en rapporta  
une hidropisie ou enflure , causée se-  
lon le rapport d'aucuns par empoison-  
nement. Estant reduit en une telle ex-  
tremité, qu'il falloit le porter en litie-  
re , il se retira en l'année 1368. en An-  
gleterre , où pendant qu'il faisoit se-  
jour on remuoit les mains des deux  
costez En l'année 1372. Henry Haye  
Gouverneur d'Angoulesme , fut plus-  
tost pris par les Feançois devant Sou-  
bise , que les Angoulmoisins estans  
faschez de la presence des Anglois ,  
voyans la commodité de s'affranchir,  
remirent la ville d'Angoulesme , lieu  
de ma naissance , entre les mains du  
Roy Charles V. du nom , lequel pour  
reconnoistre leur sincere affection ,  
leur octroya plusieurs beaux & grands  
privileges , apres à leur exemple les  
autres Aquitaniens commencerent à  
secoüer le joug Anglois, sous lequel le  
Roy Edoüard ne sceut les remettre,  
quoy qu'il leur promit abolition de



90 *Histoire des ſçavans Hommes,*  
toutes ces charges nouvelles. Je ne  
veux point entrer icy en la juſtifica-  
tion d'Edouard, pour ternir & affoi-  
blir le droit, que nos Rois ont en l'A-  
quitaine, j'oſeray bien aſſeurer que  
l'on eut eu bien affaire de trouver un  
Prince plus genereux que noſtre E-  
douard, auquel les Princes affligez &  
opprefſez avoient recours, pour re-  
couverer par ſon moyen leur liberté.  
Vous avez veu le devoir qu'il fit à  
Dom Pierre Roy de Caſtille. Vous  
verrez encor icy le Roy de Majorque  
qui va à Bordeaux pour faire armer le  
Prince Edouard, & lui faire avoir raiſon  
du Roy d'Arragon, qui avoit fait mou-  
rir en priſon le pere de ce pauvre Roy  
Infulaire, & luy retenoit ſes terres &  
ſeigneuries. Après qu'il eut entendu  
ces plaintes, il luy promit tout devoir,  
& de le ſecourir de tous ſes moyens,  
& le prit pour compere de ſon fils Ri-  
chard, qui luy nâquit à Bordeaux.  
Toutefois il ne pût le remettre en ſon  
royaume, pource qu'Henry Roy de  
Caſtille ayant trouvé le Roy Major-  
cain malade, le mit à rançon de cent  
mil ducats, parce qu'il avoit tenu  
compagnie au prince de Galles, lors



*Edouard Prince de Galles. C. V. 91*  
qu'il remit le déloyal Dom pierre au  
Royaume de Castille. Apres une ma-  
ladie emporta ce pauvre Roy Mayor-  
cain. Et quant à nostre Edouard, apres  
avoir valeureusement passé le cours de  
cette vie, il mourut l'an apres l'Incar-  
nation du Sauveur de tout le monde  
1376. en un palais près de Londres.  
Environ lequel temps il pratiquoit en  
l'assemblée de Bruges le mariage de  
Richard, fils du defunt Edouard & de  
Marie, fille de Charles Roy de France.  
La chose fut longuement & diverse-  
ment débattue, sans qu'on pût s'ac-  
corder aucunement, dont le pape  
Gregoire s'offença tellement, que de  
dépit il l'aisa Avignon & se retira à  
Rome. Toutefois par ce que cela ne  
touche pas beaucoup à ce qui concer-  
ne le discours de la vie d'Edouard, je  
suis bien content de rapporter la dé-  
loyauté & tour de perfidie que luy  
joua Dom pedro de Castille, lequel se  
sentant remis és terres & seigneuries,  
qu'il quereloit avec Henry de Cas-  
tille, mesme que ceux de Toledé,  
Lisbone, Galice, Seville & plusieurs  
autres lieux de Castille estoient déjà  
venus pour luy faire hommage, les



92 *Histoire des ſçavans Hommes,*  
paya de la monnoye, de laquelle telle  
sorte de gens ont accouſtumé de recon-  
noiſtre ceux qui ſe ſont employez à  
leur faire plaiſir. Quand donc ce dé-  
loyal ſe vit preſſé par noſtre Edoüard  
pour la ſolde des gens qu'il avoit fait  
armer pour le recouvrement de ſes  
païs, ce donneur de caſſades ſe retira  
à Seville pour lever l'argent de cette  
paye, promettant de revenir dans cer-  
taines ſemaines. Ce Prince Anglois  
laiſſe écouler quelque temps, & n'a  
payement qu'en gambades, envoie des  
Gentilshommes, pour ſçavoir la cauſe  
d'un ſi long delay. Leſquels furent  
renvoyez avec cette réponſe par Dom  
Pedro, alleguant qu'il avoit déjà en-  
voyé gens pour porter la partie au  
prince Anglois, leſquels avoient eſté  
par chemin devaliſez. Et ainſi tint  
ſi long-temps en haleine le pauvre  
prince Anglois, qu'après avoir miné  
ſes forces par un fort long-temps, il ſe  
trouva comme l'on dit entre deux ſel-  
les le cul à terre : car il fallut qu'il ſe  
retira en ſon païs ſans avoir touché le  
liard, & qu'il ſ'oppoſaſt à Henry de  
Caſtille, qui pour mieux le recompen-  
ſer du ſecours qu'il avoit donné à ce



*Edouard Prince de Galles. C.V. 93*  
dèloyal, voulut envahir quelques terres en Guyenne. Toutefois il trouva moyen avec le temps de rendre tous ces desseins en fumée, mais il ne sceut pas prevenir la revolte des Aquitaniens, qui se sentans foulez de l'impôt excessif, qu'il fallut lever pour l'acquit de la partie que devoit Dom Pedro, se jetterent contre nostre Edoüard, & le depoussederent de la Guyenne.















*PHILIPPES LE HARDY*  
*DVC DE BOVRGOGNE .*





# PHILIPPE S

## LE HARDY,

### DVC DE BOVRGOGNE.

#### CHAPITRE VI.



N n'a pas cherché sans occasion, si ce que les Histoires nous proposent de l'inimitié qui a esté entre la Couronne de France &

la maison de Bourgogne, peut estre veritable, puisque si nous prenons garde aux suites des Genealogies, nous trouverons que des rois de France sont issus & descendus les Ducs de Bourgogne. De fait, celuy duquel est icy representé le portrait, c'estoit aussi un Duc de Bourgogne, qui estoit de la maison de France : dont j'ay receu le portrait



96 *Histoire des ſcavans Hommes*,  
de Dom François Iary Chartreux,  
homme tres-docte, & qui n'a effayé  
qu'à illuſtrer leur compagnie, comme  
il a bien monſtré par la deſcription de  
l'origine & premiere ſource de leur  
Ordre, laquelle il a traduit de Poëſie  
Latine en vers François. Les Char-  
treux de Dijon luy envoyerent, com-  
me à un perſonnage ſoigneux de tou-  
tes raretez (ſon cœur eſt enterré chez  
eux avec les autres Ducs.) J'ay bien  
voulu par le menu ſpecifier ceci pour  
bailler poids & authorité à la verité  
des figures que je produits. Or pour  
reprendre noſtre propos commencé,  
ce Duc eſtoit fils de Jean Roy de Fran-  
ce & de Marie fille du Roy de Boëſme,  
laquelle trépaſſa l'onzième jour  
d'Aouſt, l'an 1349. Ses freres furent  
Charles V. du nom, ſurnommé le Sa-  
ge, Roy de France, Louis Duc d'An-  
jou & Jean Duc de Berry & d'Auver-  
gne. Ses ſœurs Marie Reine de Navar-  
re, mere de Iean Duc de Bretagne,  
Bonne eſpouſe du Duc de Bar, Iſabeau  
femme de Iean Galeas, Duc de Milan,  
& Ieanne Religieuſe à Poiſſi. Si bien  
qu'il n'eſt pas aiſé à croire que Princes  
de meſme ſang ayent pû ſ'entrecho-  
quer



quer si souvent, comme ils ont fait. Toutefois par la verité des histoires nous apprenons que ces deux fortes & puissantes maisons se sont heurtées si rudement, que le Bourguignon a esté abbatu, & finalement reduit en l'obeïssance de la Couronne Françoisé. Ce n'est pas de nostre Philippes que cela doit estre pris, lequel en toute sa vie a esté fort affectionné, entant que les affaires de sa charge le luy ont pû permettre, au Roy de France, vers lequel aussi il a pareillement trouvé lieu de refuge, support & aide contre ses adversaires. Il fut donc Duc de Bourgogne apres la mort de Louis de Male, dernier Comte Flamand, qui fut tué le 9. de Janvier en l'année 1384. par Jean Duc de Berry, qui luy enfonça son espée dans le cœur, pource qu'il ne vouloit luy laisser libre la possession du Comté de Boulogne, qu'il preten-  
doit luy appartenir pour avoir épousé Jeanne fille unique de Jean III. du nom, qui avoit succédé aux Comtez de Boulogne & d'Auvergne, & d'E-leonor de Comminge, fille de Pierre Raimond Comte de Comminge. Le moyen qui le fit parvenir au Duché,



98 *Histoire des ſçavans Hommes,*  
fut que Philippes premier du nom fils  
du Duc Eude mourut ſans maſles, en  
l'année mil trois cens ſoixante-un.  
Et ainſi la maiſon & Duché de Bour-  
gogne revint à la Couronne de Fran-  
ce par la mort de Philippes, qui eſ-  
toit Prince du ſang de Capet, mort  
ſans hoirs, mais le Roy Iean & Char-  
les le Quint donnerent à Philippes le  
Duché de Bourgogne, qui eſtât le puis-  
né, n'avoit eu encore que le Duché de  
Touraine, ſembloit par droit devoir  
avoir la Bourgogne, puis qu'il avoit  
eſpouſé Marguerite, fille de Louis de  
Male, dernier Comte Flamand, veu-  
ve de philippes premier du nom, &  
ſeizième Duc de Bourgogne, lequel  
mourut devant Alquillon en l'année  
mil trois cens ſoixante-un, en l'aage  
de treize ans, de maniere qu'il re-  
gardoit tant ſur la Bourgogne que ſur  
la Flandre, & qu'à autre plus legi-  
timent ne pouvoient échoir ces pie-  
ces qu'à ce Prince Hardy, qui ſe com-  
porta avec une telle magnanimité &  
juſtice au commandement qu'il y eut,  
que quelque broüillaminy qu'il y eut  
en l'Eſtat, ſi ſçeut-il ſi à propos s'en  
dépeſtrer, que ſi ſes fils euſſent ſuivy



la piste qu'il leur avoit frayée, ils éleveroient leur maison jusques au sommet de la plus excellente grandeur qu'ils eussent sçeu souhaitter. Il n'eut pas plustost mis le pied en la Comté de Flandres, qu'il trouva que les affaires y estoient bien embarrassées par les troubles & remuëmens survenus au moyen de certains Gantois, & mal-affectionnez au salut, seureté & profit du pais, qui appuyez sur le secours du Roy d'Angleterre, avoient mis la Flandre en telle detresse, que si elle n'eut trouvé un sage & discret Comte, qui temporisant eut sçeu amener le tout à bon poinct, c'estoit fait d'elle. Je ne particulariseray point les singularitez assez remarquables de l'ordre qu'il tint pour repousser les efforts des seditieux, pour n'estre pas long, il me suffira de représenter l'Edict de pacification des troubles, qu'il sçeut tres-bien moyenner par l'Escuyer Jean Heyle, homme qui estant tres-bien entendu aux affaires d'Estat, sçeut aussi aisément toucher au but où il falloit viser pour appaiser le tumulte de la guerre. Il s'adressa aux Chefs, Doyens & Maistres des Bouchess &



Basteliers de Gand, qui ſont ceux qui la font ſous leur aile branler le reſte du peuple, il leur fait entendre que l'occafion ſe préſentoit meilleure, qu'elle ne fit jamais, pour ſ'affranchir des inquietudes que leur apportoit la guerre, d'autant qu'il eſtoit bien aſſeuré que le Duc pour l'amitié qu'il portoit au païs, leur accorderoit la paix fort aiſément. Il ne les preſcha gueres, qu'incontinent il les fit condeſcendre à ce qu'il pretendoit, & par leurs menées fit ranger les Gantois à ce point, qu'ils vinrent avec toute l'humilité poſſible luy requérir à genoux le pardon de la rebellion du paſſé, avec proteſtation de vivre par apres, en vrais, humbles & obeiffans Sujets. Ce qu'il leur accorda. Il fit pluſieurs autres actes heroïques, tant en Flandres qu'en Bourgogne : du recit d'iceux j'aime mieux me deporter qu'en enfler ce diſcours, puis que Froiſſard, Meyer & autres Histoſigraphes à plein fonds en ont aſſez eſcrit. En deux choſes raconte-on qu'il fut malheureux. La premiere eſt qu'il ſe meſa ſi avant du ſchiſme d'Urbain, Clement & Pierre de la Lune, qu'il



en mit presque en combustion tous ses païs, par ce qu'il y avoit plus de partisans contraires au party de Clement que d'autres. Cette seule opiniastreté éloigna la plupart des siens de son obeïssance. Mais s'il avoit esté seul, on auroit peut estre occasion de l'attaquer ou d'obstination, ou bien de temerité : mais le Roy de France & plusieurs autres Princes Chrestiens furent aussi bien empeschez de cette division que ce Hardy Duc. Et pour cet effet fut assemblé un Concile à Reims, non point seulement de gens Ecclesiastiques, mais des plus grands Seigneurs & Princes de la Chrestienté : & entr'autres y assisterent l'Empereur Venceslas, Charles Roy de Navarre, le Patriarche de Jerusalem, Louis Duc d'Orleans, Jean Duc de Bourges, le Comte de S. Paul, les Ambassadeurs du Roy d'Angleterre & autres : mais de la part de nostre Duc ne se presenta personne, mesme il ne s'y voulut trouver. L'occasion a esté recherchée par plusieurs plus curieusement que subtilement, qui l'ont rapportée sur ce qu'il y avoit quelqu'un en cette assemblée, qui touchoit à



102 *Histoire des sçavans Hommes,*  
Louis Archevesque de Magdebourg,  
lequel il detestoit pour le juste juge-  
ment de Dieu, qui estoit tombé sur  
luy en l'année mil trois cens quatre-  
vingts-trois : car comme ce lubrique  
Prelat s'échauffoit à baller entre deux  
putains jusqu'à minuit, & entr'autres  
en pressa si fort une, qu'il la fit choir  
par terre ( on m'entend assez ) & luy  
dessus, tous deux se rompirent le col.  
le ne doute pas que cette divine ven-  
geance exercée sur ce bouc de ville-  
nies n'apprestast assez de matiere à  
Philippes pour l'avoir en execration,  
mais ce n'est pas ce qui le dégoûtoit  
tant, aussi le montra-il fort bien quant  
avec ses complices assez ouvertement  
il se gaussoit de l'assemblée qui se fai-  
soit, l'effet de laquelle il predict bien  
devoir reüssir en fumée, comme aussi  
par apres il advint. Ce pauvre Sei-  
gneur se plongea si avant dans les  
guerres, qu'il épuisa tellement ses  
tresors, qu'apres sa mort Marguerite  
ne daigna accepter son hoirie, mais  
renonça à tous les biens meubles de  
son mary. En signe dequoy, avec gran-  
de solemnité, elle mit sur son tombeau  
sa ceinture, bourse & clefs, comme re-



*Philippe le Hardy.* CHAP. IV. 103  
cite Jean Meyer. Auquel à grand peine me puis-je accorder : puisque ce n'estoit à Marguerite d'accepter ou refuser l'hoirie, mais à Jean Duc de Bourgogne. Duquel alors pour sa majorité elle ne pouvoit estre Tutrice, & par ce moyen en son nom se porter heritiere seulement par benefice d'inventaire, cét Historiographe voulant ou enfondrer ce Duc dans les guerres, ou bien faire accroire que le principal point de son bon-heur gisoit en la Comté de Flandres, s'est assez lourdement laissé couler à ce que l'ordre & la formalité de justice montre estre entierement faux. Toutefois je confesseray librement qu'il a eu en Flandres beaucoup d'atteintes & telle dissipation, que son Estat en a esté bien ébranlé : mais cela n'est, par maniere de dire, que sucre au prix des malheurs qui ensuivirent apres par le moyen de sa generation, qui ne fut toute vouée à la Maison de France, comme ce vaillant & hardy Duc. Il eut donc trois fils & trois filles. Jean (duquel cy-apres nous parlerons) Antoine qui fut fait Duc de Brabant, apres la mort de Jeanne veuve de



104 *Histoire des ſçavans Hommes,*  
Venceſlaus, laquelle apres avoir tenu  
le Duché cinquante - un an, deceda  
ſans lignée le premier jour de Decem-  
bre en l'année 1406. qu'avoit épouſé  
Jeanne fille du Comte de S. Paul au  
mois de Mars en l'année 1402. laque-  
lle deceda le 12. jour du mois d'Aouſt  
l'an 1408. Et quant à luy il fut tué au  
mois d'Aouſt en l'an 1415. en la ba-  
taille d'Azincourt, & enfin avec gran-  
des magnificences fut enterré à Fur-  
nen au Temple de S. Gudule près du  
tombeau de ſa femme Jeanne : Philip-  
pes le Comte de Nevers, qui avoit ef-  
pouſé la fille du Comte d'Vgel nom-  
mée Bonne, le 20. de Juin l'an 1413.  
Marguerite mariée à Baudouin IV. du  
nom, Comte de Hainaut, qui fut ſur-  
nommé le Courageux, Marie fut don-  
née en mariage à Amé premier du  
nom, Comte de Morienne, qui fut  
auſſi le premier Comte de Savoye, &  
de ce mariage ſont iſſus deux enfans  
Humbert, ou ſelon les autres Hugues  
& Amé, qui fut ſecond du nom, &  
Catherine épouſe de Leopold fils du  
Duc d'Auſtriche. Voila cè que ſuper-  
ficiellement j'ay voulu toucher des  
enfans du Duc Hardy, je veux ſeule-



ment reprendre Iean son fils, parce que succedant au Duché de Bourgo-  
gne apres le deceds de son pere, il s'é-  
loigna de l'affection, où le devoir  
principalement de cōsanguinité l'o-  
bligeroit à la Couronne de France,  
puisque les bons exemples du Duc  
Philippes ne pouvoient le remettre  
au droit chemin qu'il devoit tenir.  
Iean Meyer rapporte qu'en l'année  
1358. comme Iean Roy de France dis-  
noit avec Edoüard Roy d'Angleterre,  
Philippes servit à Iean & à Edoüard  
un de ses Gentils-hommes, advint  
que l'Anglois commença à servir pre-  
mierement à son Roy qu'à celui de  
France. Dont Philippes fut tellement  
indigné, que de colere luy déchargea  
sur la joue un fort rude soufflet, luy  
disant, estes-vous si mal appris de ser-  
vir au Roi d'Angleterre premier qu'au  
Roy de France, quand tous deux sont  
assis à mesme table ? Ce pauvre Sei-  
gneur vouloit avoir raison de sa joiée,  
mais Edouard l'en empescha, & dit à  
Philippes, vous estes Philippes le  
Hardy. Je sçay bien que plusieurs ont  
pris plaisir de gazouiller à credit sur  
ce nouveau incident, mais, à mon avis



106 *Histoire des ſçavans Hommes*,  
nous en devons tirer conſequence  
pour deux poincts, à ſçavoir pour re-  
commander, tant ſa hardieſſe que l'aſ-  
fection qu'il portoit au Roy de France,  
non point pour la qualité de fils, mais  
pour la dignité du rang & prééminen-  
ce qu'il tenoit par deſſus les autres  
Princes de la Chreſtienté. Que ce ne  
ſoit une tres-hardie entrepriſe, on ne  
peut le nier, d'autant que le reſpect  
des perſonnes de ſi grands Monarques  
devoient ſervir de barre & ſurſeance  
pour prendre vengeance du tort que  
Philippe eut pû avoir reçu par la ſo-  
tiſe ou preſomption de l'Anglois.  
Voilà pourquoy elles ont eſté compa-  
rées à des Autels pour la ſeureté qui  
leur eſt imputée, telle que par les loix  
le ſerf ou eſclave, qui ſ'eſt échapé des  
mains de ſon Seigneur, ne peut eſtre tiré  
par force en ſervitude, ſ'il ſ'eſt jetté  
aux pieds ſeulement de la Statuë des  
Princes : meſme c'eſt un cas pendable,  
ſi en la Cour d'un Roy ou Prince, on  
met la main aux armes pour querelles  
particulieres. Si cela eſt tres-expreſ-  
ſement defendu aux Cours, à plus for-  
te raiſon le ſera-il en la preſence du  
Prince, & meſmement à l'heure du re-



pas. Et neantmoins nous voyons que ce qui a esté fait par philippes, n'est pas seulement excusé, mais est loué, & pour reconnoissance luy a esté donné le nom de HARDY. Il y a eu toutefois certains qui ont tenu qu'il a eu la qualité de Hardy pour deux autres raisons. La premiere est à cause du différent qu'il avoit pour la presceance contre le Duc d'Anjou, lequel fut tellement pacifié par l'Arrest qui fut mesme prononcé par le Roy, que philippes estant le premier pair de France, s'asseoiroit & mettroit au haut bout, & premier que le Duc d'Anjou, quelque dignité & aisnesse qui fût en luy. Ce nonobstant le regent s'assit, joignant le Roy. Dont ce Bourguignon fut tellement indigné, que précipité de colere, il se lança, & se mit entre le Roy & ce Regent, prenant la place qui luy estoit due & adjudée par le Roy & son Conseil. Que cela ait pû arriver, je me le persuade assez aisément, pour l'inclination naturelle des grands, qui jaloux de marcher les uns avant les autres, s'émancipent à des choses non point seulement vaines & ridicules, mais mal-seantes, deshonnestes &



108 *Histoire des sçavans Hommes,*  
illicites. Joint aussi que je suis deuë-  
ment adverty que Philippes a entant  
qu'il luy a esté possible enjambé sur la  
regence & maniment des affaires du  
Royaume. L'autre raison, sur laquel-  
le on veut établir sa hardiesse est le  
soucy continuel qu'il eut de la defen-  
se de son frere : les perils où il se mit  
devant Poictiers, quand le Roy son  
pere fut pris : la diligence sans repos,  
qu'il montra toujours pour la defense  
du Royaume, son frere Charles le  
Quint vivant. Apres la mort duquel,  
qui fut le 2. de May en l'an 1404. son  
fils Jean, comme je disois luy a bien  
succédé au Duché, mais non pas aux  
vertus qui l'avoient enhardy. Si le  
pere a esté amy & serviteur de la Cou-  
ronne Françoisse, le fils s'est entant  
qu'à luy a esté possible, efforcé de luy  
nuire tant par fausses calomnies, dis-  
sentions & remuëmens qu'il brasloit  
contre la Couronne, qu'aussi par guer-  
res cruelles & sanglantes, qui neant-  
moins tendoient à attraper le gouver-  
nement du pais, où quelquefois aussi  
philippes a visé, & pource n'a esté tou-  
jours en bon ménage avec son neveu  
Louis. De ma part je ne fais point de



doute qu'on ne me dise, que ce qu'en fit le Duc Jean, n'a esté que par l'avis de son conseil, qui pour avoir sa raison de l'injure qu'il disoit luy avoir esté faite par son cousin le Duc d'Orleans, luy conseilla de semer par Paris & autres villes du Royaume de France le bruit des concussions, exactions & rongeries, dont le peuple estoit foulé par le moyen de ce Duc d'Orleans, afin que faisant semblant de procurer le soulagement & repos du public, il gagnât les Sujets, & d'autre costé les amena à mécontentement contre Louis frere du Roy Charles, auquel (à ce qu'il donneroit à entendre) tenoit que le peuple ne fût déchargé des tributs & imposts qui l'accabloient. Ce qu'il sceut tres-bien executer. Mais cela ne pût justifier l'insolence de ce Bourguignon : car afin que je n'entre dans l'iniquité de ce conseil, qu'on pourroit alleguer, qui estant mal donné ne pouvoit garentir l'honneur de ce meurtrier, on sçait fort bien qu'il contraignit avec force ses Conseillers de luy ouvrir les moyens pour se venger de la supercherie qu'il presumoit luy avoir esté faite par son cousin, de



110 *Histoire des sçavans Hommes,*  
maniere que la force pourroit aucunement les excuser, si mal à propos ils avoient dit quelque mot d'avis à cét importun Prince. Mais il n'est pas besoin d'entrer en ces termes, veu qu'en l'assemblée qu'il fit pour avoir cette sauvage resolution, il ne proposa s'il devoit se vanger du tort que luy avoit fait le Duc d'Orleans, mais absolument il declara qu'il entendoit de s'en vanger, si bien que l'avis de ses Conseillers n'est que sur les moyens de la vengeance, & non sur l'equité. Partant afin que je découvre plus clairement l'animosité de ce Bourguignon contre la Maison de France, je suis bien content de représenter les poincts principaux, sur lesquels Frere Jean Petit Cordelier, & autres partisans du Duc veulent appuyer l'equité de ce malheureux assassinat. Je veux (sans que pour ce sujet on en puisse tirer quelque confession) qu'il ait fait tous les maux qui sont entassez par ce Petit, au prejudice de la personne du Roy, Charles le Simple son frere : qu'il ait esté cause des concussions & tyrannies, dont les Francois estoient miserablement oppressez :



qu'il ait épuisé de grands deniers les coffres du Roy , & finalement qu'il ait ravy l'honneur de Marguerite de Bavières femme du Duc Iean. Pour tout cela il ne luy estoit licite d'attenter sur sa personne , si laschement comme il fit. Quant à la desolation de la France, qu'il mit en butte, ce n'estoit luy qui en devoit faire la raison, mais le Roy & les Estats du Royaume. Et sans doute a-il bien montré que ce n'estoit là où le bas le blefsoit, quand apres il s'est baigné à troubler toute la France: Mais on dira l'outrage fait à sa compagnie luy touchoit de si près, que par necessité il falloit qu'il en eût sa raison. La justice ne luy avoit pas esté déniée, puisqu'il n'avoit pas daigné la demander: il ne sert de rien ce que certains amenant pour pallier cette cruauté, que par la Loy Julia des adulteres, le mary peut tuer le ribaud qui a souillé sa couche, d'autant qu'indistinctement cela n'est pas permis, mais seulement quand le mary les surprend tous deux sur le fait: lors qu'ainsi il les trouve agraffez, il peut les tuer tous deux, parce qu'il n'est possible que le bouillon de fureur



112 *Histoire des ſçavans Hommes,*  
ne le transporte à faire le meurtre, lequel il n'oſeroit, apres commettre de ſang froid : & apres pluſieurs mois, vouloir prendre vengeance d'un adultere, cela eſt ſe rir des Loix à veü d'œil, & les tourner au ply de ſes ſoles & enragées paſſions ; meſme ce ſeroit frayer le chemin à ceux qui ont receu une injure d'en faire le ſemblable, & épier la commodité pour tuer ceux à qui ils en voudroient. Donc puis que quelques années eſtoient paſſées depuis la peur qui fut baillée à la Duchefſe de Bourgogne, je ſoùtiens qu'à tort le 22. jour de Novembre en l'année 1407. Raulet ſatellite du Duc Iean, fit porter parole par Thomas de Courteuſe au Duc d'Orleans qui eſtoit aux Tournelles, que le Roy le mandoit pour certaines affaires d'importance : en apres que meſchamment il fit maſſacrer par ſes meurtriers attirez, près la porte Barbette devant l'Hoſtel du Mareſchal d'Evreux. Ce pauvre Seigneur ne ſe doutant de la trouſſe qu'on luy vouloit joier, ſ'accompagna ſeulement de ſix hommes. Quelques-uns ont voulu mettre en la liſte des griefs du Duc Iean à l'encontre



*Philippe le Hardy.* CHAP. IV. 113  
tre du Duc Louis un soufflet, qu'il luy  
bailla en la presence de son pere Phi-  
lippe. Je ne daignerois icy alleguer le  
commandement de l'Evangile, estant  
bien asseuré que ceux qui se parent du  
titre de Noblesse, reputeroient à  
coïardise, si quelqu'un ayant receu  
un soufflet, au lieu de bailler un coup  
de poignard ou de pistolet à celui qui  
luy auroit fait une telle supercherie,  
luy tendoit la jouë pour en recevoir un  
autre. Si le Bourguignon se sentoît  
tellement grevé, qu'avoit-il affaire de  
nourrir dans son cœur un tel poison  
par une longue espace d'années. Sur le  
champ il devoit demesler cette que-  
relle, il n'eut esté (à mon avis) écon-  
duit par l'Orleanois, lequel il n'est pas  
croyable luy avoir couvert la jouë de-  
vant le Duc Philippe sans tres-juste  
occasion. Mais je vous prie comme ce  
Duc Jean par un fort long-temps re-  
tient la vengeance d'un pauvre souf-  
flet, qui à ce compte aura esté cause de  
la triste aventure de ce Prince Fran-  
çois, au lieu qu'un soufflet que Philip-  
pe avoit lasché sur la jouë d'un An-  
glois, l'avoit élevé au degré d'hon-  
neur, entourant son chef de la couron-



II4 *Histoire des ſçavans Hommes,*  
ne de hardieſſe. Or pour revenir à no-  
ſtre propos, ce que j'écris icy touchant  
la trahiſon du Duc Jean, n'eſt pas  
que je veuille flater les Princes en  
leurs vices, laſcivetez & trop deſ-or-  
données licences. Je confeſſe que s'il  
eſt vray que Louis ait voulu attenter  
ſur l'honneur de la Princeſſe de Ba-  
vieres; qu'il a mal fait & a mérité une  
rude punition, mais que pour cela il  
ait eſté loifible au Bourguignon de le  
faire aſſaſſiner par ſes voleurs, on ne le  
peut inferer. Ce ſeroit tacitement ac-  
corder qu'il n'y eût point de juſtice en  
France. Toutefois il ſçeut bien faire  
railler ces enjolleurs, que le Roy ſe  
laiſſant ſurprendre, aima mieux luy  
pardonner, que de permettre la guer-  
re, tirant en longueur, diſſipât ſon  
pauvre Royaume, & penſant bien fai-  
re il alluma de toutes parts la guerre,  
meſme il n'y eut pas juſqu'à Paris où  
le feu des troubles & ſeditions ne fut  
embrasé par les ligueſ partialiſées de  
l'un & de l'autre party. Les Bouchers  
 faiſoient rage ſous la conduite de Ca-  
boche, qui tenoient pour le Duc de  
Bourgogne. Pour appaiſer ces troubles  
en l'an 1408. fut faite une aſſemblée



des plus grands & signalez Seigneurs du Royaume, & fut fait appointement entre Charles Duc d'Orleans & le Duc qu'ils se rallieroient par ensemble, ne se quereloient plus. Il eût bien mieux vallu pour déraciner toutes ces dissensions faire justice, ou bien accorder à la maison d'Orleans les articles presentez de leur part en l'assemblée de Paris en presence des Ducs de Bourges, Bretagne, Alençon, Vendosme, Bourbon & autres, à sçavoir que le Duc Iean se fût prosterné devant les pieds du Roy & de la Reine, leur requerant pardon, avec declaration que l'homicide qu'il avoit fait commettre en la personne du Duc Louis, n'estoit pour autre occasion, sinon afin qu'il pût avoir le gouvernement du Royaume. Qu'il criast mercy à Valentine fille de Iean Galeas Vicomte, premier Duc de Milan, & d'Isabelle de France fille du Roy Iean, Comtesse des Vertus en Champagne, à Charles Duc d'Orleans & aux autres enfans du Duc assassiné. Qu'il retractast tout ce qui a esté allegué à sa d'charge, comme faux & calomnieusement supposé. Qu'il se mît à genoux là où le meurtre fut



II 6 *Histoire des sçavans Hommes,*  
fait, le chef découvert & demeura en  
tel estat, cependant que les Prestres di-  
roient les sept Pseaumes Penitentiaux  
avec les Litanies, & en signe de con-  
trition qu'il baïst la terre. Que l'Hô-  
tel de Bourgogne fût démoly, & qu'en  
la place fussent plantées plusieurs  
croix, où fussent écrites les causes de ce  
massacre. Que pareillement l'Hôtel-  
lerie d'où sortirent les dix-huit garne-  
mens qui chargerent le Duc defunt,  
fût rasée, & que là il eût fait édifier  
une Eglise, avec rente pour six Cha-  
noines, six Chapelains & autant de  
Vicaires. Qu'à Orleans il fit construi-  
re une Eglise pour douze Chanoines,  
laquelle il dota de deux mil livres.  
Qu'à Jerusalem il eût fait bastir une  
Eglise, comme aussi à Rome. Qu'il  
eût baillé un million d'or pour les  
Hospitiaux, Eglises & pauvres misera-  
bles personnes. Qu'à cét effet il eût  
quitté tous ses biens à sa Majesté jus-  
qu'à entier accomplissement de tou-  
tes ces conditions. Et finalement qu'il  
eût esté banny outre-mer pour vingt  
ans. Par ce que ces conditions sont  
bien grièves, les Princes ne voulurent  
pas tenir la main à faire exercer justice



qu'en advint-il ? le meurtrier, quoy qu'il se pensast bien en feureté à Montereau, pour l'ordre qu'il avoit donné aux gardes du Chasteau, y fut neantmoins massacré, avec le Vicomte de Noüailles, par Tanneguy du Chastel, qui avoit esté serviteur du Duc d'Orleans, voulant traiter la paix en la presence de Charles le Dauphin au mois de Novembre, en l'an 1419. Voila ce que c'est, le Duc Jean eut grand marché d'avoir tué le Duc d'Orleans : Cela fraya le chemin, & donna aux partisans de la maison d'Orleans occasion de luy rendre la pareille & respandre le sang de ce Prince contre tout droit de foy & loyauté, mesme contre le droit des gens, qui cousta bien cher au Royaume de France. Car Philippes le 19. Duc de Bourgogne, & qui fut surnommé le Bon, pour avoir sa raison, mena une si cruelle guerre contre ce Royaume, qu'il y a eu quelques Plagiaires Cosmographes, qui luy ont voulu pour cette occasion desrober le titre & qualité de Bon, ne voulans ( peut-estre ) sçavoir, qu'à cause de sa bonté, clemence & douceur il fut appellé Bon. Quant à moy, je ne




118 *Histoire des ſçavans Hommes,*  
voudrois m'hazarder de luy ravir ce  
titre de Bonté, reconnoiffant qu'à tres-  
juſte occaſion il luy eſtoit eſcheu, puis  
qu'il ne ſurchargeoit ſon peuple de  
tailles, ſubſides & impoſts, mais auſſi  
de déguifer les traverses qu'il donna à  
la France, ce ſeroit une trop grande  
folie, veu que nos Histoires témoi-  
gnent aſſez que pour ſe vanger de la  
mort de ſon pere il ſe ligu avec l'An-  
glois, luy mit entre les mains tous les  
inſtrumens propres à la victoire & à la  
conqueſte de la France, comme Paris,  
Chartres, Troyes, le Roy, la Reine &  
leur fille Catherine, qu'ils furent cou-  
traints de bailler au Roy Anglois, à la  
charge que s'il ſurvivoit, le Roy Char-  
les ſon beau-pere, que luy ou ſes en-  
fans procréés de luy & de Catherine  
ſuccederoient au Royaume, & que  
cependant il manieroit le Royaume,  
& ſeroit appellé Regent de France..











*JEAN LE MAINGRE  
DICT BOVCICAUD.*





IEAN LE MAINGRE,  
DIT BOVCICAUD,  
MARESCHAL DE FRANCE.

---

CHAPITRE VII.



DEux choses rendent recommandable ce Mareſchal François. La premiere eſt la grandeur gigantine de ſon corps, qui le rendoit effroyable à ſes ennemis. L'autre eſt la magnanimité, proueſſe & vaillance, qui jointe à ſa grandeur & force l'a fait venir à chef de pluſieurs exploits, non point difficiles ſeulement, mais auſſi hazardeux & preſque impoſſibles. Ce diſcours démentira ces outrecuidez, qui mépriſans les graces du Toutpuiffant, abbaiffent la procerité & hauteur



120 *Histoire des ſçavans Hommes,*  
des grands corps, que qui les voudroit  
croire, la conſequence eſt neceſſaire,  
ſi un homme eſt grand, qu'il eſt mal  
habile. Je laiſſeray les petits traits de  
gauſſerie, dont ils ont accouſtumé de  
les brocarder, puis que ſans raiſon ils  
ſe plaiſent d'ainſi ſ'embaliverner. Seu-  
lement je veux leur oppoſer la har-  
dieſſe incroyable du Mareſchal Bou-  
cicaud, de laquelle ils ne pourront  
douter, ſ'ils ont tant ſoit ny quant mis  
le nez dans nos Histoires. Je ſçay bien  
qu'ils feront bouclier de je ne ſçay  
quel deuïl, qui fut entre luy & Galeas  
de Gonzague, ſi petit, qu'à peine pou-  
voit il toucher de ſa teſte à la ceinture  
de ce Maingre de nom, mais par eſſet  
gros, membreux, haut & puiſſant. Les  
auteurs de ce comp'e ſçavent tres-  
bien tourner le plus beau devers la  
ville, mais ſi c'eſtoit à debatre pour la  
verité, il n'y a juge, tant ſoit il ſevere  
( moyennant qu'il ne ſoit pas trop paſ-  
ſionné) qui n'adjuge au François l'hon-  
neur de la victoire. Mais afin que nous  
n'employons pour preuve & faits qui  
ſont douteux, conſiderons qu'elle fut  
ſa prudence & magnanimité au gou-  
vernement de Genneſ. Charge qui luy  
fut



luy fut donnée par Charles VI. du nom, lors que les Genevois, apres la mort d'Antoine Adurnin Duc de Genes, se rangerent sous l'Empire du sceptre François. Ceux qui ont entendu parler du naturel de ce peuple, de leur inconstance & muable déloyauté confesseront toujours qu'il faut que ce Gouverneur ait esté doüé d'un rare & merveilleux esprit, pour les entretenir en l'obeïssance du Roy. Je laisseray les ennuis, fascherics & traverses, qui luy furent alors baillées, pour éviter prolixité, afin que revenant à la variété & muableté des Genevois, je represente par quels moyens il tascha de reprendre Genes, qui s'estoit revoltée contre le Roy, lors qu'il alla au secours de Jean Marie Galeas contre François Sforce. Ne faudra faire estat que de la charge qu'il donna si rude à Fassincaur, qu'il y en demeura bien huit cens hommes: gagna le Chasteau de Gain, lequel il pourveut de vivres necessaires à la guerre. Ce fut luy qui avec le Cardinal d'Ailly fut delegué vers l'anti-Pape Benedict, nommé Pierre de la Lune, pour le sommer de se demettre de la dignité Papale. Il les



122 *Histoire des ſçavans Hommes,*  
rebrouïa ſi arrogamment , qu'après  
quelque temps Boucicaud fut depeſ-  
ché, pour l'aller aſſieger en Avignon,  
entra dedans à main armée, de ſi près  
preſſa la Lune, qu'ailleurs ne ſçeut  
plus ſeulement faire retraite qu'au  
Palais. Où Boucicaud pour ne déplai-  
re aux Ducs d'Orleans & de Bourgo-  
gne, qui portoient Benedict, le laiſſa  
ſous la garde des Avignonois juſques  
à tant, qu'on eut pourveu à la concor-  
de & union de l'Egliſe, qui eſtoit tota-  
lement diſſipée par tels ſchiſmes. Que  
ſi ce Mareſchal eut voulu pourſuivre  
ſa premiere pointe. il eut pû aiſément  
ſe ſaiſir de luy, ayant ravagé & gaſté  
tout le pais circonvoisin, & preſſé ſi  
étroitement, que par faute de bois il  
fut neceſſité de ſe rendre. Le cœur me  
ſaigne, qu'il faille que pour découvrir  
les proſſes de ce vaillant Boucicaud,  
je repreſente la piteuſe déconvenüe  
des Chreſtiens en Hongrie, dont l'in-  
fidele Bajazeth ſçeut tres-bien ſe pre-  
valoir au prejudice & dommage de la  
Chreſtienté, la veille de S. Michel,  
l'an mil trois cens nonante-fix. Je ne  
m'arreſteray point ſur la plainte, que  
pluſieurs font des insolences, indiſ-



cretions & bobances de nostre armée, qui affadît tellement le cœur des soldats Chrestiens, que Bajazeth eut grand marché des François principalement, qui pour s'estre trop temerairement voulu avancer, servirent aux Turcs de matiere pour se faire sacrifier d'une façon étrange. Sigismond Roy d'Hongrie, voyant la d<sup>e</sup> constitution des François, sur lesquels il appuyoit le gain & heur de sa victoire, commença à desperer : ses gens estoient tellement intimidez que crainte des coups, laisserent pour la pluspart chappler les François, & luy gagna au pied le plus viste qu'il pût. Les nostres qui pûrent échapper de cette meslée furent mis prisonniers, & presentez à Ba.azeth, qui ayant entendu le devoir, auquel s'estoient mis les François & pusillanimité des Hongres, pris fort en son cœur nostre nation, & pour cette occasion traitta autant humainement les captifs, que pouvoit luy permettre sa barbare Turquesque. Entr'autres en reserva-il huit qui furent envoyez à Bursie, à sçavoir Jean Comte de Neyers, fils de Philippe Duc de Bourgogne, &



124 *Histoire des ſçavans Hommes,*  
noſtre Boucicaud, qui avec le Sei-  
gneur de la Trimouille avoit eſté choi-  
ſi & élu pour commander en l'armée  
que le roy Charles V I. avoit dreſſée  
contre cét ennemy de la Foy à la re-  
queſte du roy Sigismond, qui pour  
cét eſſet envoya un Ambaſſadeur en  
France. Quant au Comte de Nevers,  
Bajazeth luy fit entendre qu'il luy ſau-  
voit la vie, moyennant la rançon de  
deux cens mil écus, qu'il fallut payer,  
dont en fit les diligences Jacques de  
Hely, Gentilhomme Picard, qui fut  
pris avec eux, & avoit autrefois eu  
credit en la Cour d'Amocabuquin.  
L'occafion de telle delivrance, fut  
par ce qu'il appartenoit à un tel Prin-  
ce, que le frere & oncle des Rois de  
France. Aucuns toutefois tiennent  
qu'il fut reſervé, par ce que là ſe trou-  
va un Sarraſin grand Negromancien,  
Devin ou Sorcier, lequel apres l'avoir  
conſideré & advisé de pied en cap, dit  
à Bajazeth, que ce Prince ſeroit un  
jour cauſe de la mort de plus de Cref-  
tiens que tous ceux de leur Loy. De  
vray, fut-il un ſeau & chaſtiment des  
François, qui par ſes menées en en-  
voya pluſieurs au tombeau. Quant au




Mareschal Boucicaud il fut garenty pour ce coup du sanguinaire assassin, pour ce qu'on fit entendre au Bassa, qu'en guerre il avoit fait autrefois bonne composition à ses gens qui estoient tombez en ses mains, sur lesquels il n'avoit voulu permettre qu'on exerçât aucune cruauté. De faict, auparavant il fit deux voyages contre les Turcs, qui tenoient le siege devant Constantinople, dedans laquelle estoit un Capitaine François, nommé Chasteau-morant. Là il fit d'incroyables exploits de guerre, tellement qu'il les contraignit de lever le siege, & en prit plusieurs prisonniers, lesquels il traittoit si doucement, qu'aucuns l'en taxoient, disans que ce n'estoit à l'endroit de telles canailles, qu'il falloit déployer quelque pitié ou misericorde. Mais ils ne voyoient pas que cét hardy Capitaine, minant ses ennemis, par son humanité taschoit, ou les apprivoisoit, ou bien les semondre à luy rendre la pareille, s'il advenoit que le malheur de la guerre le fist entrer dans la nasse de la Turquesse puissance. J'avois bien envie de passer sous silence cette malheu-



126 *Histoire des scavans Hommes,*  
heureuse bataill'e, qui fut donnée le  
24. jour du mois d'Octobre, en l'an  
de Grace 1495 en un lieu qui est entre  
Theroüenne & Hesdin dit Agincourt,  
tout joignant une Abbaye, nommée  
Rousseau-ville, parce que cela n'est  
que renouveler la playe, qui est au  
cœur des François pour la perte qui y  
fut alors faite de plusieurs, vaillans &  
magnanimes guerriers, par faute d'a-  
voir voulu recevoir les Anglois à la  
paix qu'ils demandoient pour l'effroy  
que leur donnerent les forces Fran-  
çoises, mais puisque mon devoir m'y  
semond, j'en toucheray quelque cho-  
se en passant, pour remarquer que sur  
l'avant-garde de l'armée comman-  
doient Messire Charles, Seigneur d'Al-  
bret, Connestable de France, & le Ma-  
reschal Poucicaud, lequel ayant re-  
ceu commandement dudit Seigneur  
Connestable, avec les Seigneurs de  
Graville, de la Trimouille, de Han-  
gest, l'Admiral Clignet, Pichon de la  
Tour & Alleaume des Boufflers, as-  
saillit les Anglois avec telle furie, que  
n'y eut escadron, tant roide fut-il,  
lequel ils ne rompissent : de sorte que  
si l'heur de la guerre ne se fut contre-



viré c'est hors de doute que la victoire demeueroit du costé du Roy de France. Lequel au contraire y perdit plus de dix mil François, qui demeurèrent sur la place, sans les prisonniers, qui n'estoient pas moins Là furent tuez de remarque Antoine Duc de Brabant, Philippes Comte de Nevers, frere du Duc de Bourgogne, le Duc d'Alençon, Louis de Bourbon, fils de Jacques de Bourbon, Seigneur de Preaux, & grand Chambellan de France : ledit sieur d'Albret Comte de Dreux, & nostre Mareschal de Boucicaud qui y fut pris, mais pour ce qu'il mourut prisonnier, il merite bien d'estre qualifié du mesme honneur que les autres, qui par l'effusion de leur sang eterniserent leurs vaillances à l'immortalité.
















*ENGVERRAND DE  
MARIGNY.*





ENGVERRAND  
DE MARIGNY,  
SEIGNEVR DE COVCY  
ET COMTE DE LONGVEVILLE.

---

CHAPITRE IX.



Voy qu'un personnage se force de faire au mieux qu'il luy sera possible, s'il se melle des affaires d'Estat, faudra qu'il marche bien droit, si toûjours quelqu'un ne trouve qu'il y a redire. La raison gît en ce que la Cour & grands Estats sont composez de plusieurs diversitez d'humeurs : qui fait que ce qui plaist à l'un ne semble seant à un autre. Tout ne plus ne moins qu'une herbe qui est



130 *Histoire des ſçavans Hommes,*  
propre & profitable à un eſtomac, eſt  
nuifante & dommageable un autre.  
Il eſt vray qu'à la Cour des Grands il  
ne fera pas beſoin de tenir une telle  
diſcretion, puisſque pour la pluſpart  
les ſauteurs & courtiſans y ſont beau-  
coup mieux receus, au grand deſhon-  
neur de la Chreſtienté, que les vail-  
lans, doctes & ſages. Celuy duquel  
je repreſente icy le portrait, tel qu'il  
eſt en l'Egliſe de Noſtre-Dame d'Ef-  
coüy, tiré au naturel, ne verifera que  
trop bien mon dire. J'ay eſté long-  
temps en ſuſpens, pour ſçavoir ſi veu  
la piteuſe déconvenüe de ce perſonna-  
ge je devois luy donner place entre  
les Hommes Illuſtres. Cela a fait,  
qu'eſtant diſſuadé par aucuns, j'avois  
auſſi deliberé biſſer & rayer les deſ-  
ſeins que j'avois projeté de ſa vie: en-  
fin je me ſuis reſolu de le coucher en  
mon eſtat. Encore donc que je luy aye  
fait paſſer ſon ordre, le Lecteur ſ'il luy  
plaift, pourra reprendre avec un juſte  
& legitime calcul le rang où il doit  
tomber. Donc cét Enguerrand de Ma-  
rigny, Seigneur de Coucy, & Comte  
de Longueville pour ſes rares vertus,  
proieſſe & prudence émerveillable,



*Enguerrand de Marigny*. C.IX. 131  
fut honoré par le Roy Philippes le Bel  
des plus grands & dignes estats de tout  
le Royaume. Il le fit son Chambellan,  
grand Maistre de France, & seul sur-  
Intendant des Finances en France. De  
fait, à ce qu'en rapportent nos histoi-  
res, c'estoit l'homme le mieux né és  
affaires d'Etat, & nommément au ma-  
niement des Finances qu'il estoit pos-  
sible de penser, & pour tel aussi le Roy  
le reconnoissoit tres-bien, quand il  
daigna le preferer en telles charges à  
tous les autres Princes du sang &  
grands Seigneurs de son Royaume.  
Je sçay bien que nos Controolleurs  
ne manqueront point de sujet pour  
trouver de quoy gazouïller sur tel éta-  
blissement, pour les inconveniens  
qu'on voit survenir, quand pour éle-  
ver les petits on veut abbaisser & de-  
favoriser les Grands qui ayans, com-  
me l'on dit, le cul sur la selle, se fas-  
chent bien fort de mettre pied à terre.  
Toutefois il fallut qu'ils callassent le  
voile, & obeïssent aux commande-  
mens de ce Chevalier, qui n'eut pas  
long-temps demeuré en credit qu'il ne  
tâchât de pousser ceux qui luy aparte-  
noient : si fut par son Jean de Marigny



132 *Histoire des ſcavans Hommes*,  
ſon frere fait Eveſque de Beauvais, &  
par conſequent Pair de France, & ſon  
autre frere Eveſque de Cambrai, &  
un ſien couſin Cardinal. Expreſſément  
avoit-il dreſſé un tel baſtillon pour  
faire teſte à tous ceux qui voudroient  
ſe bander à l'encontre d'eux & leur  
faire la loy. Ce fut noſtre Enguerrand,  
de la volonté duquel branloient (au  
grand mécontentement des Princes)  
les forces que le Roy Philippes, deſi-  
teux de matter Robert Comte de Flan-  
dres, recidiveur en felonie, dreſſa  
ſous la charge de Louis roy de Navar-  
re, Philippes Comte de Poictou fils du  
Roy Charles de France, fils du Roy  
Comte de la Marche, & Louis d'E-  
vreux ſon oncle. Iceuluy pacifia tout le  
different, ſans qu'il fallut venir aux  
mains à bon eſcient, & que l'interdit  
de Flandres élançé par le Pape à l'en-  
contre du Comte Robert, eut paſſé ou-  
tre, & que l'Archeveſque de Reims  
Primat des Belges, & l'Abbé de Saint  
Denis euſſent jetté la Sentence d'ex-  
communication l'an 1314. Cette tré-  
ve envenima encore davantage les  
Princes à l'encontre du Comte de Lon-  
gueville, qui pour trouver moyen de



le disgracier envers le Roy, luy mettoient à sus qu'il avoit intelligence avec le Flamand, qui par argent luy avoit lié la langue & l'avis à ce qu'il desiroit, au tres grand prejudice du Roy, qui ayant une si forte & puissante armée, pouvoit à ce coup châtier ce rebelle, & luy couper tout espoir de jamais lever le talon à l'encontre de son Prince souverain. Cela est bien veritable, mais ils ne consideroient pas, premierement que ce qui empescha de poursuivre la fulmination de l'interdit à l'encontre du Comte de Flandres, estoit que le Cardinal qui avoit esté là envoyè pour moyenner l'accord, les pria de ne passer outre. En apres il y avoit expresse priere du pape, pour la cessation des armes, avec remonitrance que beaucoup mieux vaudroit foudroyer sur les Turcs, que de voir les Chrestiens s'entre-tuer eux mesmes, & s'affoiblissans donner courage à cette hideuse & cruelle beste de courir sur les terres Chrestiennes. Ce fut tout ce que pût faire le Roy de sauver son Chambellan des mains des Barons & Chevaliers, qui estoient fort mal edifiez du grand commandement



134 *Histoire des ſçavans Hommes,*  
qui eſtoit entre les mains du Seigneur  
de Cōucy , & ne cherchoient que  
quelque querelle d'Allemand , ayans  
veu que cette trêve avoit eſté prati-  
quée par luy , incontinent luy im-  
poſerent qu'il y avoit de l'intelligence  
entre luy & le Flamand. Toutefois  
quoy qu'ils euſſent la populace mal-  
affectonnée en ſon endroit , ils n'o-  
ſoient durant la vie du Roy Philippes  
ſonner mot , craignans d'avoir trop  
forte par. ie , pour le ſupport, faveur &  
amitié , dont ils le voyoient eſtre ca-  
reſſé par le Roy. Mais apres ſa mort on  
commença à luy braſſer nouvelles ac-  
cuſations , & taſcherent ſes ennemis à  
luy faire entendre qu'il avoit voulu  
prendre la Lune avec les dents. Je ne  
fais pas eſtat d'entrer ici en cauſe, pour  
juſtifier l'un ou l'autre party , me rap-  
portant à ce qui en peut eſtre à la ve-  
rité. Si oſeray-je bien dire que la ſeu-  
le convoitiſe d'abbattre celui , qui  
tenant le principal gouvernail du  
Royaume, aiguillonna Charles Com-  
te de Valois, oncle du Roy, ſurnommé  
Hutin, Guy Comte de S. Paul & Ferry  
de Piquigny Vidame d'Amiens, fils de  
celuy qui mourut Senefchal de Tou.



*Enguerrand de Marigny. C. IX. 135*  
lose, à galoper de la façon qu'ils firent  
ce Comte de Longueville. Auquel en  
general ils imposèrent, que pendant  
qu'il avoit eu l'administration des Fi-  
nances charge & sur Intendance du  
Royaume plusieurs grandes sommes  
de deniers avoient esté levées sur le  
peuple, qui en un moment s'estoient  
évanouïes : en passant luy guignoient  
qu'il falloit qu'elles fussent tombées  
dans ses coffres, à cause de la nécessité  
où estoit réduit le nouveau Roy, telle  
qu'il n'y avoit argent pour le sacrer : si  
le Comte de Valois somma & inter-  
pella le sieur de Marigny, de dire où,  
& comment telles levées avoient esté  
employées. En la presence du Roy re-  
quis d'en rendre compte, répondit  
qu'en temps & lieu il en rendroit  
compte. Et comme le Comte de Va-  
lois le pressoit infiniment sur le champ  
de le faire, il ne voulut en dresser que  
deux articles. Le premier fut que la  
pluspart avoit esté touchée par l'oncle  
du Roy. L'autre est que les debtes  
du Roy deffunt en avoient épuisé le  
reste. Monsieur de Valois dépité de  
se voir touché si au vif en une si  
bonne & honorable compagnie,



136 *Histoire des Scavans Hommes,*  
commença à s'éfaroucher, & avec un  
démentir luy revira sa partie. Le Sei-  
gneur de Coucy pour couvrir le coup,  
fut si mal-advise, que pour pareille il  
luy en rendit un autre. Si bien s'é-  
chaufferent en plein Conseil, que peu  
s'en fallut que Monsieur de Valois ne  
le poignarda sur l'heure. Pour éviter  
à telles voyes de fait & de main-mise,  
& pour reparation de l'insolence qui  
avoit esté faite au Comte de Valois,  
le Comte de Longueville fut reserré  
au Louvre prisonnier, d'où neant-  
moins il estoit Capitaine ou Chastel-  
lain, comme dit la vieille Chronique  
que j'ay écrite à la main. Cependant  
de la part de l'oncle du Roy plaintif  
& intéressé, on fait crier à son de trom-  
pe, que tous ceux qui voudroient se  
plaindre d'Enguerrand de Marigny,  
ou auroient quelque chose à luy de-  
mander, vinssent vers les Seigneurs  
du Conseil, & que justice leur seroit  
faite. Voila qui est pour apprendre  
aux moindres de regarder à qui ils se  
joüent, & que quoy qu'ils soient guin-  
dez en grands honneurs, ce neant-  
moins qu'ils ne doivent aucunement  
attenter sur l'autorité des Princes du  
sang.



fang. L'exemple de cettuy doit servir de miroir à un chacun, d'autant que le démenty qu'il redoubla à Charles Comte de Valois, fut la corde qu'il fila tout doucement, dont depuis il perdit miserablement la vie. Ce pauvre Seigneur pensoit toujours parler en grand Seigneur & tailler du grand, mais il se trouva bien méconté, ayant affaire à trop forte partie, qui de si près luy chaucha les esperons, qu'avant que sortir de la lice où le défy avoit esté présenté, fallut qu'il y laissât honteusement sa pauvre vie. Donc parce qu'il ne sembloit estre assez en seureté au Chasteau du Louvre, auquel il commandoit, fut amené en la Tour du Temple avec grande compagnie, pour empescher que le peuple qui estoit fort mutiné à l'encontre de luy ne se jettast sur luy & n'attentast à sa personne. Sur la fin du Carefme & la vigile de Pasques fleuries, qui estoit le 15. jour du mois de Mars, il fut mené au Bois de Vincennes devant le Roy, où le Comte de Valois par Maître Jean Hayier proposa à l'encontre de luy plusieurs articles, sur lesquels il requeroit son procez luy estre fait &



138 *Histoire des ſçavans Hommes,*  
parfait. Apres donc avoir fait un long  
déduit ſur le rapport qu'il faiſoit des  
ſerpens, qui dégatoient la terre de  
Poictou au temps de S. Hilaire Eveſ-  
que de Poictiers, avec Enguerrand, ſes  
parens & amis, il vint à déduire les  
moyens, faits & cas qui le devoient  
rendre coupable & digne de mort  
preſque avant qu'eſtre accuſé, atteint  
& convaincu des crimes, concuſſions  
& extorſions dont il eſtoit chargé.  
Voicy donc les principaux poincts que  
j'ay recüeilly dans cette vieille Chro-  
nique. Le premier eſt, que le Roy Phi-  
lippines en ſon vivant s'eſtoit plaint des  
malverſations d'iceluy. Enguerrand :  
qui fut la cauſe, que quoy qu'il fut fort  
avancé près de luy, il ne daigna le faire  
executeur de ſon teſtament. Item, que  
le Roy eſtant à la mort, il s'eſtoit faiſi  
de ſes treſors, leſquels il avoit fait vo-  
ler & emporter de nuit à heure indeuë  
& ſuſpecte par ſix hommes, là où il luy  
plût. Item, qu'au dernier voiage de  
Flandres, où fut moyennée cette belle  
trêve, il parlementa tout ſeul fort  
long-temps avec l'ennemy, qui luy  
donna deux barils émaillez d'argent,  
oultre pluſieurs joyaux tres-precieux,



dont il fut tellement aveuglé, qu'il fit retourner les forces de France, sans rien faire, au lieu qu'alors elles pouvoient subjuguier toute la Flandre, & la remettre sous l'obeïſſance du ſceptre François. Item, qu'à ſon retour il conſeilla au Roy de lever ce ſubſide de ſix deniers pour livre de chacune denrée, qui enfanta cette émeute du peuple, qui toutefois ne ſervit de guerre, car il falloit paſſer par là. Item, que le Roy luy avoit donné trente mil écus pour porter au Pape, qu'il ne luy avoit pas donné, mais en avoit jolliment garny ſes bouges. Item qu'il retint quinze mil florins, que le Roy envoyoit à Meſſire Edmond Goth, lequel il trouva mort, & ne tint compte apres de les reſtituer. Item, qu'il avoit tiré de Guillaume Nogareth Chancelier de France, vingt blancs ſignez, ou pluſtoſt des lettres à blanc ſigné, pour quelle occaſion on ne ſçait, d'autant qu'on n'a pû découvrir où il les employez. Item, qu'il avoit mis tous les Officiers du Royaume preſque à ſa poſte & devotion, de maniere qu'eſtans ſes creatures, étoient



140 *Histoire des ſçavans Hommes,*  
contraints de faire des aveugles, de  
peur de découvrir ſes malverſations.  
Item, qu'il avoit tiré du Roy pour ſon  
voyage de Poictiers cinquante. cinq  
mil livres à deux fois. Item, que quant  
le Roy luy donnoit quelque terre, ce  
qui valloit huit cens livres, il le fai-  
ſoit priſer deux cens. Item, qu'un  
creancier ayant fait contraindre plu-  
ſieurs Marchands, ſiens debiteurs par  
vertu des lettres de foire de Champa-  
gne, en avoit fait mettre en priſon au  
Chastelet de Paris, qui apres avoir  
baillé à Enguerrand huit mil livres  
ſortirent, & furent élargis, ſans que  
le le pauvre creancier fut ſatisfait :  
mais qui pis eſt n'oſoit-il en faire  
poursuite, crainte d'encourir la diſ-  
grace du Comte de Longueville. Item,  
que de trois cens ſoixante draps qui  
furent acquis au Roy par forſaicture,  
& apportez à Enguerrand, il s'en fai-  
ſit & n'entint aucun compte. Item,  
que la terre de Galles Fontamine, qui  
valloit plus de deux mil deux cens  
livres, ne fut priſée que huit cens, &  
de tant fut deceu Monſieur de Valois.  
Item, qu'il ouvrit le paquet du Roy,  
qu'il ſalcifia, mettant le contraire de



*Enguerrand de Marigny*, C. IX, 141  
ce qu'il mandoit touchant certaines  
besognes, qu'il luy demandoit. Item,  
que Madame d'Arthois luy donna  
quarante mil liures, que la ville de  
Cambray luy devoit, à cause d'une  
amande, & encore que tres-expresse-  
ment le Roy eut defendu, qu'elle  
n'eut à l'exiger, toutefois Enguerrand  
la retira, & s'en fit payer rasibus qui  
bouge. Item, qu'il donna le conseil, &  
ouvrit les moyens pour apprehender  
Madame de Poictiers. Item, qu'ayant  
engagé une sienne terre à vingt-deux  
ans, il fit tant qu'il retira ses lettres  
d'hypothèque de dessous les aisles de  
la Comtesse, & apres fit chanter ce  
qu'il voulut à cette bonne Dame.  
Item, que Madame d'Arthois, pour  
s'entretenir d'Enguerrand luy donna  
la haute Justice de Crusilles & de  
Beauvois, avec la Marche de Beau-  
vais. Item, que les Crespinois s'estans  
cottisez, pour secourir le Roy, livre-  
rent à Enguerrand quarante-huit mil  
livres, dont il se bailla par les jouës,  
sans en compter au Roy. Item, qu'il  
s'empara de trente mil livres que le  
Roy avoit presté à ses freres. Item,  
que le Roy luy donna la garde d'Es-



142 *Histoire des ſçavans Hommes,*  
toute-ville, où il fit ſi bien trotter le  
mulet, qu'és treize ans qu'il la tint, il  
en tira plus de ſoixante mil liures.  
Item que le Roy luy donna le tiers  
du gain de certaines foreſts en Nor-  
mandie, qui luy valurent plus de  
ſoixante mil livres. Item, que le  
Roy luy donna dix mil livres pariſis,  
pour faire faire ſon Palais de Paris.  
Item, qu'il oſta aux voiſins d'alentour  
des maiſons, qui valoient bien cent  
livres de rente par chacun an & plus.  
Item, que les Bourgeois de Roüen,  
pour recouvrer quelque franchise  
qu'ils avoient perdu à cauſe de quel-  
que démarche qu'ils avoient fait ou-  
tre leur devoir, donnerent à En-  
guerrand trente mil livres. Item,  
que le Roy ayant donné à Benard de  
Marteil douze cens livres de rente,  
à prendre à Chailly, ce Seigneur de  
Coucy acheta ce don ſept mil livres,  
dont il n'en paya que quatre mil, & en  
falloit assigner ſoixante deux livres,  
pour leſquel es il prit ſoixante-deux  
villes & clocher en la haſtellenie de  
Montlehery. Item, que pour avoir la  
maiſon de Maïſtre Raoul du Poy, la-  
quelle il avoit à Tilly, luy fit donner



*Enguerrand de Marigny*, C. IX. 143  
une forfaiture de quatre mil livres  
& un Chateau en Bretagne vallant  
mil livres. Item, que du Tournoy  
de Compicgne il fit apporter le reste  
des garnisons en son Hostel. Item,  
que Messire Jacques Laire avoit qua-  
tre cens livres de rente sur le tre-  
sor du Roy, & on luy en devoit  
dix neuf tant d'arrerages, & il les  
vendit à Enguerrand trois mil livres  
à heritage à toujourns, & se paya sur le  
tresor du Roy, tellement que le fonds  
de la rente & les arrerages ne luy coû-  
terent que unze cens livres. Item qu'en  
la Comté de Longueville Lagiffart, le  
Roy ne luy voulut assigner que six cens  
livres, & il y en a deux mille. Item,  
que Madame Blanche de Bretagne luy  
fit present d'un fort beau, superbe &  
magnifique Hostel, afin de le captiver  
& faire qu'il prit courage à mieux tra-  
vailler en Cour pour elle. Item, que  
de la pierriere de Vernon il fit me-  
ner quatre mil pierres à Estomes,  
& cinquante-deux images, chacu-  
ne du prix de quarante livres. Item,  
que des forests du Roy il a osté tous  
les plus beaux pieds d'arbre, qui y fus-  
sent. Item, que le Senéchal d'Auvergne



144 *Histoire des sçavans Hommes,*  
luy donna sept cens livres. Item, qu'un  
Bidaut estant accusé, atteint & con-  
vaincu de plusieurs grands crimes,  
fut sauvé par le moyen d'Enguerrand,  
lequel il avoit auparavant charmé à  
force de presens. Item, qu'il fit plu-  
sieurs estangs en Normandie, ausquels  
il annexa plusieurs heritages, appar-  
tenans au Roy. Item, qu'il avoit fait  
commandement aux Tresoriers & aux  
maistres des Comptes, que pour man-  
dement que le Roy fit, qu'ils n'y obeis-  
sent point, s'ils ne voyoient son seel:  
qui estoit ainsi qu'exaggeroit Havier )  
brider la puissance du maistre par le  
congé du serviteur. Je suis fâché d'a-  
voir esté si long en la déduction de ces  
articles, & l'eusse-je bien encore esté  
davantage, si j'eusse voulu au long re-  
presenter la force de chacune de ses  
criminatione, mais puisque mon sujet  
n'est pas d'accroistre la playe ou de  
justifier l'innocence du defunt, je me  
suis contenté de gros en gros & le plus  
superficialement qu'il m'a esté possi-  
ble tracer icy les principaux poincts,  
afin de faire entendre à tous ceux qui  
anhelent si fort à se fourrer parmy les  
Cours, le peu de fermeté qu'il y peut  
avoir



*Enguerrand de Marigny*, C.IX. 145  
avoir pour affermer un Estat. Il ne faut  
(comme l'on dit) que rompre un verre,  
& tout en un coup on met sous le  
pied tous les services du temps passé.  
De chercher un miroir plus clair que  
celu-ici il n'est pas possible. Pour le ser-  
vice du Roy Enguerrand avoit en-  
couru l'inimitié des plus grands du  
Royaume, le peuple le haïssoit à  
mort, pour l'opinion qu'il avoit que  
tous les impôts & subsides, qu'on le-  
voit sortoient de la forge de Marigny,  
parce qu'il ne peut endurer un dementy  
on le rebroue, on luy amasse toutes  
les herbes de la S. Jean, pour luy faire  
& parfaire son procès; enfin, quand  
il eut esté le plus méchant & détesta-  
ble personnage que la terre portast,  
à peine eut-on sceu trouver tant de  
charges à l'encontre de luy, comme  
Jean Havier les emmoncela. Comme  
j'ay d'ja dit je ne le veux justifier, ai-  
mant mieux laisser cette charge à  
ceux, qui luy touchent, lesquels pour-  
ront avoir recouvré les articles de cet-  
te accusation, qui furent délivrez à  
Jean de Marigny Evêque de Beauvais:  
s'il y a beaucoup de poincts qui ne  
pouvoient en rien éclipser l'intégrité



146 *Histoire des ſçavans Hommes,*  
de ce Seigneur, auquel on ne doit ſça-  
voir mauvais gré d'avoir receu du Roy  
quelques liberalitez. C'eſtoit un Prin-  
ce, qui comme il eſtoit grand Sei-  
gneur, ne pouvoit eſtre éconduit d'un  
ſien ſujet & ſerviteur, qui luy doit de-  
voir d'obeiſſance, principalement és  
matieres favorables, & qui ne ſont au  
préjudice de ſon honneur. Que ſi on  
devoit rechercher ceux qui ont eſté  
honorez de dons par les Rois, bon  
Dieu, qu'il y auroit une liſte de plu-  
ſieurs qui bouffent maintenant, les-  
quels tiendroient compagnie à En-  
guerrand, mais ils n'auront pas en-  
queuë un Comte de Valois, qui preſſa  
tellemēt les mets à ce Côte de Longue-  
ville, qu'il lui fut impoſſible d'avoir  
quelque répy de juſtifier & averer ſon  
innocence, qui n'eſtoit point ſi fort ob-  
ſcurcie par les calomnies de Havier,  
qu'on n'y vit le jour tout au travers, au  
moins pour la pluſpart, d'autant que  
ceux qui ſe mettoient à trafiquer avec  
luy pouvoient bien preſumer, que ja-  
mais il ne feroit marché avec eux, au  
moins qu'il le ſceut, qui fut à ſon deſa-  
vantage. Et pour cette occaſiō les loix,  
ſ'il n'y a fraude ou dol & leſion plus de  
moitié du juſte prix, n'ont voulu accor-



der la rescision d'une vente, voulât par ce moyen tenir en alte les trafiqueurs, pour se donner garde d'estre surpris par ceux avec lesquels ils auroient affaire. Mais qu'est-il besoin de m'arrester si long-temps sur les moyens de justifier l'innocence de ce Seigneur, puis que l'autorité du Roy ne peut empescher qu'il ne passast le pas, tant estoit fâché à l'encontre de luy ce Comte de Valois. Il est vray que pour le contenter, le Roy avoit trouvé un expediēt, de faire passer Enguerrand en Chypre, d'où il ne devoit débarquer, que ce ne fut par le rappel de l'oncle blessé par le démenti: qui à la fin y condescendit, se contentant, pourveu que celui qui l'avoit bravé, fut chassé hors de sa presence & de son pais, & qu'il ne tint plus le gouvernement du Royaume. Mais le complot de Madame de Marigny dissipata telle & si heureuse entreprise, & aggrava de beaucoup la cause de son mary prisonnier: d'autant qu'on découvrit qu'elle avec sa sœur Madame de Chantelou, avoient pratiqué une boiteuse sorciere détestable & un mauvais garçon nommé Paviot, le plus execrable vilain pour le fait des



148 *Histoire des ſcavans Hommes,*  
fortileges qu'il eſtoit loifible de pen-  
ſer ( qui furent brûlez en l'Iſle du Pa-  
lais à Paris ) pour faire mourir le Roy,  
le Comte de Valois & Guy Comte de  
S. Paul. Ce qui fortifia d'autant plus  
les preſomptions eſt , que l'on trouva  
quelques effigies de cire repreſantans  
le Roy, ces Comtes & certains autres  
du Conſeil , ennemis d'Enguerrand,  
leſquelles on conjectura n'avoir eſté  
faites que pour la mort d'iceux , ſui-  
vant que le charme porteroit, & ſui-  
vant ce que dureroit cette cire. Quel-  
ques écrivains appellent cecy ſuperſti-  
tion , qui ne ſe ſont peut-eſtre ſouve-  
nus de ce que j'ay touché en ma Coſ-  
mographie de telles effigies , dont les  
mal-veillans du Roy Charles neuvié-  
me du nom , avoient bonne envie de le  
bourreler miſerablement. Cela fut  
cauſe que le Roy, quoy qu'auparavant  
il aimait fort Enguerrand , & par tous  
moyens eut tâché à luy ſauver la vie,  
voyant qu'il conſpiroit contre la ſien-  
ne propre, l'abandonna à la mercy du  
Comte de Valois , qui ayant la bride  
ſur le col, ne le fit lōg temps traîner, &  
fit ſi bien arpenſer le jugement , que la  
Vigile de l'Ascenſion de noſtre S. Je-



gneur , écheant lors le dernier jour d'Avril , l'an mil trois cens & quinze, il fut mené au gibet , où il fut pendu & étranglé ignominieusement , âgé d'environ cinquante ans. Et pour le rendre plus infame , on bouleversa le long des degrez du Palais son effigie, qui y estoit dressée aux pieds de celle du Roy. Merveilles comme Havier oublia ce poinct , d'autant qu'il sembloit que c'estoit s'élever bien-haut , que d'oser faire élever son effigie en un tel lieu. Il craignoit qu'on ne luy relevast le nez , & luy remontrast qu'il ne pouvoit moins apres s'estre ainsi magnanimement employé pour les affaires du Royaume , & mesmes pour le bastiment d'un si superbe édifice ( duquel il estoit tellement amoureux, qu'aucuns ont dit qu'il l'a luy-mesme fait bastir à ses dépens ) que d'y avoir quelque marque pour témoigner sa bonne & sincere affection. Laquelle apres sa mort a esté encore si bien reconnüe qu'on y en a mis une en platte peinture aboutissant à une tour, ainsi qu'on monte les degrez de la grande sale du Palais , & près de laquelle sont gravez en pierre les vers qui s'ensuivët.



150 *Histoire des ſçavans Hommes,*  
*Chacun ſoit content de ſes biens,*  
*Qui n'a ſuffiſance n'a rien.*

D'où il a plu à aucuns de prendre matière de taxer Enguerrand de convoitiſe, & d'avoir en les mains trop gluâtes. Si a bien eſté cōtraint le Roy & le Comte de Valois reconnoître la faute qu'ils avoient faite, d'avoir ainſi exterminé celui qui depuis leur fit bien faute. Il n'eut pas long-temps reſté pendu au gibet, qu'à l'humble requête de ſes parens & amis, le Roy accorda qu'il en feroit détaché, & fût enterré premièrement en l'Egliſe des Chartreux avec ſon frere l'Archeveſque de Sens, lequel quelques vieilles Chroniques que j'ay veuës, font complice de l'enſorcellement avec la Dame de Marigny. Apres fut transporté ſon corps en l'Egliſe de Noſtre-Dame d'Eſcouris, laquelle il avoit fondée cinq ans auparavant ſa mort, où il renta douze Chanoines égaux & un Doyen. Viſitant les particularitez de ce beau Temple, je vis ſa ſepulture dans le Chœur derriere le Maître-Autel, ſur une belle & grande table de marbre noir, au pied de laquelle eſt gravé cet Epitaphe en une pierre blanche.



# EPITAPHE.

*Cy-dessous gist de ce pays l'honneur,*

*De Marigny & de ce lieu Seigneur,*

*Dit Enguerrand tres-Sage Chevalier*

*De Philippes le Bel grand Conseiller*

*Et Grand-Maistre de France tres-utile,*

*Pour le Pays, & Comté de Longueville.*

*Cette Eglise-presente fut jadis*

*Edifier l'an mil trois cens & dix.*

*Pour honorer des Cieux la Reine & Dame,*


*Cinq ans après à Dieu rendit son ame*

*Le dernier iour d'Avril puis fut mis cy:*

*Priez à Dieu qu'il luy face mercy.*

N iiiij













JEANNE LA PV-  
CELLE .





# IEANNE

## LA PVCELLE.

---

### CHAPITRE X.



L n'y a celuy qui ne sçache que Dieu choisit les choses viles, humbles & abjectes, pour s'en servir à confondre & dōter ce qui semble estre le plus fort & le plus puissant. Et ainsi par la conference des écritures, trouvons avoir esté pratiqué & observé qu'un sexe féminin, fragile & imbecile, a plusieurs fois esté présenté, pour secourir un Royaume exposé à la fureur des ennemis. Les exemples de Debora, Hester & Judith ne sont que trop notoires. Ce seroit donc vouloir resister à la divine volonté de calomnier ce qu'il



154 *Histoire des ſcavans Hommes,*  
fait où permet à la délivrance, maintiè  
& illustration d'un peuple . nous ran-  
dans ingrats de ſes bien-faits. Cette  
concluſion bien conſiderée avantage-  
ra grandement & ſervira de défenſe à  
celle dont j'ay délibéré en ce lieu faire  
recit , le ſoulagement de la France ne  
me permettant la paſſer ſous ſilence.  
Car combié que ce ſexe infirme ne ſoit  
digne en ſoy avoir place au rang des  
hommes vertueux, neantmoins ce qui  
ſurpaſſe en force & magnanimité me-  
rite double louange. Qui eſt celuy, tant  
peu ſoit-il verſé en la lecture des hi-  
ſtoires, lequel n'admire la divine pro-  
vidence, d'as le ſecours inefperé & vail-  
lance plus qu'humaine de la Pucelle:  
laquelle lors que ce Royaume de Fran-  
ce , par occulte & non connuë raiſon,  
eſtoit miſerablement en proye & aux  
incurſions des Anglois , fut envoyée  
pour donner courage au Roy & Prin-  
ces François, pour preceder les armes,  
aſſaillir & défendre villes , chaſteaux  
& fortereſſes , chaſſer les ennemis ,  
& remettre ce Royaume en liber-  
té. Que s'il m'eſtoit libre d'exami-  
ner les choſes divines ſelon le ſens hu-  
main & occureces ordinaires, je pour-



*Enguerrand de Marigny*, C.IX. 155  
rois amener diverses raisons d'une part,  
& d'autre, tât pour impugner que pour  
défendre les faits quasi incroyables de  
cette Pucelle. Mais attendu que la di-  
vine bonté ne se doit mesurer selon le  
pied de nostre entendement, nous de-  
vons interpreter toutes choses en meil-  
leure part. Ecoutós le discours du fait.  
Au temps donc que le Roy Charles  
VII. par les factiós du Duc de Bourgo-  
gne & l'armée des Anglois, estoit quasi  
dépoüillé, dévestu & orphelin de son  
Royaume, & n'attendoit rien moins  
que le recouvrer, fut envoyée par visió  
divine une jeune fille appellé Ieanne  
native du village d'Ampreme près de  
Vaucouleurs país de Lorraine, fille de  
Jaques d'Art & Isabel, qui estoient gens  
simples, pauvres & rustiques. Car ainsi  
qu'elle gardoit le bétail, luy apparurent  
quelques visions à diverses fois, disans  
que par son ayde & moyen devoit estre  
délivré le Royaume de France. Ayant  
donc fait recit à ses parens de telles vi-  
sions, ils la presenterent au Sieur Ro-  
bert de Baudricourt, Capitaine de Vau-  
couleur, lequel connoissant la sim-  
plicité de cette fille, & attribuant ce  
au vouloir divin la conduir vers le Roy  
Charles septième, lequel entre grand



156 *Histoire des sçavans Hommes,*  
nombre d'autres Princes & Seigneurs  
elle sceut choisir, distinguer & re-  
marquer, quoy que jamais elle ne  
l'eut veu. Auquel elle remontra que  
la volonté de Dieu estoit que sous sa  
conduite, les Anglois fussent chassés,  
& luy consacré Roy de France. On  
n'ajouta pas foy d'abord à son dire,  
mais fut commise à aucuns Princes,  
Prelats & Docteurs, pour sonder de  
quel esprit elle estoit envoyée, & s'il  
y avoit aucune fraude ou ruse cachée  
sous le voile de religion & simplicité  
rustique. Mais apres un soigneux exa-  
men ne fut trouvé, sinon qu'elle estoit  
divinement transmise. Je ne m'amuse-  
ray à discourir en ce lieu de ses actes  
vertueux, & comme ayant chassé les  
Anglois des environs d'Orleans & cō-  
duit le Roy Charles couronner à Reims,  
estans les histoires remplies de sa louā-  
ge. Je sçay assez que quelques Histo-  
riens de nostre temps l'on eue en mau-  
vaise estime, la disans estre forciere  
& impudique, & que sous ombre  
de pieté, on luy fit joier ce rollet,  
pour inciter les François à bien faire.  
Mais telles sortes de personnes ne font  
que repeter les calomnies, qui furent



divulguées par ses ennemis, auxquels ne doit estre aucune foy adjoutée. Car on voit clairement par le discours du procès à elle fait par les Anglois ( qui se trouve comme j'ay veu en la Bibliothèque de S. Victor lez Paris ) & aussi par les articles de sa justification, qu'onques on ne sceut trouver en elle cause & crime digne de mort, encores qu'ils eussent examiné ses faits & conversation, attendu qu'elle vivoit sobrement, chastement & devotement, non sans avoir souvent des apparitions & revelations Angeliques, joint qu'elle fut visitée & trouvée Vierge entiere. Les bellicieux actes qu'elle fit, sont signes manifestes de supernaturelle puissance, seulement luy fut objecté que contre les Loix & coutumes elle avoit vestu l'habillement d'homme. Mais à ce point je répond en un mot, que là où la divine vertu veut operer, sont quant & quant requis les moyens disposez à l'execution de la fin : & puisque par le vouloir de Dieu cette pucelle, renduë virile & militaire faisoit des actes militaires, il n'estoit aussi indecent qu'elle prit les habits militaires. Pour preuve de ce



158 *Histoire des ſcavans Hommes,*  
on pourroit rapporter icy infinies hiſtoires tant ſacrées que prophanes , comme pluſieurs femmes d'un cœur hardy & vertueux pour reſiſter aux ennemis , ou deffendre leur patrie, ont quitté l'habit féminin pour charger les armes & habillemens de guerre. Semiramis Reine des Aſſiriens armée de pied en cap entra la premiere en la bataille , & chaffa ſes ennemis. Thomiris Princeſſe des Schites battilla ſi vaillamment , qu'elle obtint victoire contre l'armée epouvantable de ce grand Roy Cyrus. Charille Roy des Lacedemon enſ fut vaincu par les femmes de la ville de Tegée , lesquelles armées ſe ruerent ſur luy & ſon armée. Arthemisie, Camille, Leſbie qui défit les Romains , & autres innombrables n'en ont eſté moins priſées. Hypſicratée femme de Mitridates , & ſa compagnie és aſſauts , combats & dangers , eſt loüée de ſa force & courageux effort qui l'ont fait ſurmonter ſes ennemis. Presque du temps de la Pucelle Jeanne , vivoit Bonne Lombarde femme de Pierre Brunore Chevalier illuſtre, laquelle adroite aux armes & vaillante guerriere, fut tou-



jours veuë armée, quand les occasions se presentoient de combatre, comme elle le montra plusieurs fois, se presentant aux assauts la rondache au bras & le coutelas à la main. Que diray-je de Marie ( vulgairement appellée Reine d'Hongrie ) fille de Philippes Archiduc d'Austriche, qui vivoit de nostre temps en l'an mil cinq cens quarante, laquelle constituée Regente par l'Empereur Charles V. son frere és Pais-Bas de Flandres & basses Allemagnes, se comporta si vaillamment en sa charge, que conduisant une puissante armée, la cuirasse sur le dos & la lance à la main, elle a fait sentir aux François son cœur genereux, ressemblant en tous ses actes plustost un Hannibal, un Scipion Africain, ou un Iule Cesar qu'une femme : & mesme elle s'est renduë par iceux si redoutable, que tout le monde trembloit de frayeur, jusques aux petits enfans, au seul nom de la Reine de Hongrie. Suffira donc de croire cette Pucelle, dite d'Orleans, pour la deffense qu'elle fit de ladite ville, estre digne de louange & memoire. Apres la reduction de plusieurs Villes & Châteaux elle fut prise,



160 *Histoire des ſcavans Hommes,*  
combatant près Compiègne, & livrée  
par Jean de Luxembourg aux Anglois,  
qui cruellement la condamnerent au  
feu, & ainſi fut executée à Roüen au  
grand regret des François. Ce fut  
Pierre Cochon, ſei ième Eveſque de  
Beauvais, ennemy mortel des Fran-  
çois, qui la condamna à mort. Apres  
que le Pape Eugene Venitien en eût eſté  
averty, & que les Anglois furent chaſ-  
ſez, il excommunia & degrada ce Pre-  
lat. Ille vivoit l'an 1420. ſous Char-  
les VII. Roy de France. Le portrait  
de laquelle Monſieur noſtre Maïſtre  
Hilaire Hilaret, Docteur de Paris,  
Predicateur ordinaire de la ville d'Or-  
leans, & l'un des ſcavans hommes aux  
Langues de noſtre âge, m'a envoyé de  
ladite ville tel que je vous le repre-  
ſente, & côme jadis il eſtoit au trefor  
de la ville, le corps de cuiraffe de la-  
quelle le tres-vertueux Prince Charles  
de Lorraine Duc d'Aumale m'eſtant  
venu viſiter en mon logis le 15. Jan-  
vier 1582. me dit avoir en ſon Chaſ-  
teau d'Annet, où il le conſerve entre  
ſes autres plus rares ſingularitez, &  
de meſme façon que celui duquel  
vous la voyez armée. De ma part je ne  
fais



fais point de doute , qu'elle n'ait esté telle que nos Historiens nous l'ont portraite, & au contraire je ne puis assez me rire de certains , qui se meslans de griffonner , se font accroire qu'il est du tout impossible qu'une femme ait pû exploiter tant & de si admirables faits pour la delivrance du Royaume. Je ne daignerois avec ma plume marquer ceux qui estans entre les François , à credit se laissent ainsi laschement couler au bruit d'incrédulité, ils ne meritent pas d'estre chatouillez d'une si douce reprimende. Que s'ils estoient estrangers , ils auroient quelque pretexte d'ignorance, non pas que je veuille excuser ces Ecrivains Anglois, qui impudemment ont écrit par gaufferie, que nostre Jeanne apres avoir gardé les pourceaux , a voulu maistriser les cocqs, & qu'enfin elle est morte de la morsure d'un cochon, ce sont petits coups de ruade, que donnent ceux qui ont honte d'avoir esté battu , défaits & domptez par cette simple fille Mais afin que je le combatte avec leurs armes , dans leurs Histoires ils font grand Alléluya d'une femme de Bunduic, qui à leur rapport



162 *Histoire des ſçavans Hommes*,  
affranchiſt l'Angleterre de la domi-  
nation des François & Italiens, la-  
quelle vivoit l'an ſeptante apres la  
Nativité de Noſtre Seigneur. Parce  
qu'elle avoit veu que Paulin Suetone  
avoit fait pendre en l'Iſle de Mon les  
femmes par leur perruque, apres leur  
avoir arraché les mammelles, qu'il  
leur faiſoit apres manger par force.  
Elle ſe mit en armes, & avec bonne  
compagnie d'hommes Anglois, qu'el-  
le conduiſoit, défit le Camp des Ro-  
mains, prit Paulin, & luy fit endurer  
la meſme cruauté, que trop inhumai-  
nement il avoit exercé ſur ces pau-  
vres femmes, l'habit qu'elle portoit  
n'eſtoit point de femme, mais au rap-  
port de l'Historien Dion, ne ſentoit  
que ſon furieux guerrier. S'il eſt ainſi  
qu'à leur avantage ils font parade de  
la magnanimité de cette Bunduic,  
pourquoy ne nous ſera-il loiſible de  
croire la verité des faiſts de noſtre Pu-  
celle Lorraine? Puisque la memoire  
de ſes geſtes eſt plus fraiſche que de  
l'Angloiſe: je conclus que plus de foy  
doit eſtre adjoutée aux Historiens, qui  
nous rapportent ce qui ſ'eſt paſſé il n'y  
a point ſoixante ans, qu'aux memoires



res des executions faites il y a plus de cinq cens ans. En apres je fais une autre relation qu'injustement les Anglois ont fait mourir nostre Pucelle pour avoir changé d'habits, ou bien ils devoient faire brûler leur Angloise : mais voila ce que c'est, qui veut mal à mon chien, on luy fait acroire qu'il est enragé. Le passe-droict, duquel ils privilegierent leur Bunduic est fondé sur ce, qu'encore qu'elle se fût déguisée, & pour exploiter des proïesses martiales, eût chargé l'armet & accouëtrement viril, elle ne leur sembloit coupable & digne de mort. La raison est, que dans leur lunettes ils avoient tracé l'utilité, profit & délivrance, qu'ils avoient eu par le moyen de cette guerriere : cela leur troubla si bien la veuë, qu'estant ébloüis du bien qu'elle leur avoit fait, ne sceurent trouver chose digne de reprehension en elle. Et sous mesme consideration prirent occasion de rendre execrable cette Pucelle d'Arc, d'autant que tout ainsi que celui qui regardant au travers d'une verriere rouge, ne voit autre chose que ce qui est rouge, quoy que la couleur de l'objet n'y approche en rié,



164 *Histoire des ſçavans Hommes*,  
auſſi les Anglois n'eurent pas pluſtoſt  
imprimé en leur cervelle, que Jeanne  
d'Arc avoit eſté cauſe de leur ruine,  
qu'ils infererent, que tout ce qu'elle  
avoit fait, les moyens qu'elle avoit te-  
nus, & finalement que toute ſon adreſ-  
ſe meritoit reprehension. D'où par  
trop legerement ils tirerent l'inique  
conſequence de condamnation. Le  
vous prie, quel profit leur en revint-il,  
& au déloyal Guillaume de Flavy,  
Gouverneur de Compiègne, qui la  
leur livra entre les mains ? Ils pen-  
ſoient avoir fait un grand coup, que  
d'avoir exterminé l'Hercule des Fran-  
çois, tout au rebours de leurs preten-  
tions Dieu pratiqua la liberté Fran-  
çoïſe, & fut la mort de cette Pucelle  
cauſe du dénichement des Anglois  
hors de France. Flavy par des voyes illu-  
ſoires trouva moyen d'échaper la juſ-  
tice, mais Dieu vengeance ſa trahiſon,  
ſoudain apres la priſe de Jeanne, luy  
oſa Louis de Flavy ſon frere par le  
moyen d'un coup de boulet : & quant  
au traïſtre, ſa mort luy fut avancée par  
Blanche Danurebruch ſa femme, qui  
pour le mauvais traitement qu'il luy  
 faiſoit, le ſuffoqua & étrangla par



l'aide de son Barbier, lors qu'il estoit couché au lit, en son Chasteau de Nelles en Tardenois, dont elle eut depuis sa grace. Je sçay bien que les haineux de l'heur du nom François se piquent de quelques passages de Richard de Vassebourg, encore que le bon homme ne pensa jamais rien moins qu'à diffamer cette Pucelle. Et en ce ils se méprennent, comme aussi ceux qui employent pour cas averez tous les articles & faits qui furent calomnieusement imposez par le Promoteur Jean d'Estivet, pour la rendre heretique, forciere & de mauvaise vie, mais la preuve est tellement insuffisante & si fressle qu'après l'exécution qu'en fit faire le Duc de Bedford à Roüen le 30. jour du mois de May, en l'an 1431. le Roy Henry pour appaiser les Princes Chrestiens qui se formalisoient d'une telle injustice, ne sçeut s'armer, sinon du droit de guerre, qui permettoit de la faire mourir: joint qu'elle faisoit tort au sieg Romain auquel elle avoit appellé. A tort donc n'a-elle pas esté prisee par le Docteur Iean de Gerson, Valeran, Varan, Henry de Grecken, Iean Meyer & autres, & tellement



166 *Histoire des ſçavans Hommes*,  
honorée par le Roy Charles VII. qui  
luy fit porter à elle & aux ſiens deux  
fleurs de Lys d'or ſur azur, & au mi-  
lieu une épée d'argent, ayant le pom-  
meau & croifée d'or, & ſur la pointe  
une Couronne d'or, puis qu'on n'eut  
ſceu affez reconnoiſtre les magnani-  
mes & heroïques exploits de cette Pu-  
celle.











*IE AN TALBOT CA-  
PITAINE ANGLOIS.*





# JEAN TALBOT,

## CAPITAINE ANGLOIS.

---

### CHAPITRE XI.



I jamais Capitaine Anglois est rendu immortel entre ceux de sa patrie, ç'a esté Jean Talbot, pour les actes signalez qu'il a executez en la guerre inventée d'entre les François & Anglois. Il estoit issu de la noble famille de Sherovvlsburie, d'assez moyenne stature, mais adroit au possible. De façon qu'ayant atteint l'âge de dix-huit ans, il ne se trouvoit aucun de ses compagnons en la Cour du Roy d'Angleterre ( en laquelle il avoit esté nourry Page dès l'âge de douze ans )



158 *Histoire des ſcavans Hommes,*  
qui ſe pût comparer à luy , ſoit en  
beauté de viſage, à luitier, tirer de l'arc,  
piquer un cheval , ou à quelqu'autre  
exercice que ce fut. Au moyen de quoy  
le Roy Edoüard III. du nom, le prit en  
ſi grande amitié , qu'il le fit ſon Maîſ-  
tre d'Hoſtel, & par meſme moyen eri-  
gea ſa Seigneurie de Sherouſburie en  
Comté. Le Roy Edoüard mort , &  
Henry V I. eſtant parvenu à la Cou-  
ronne , Talbot ne fut pas moins aimé  
de luy, pour ſa vertu , qu'il avoit eſté  
de ſon predeceſſeur. Car deſlors il  
commença à ſe ſervir de luy en la  
guerre encommencée entre luy & les  
François , luy donnant gens, en l'an  
1433 pour paſſer en Normandie, & ſe  
ſaiſir des villes qui ſont en icelle , ce  
qu'il fit, ſçavoir de Caën, Rouën,  
Dieppe, Argenton, Falaiſe, Alençon  
& autres : à la priſe deſquelles il ſe  
rendit tres-recommandé, tant à ceux  
de ſa nation qu'aux eſtrangers. Le Roy  
Charles VII. pour reſiſter à cette furie  
Angloïſe , envoya en Normandie une  
puiffante armée ſous la conduite du  
Dauphin de France, à l'arrivée duquel  
ſe retirèrent les Anglois, & quitterent  
la campagne. Talbot ayant ramaffé  
ſes



ses gens çà & là espars , commença à poursuivre l'armée Françoisse de telle sorte , qu'il la contraignit de s'arrêter entre la ville d'Avranches & le Mont Saint Michel. Auquel lieu fut combattu de part & d'autre fort vaillamment : Toutefois à la fin les François furent défaits par les ruses de Talbot & de l'Escale son Lieutenant. Ce qui fut cause que les Anglois entreurent bien avant en Bretagne , & de là tournerent visage vers le país du Maine , Anjou & Touraine , prirent les Villes de Meun , Boisjancy , & autres places. Le roy Charles irrité de ces entreprises , mena son Camp devant les Villes tenuës par l'ennemy, la pluspart desquelles luy furent renduës sans coup fraper , & ce fait vint attaquer les Anglois de telle furie , qu'il renversa par terre la pluspart de leur armée : auquel combat furent pris le Comte de Suffort, Talbot & autres en grand nombre. Toutefois le roy usa d'une grande courtoisie à l'endroit dudit Talbot , d'autant qu'il le renvoya en son país sans payer rançon, par la delivrance de Poton de Xaintrailles. En l'an 1441. Talbot passa



170 *Histoire des sçavans Hommes,*  
derechef en France, & assiegea Dieppe,  
qui avoit esté reprise des François,  
mais elle fut secouruë en diligence, le  
siege levé, & Talbot chassé, lequel à  
cette occasion retourna en Angleterre.  
Il estoit tellement aimé de son Roy,  
qu'en l'an 1451. il fut par luy envoyé  
en ostage vers le Roy Charles VII. jus-  
ques à ce qu'il eut satisfait au traité  
de paix accordé par le Duc de Com-  
mercet, estant tel que le Roy Henry  
devoit payer aux François la somme  
de cinquante-six mil écus, & outre  
remettre entre les mains du Roy tou-  
tes les Villes, & Chasteaux qu'il tenoit  
en Normandie. Ces choses passées, &  
Talbot estant de retour en Angleter-  
re, peu de temps apres il repassa en  
France, prit le chemin de Guyenne, &  
se saisit de la ville de Bordeaux & pas  
circonvoisin, par l'intelligence d'au-  
cuns Capitouls & Citadins de ladite  
ville, pratiqués en la faveur du Sei-  
gneur de l'Esparre & autres ses com-  
plices, quelque résistance que sceut  
faire Coëtivy Senéchal de Guyenne,  
& le sous-Maire de Bordeaux. Cette  
nouvelle surprise de ville rapportée au  
Roy, il fut commandé par sa Majesté au



Seigneur d'Orval Marechal de France de faire levée de six cens lances & dix mil Archers, pour renforcer les garnisons des fortes places d'a entour Bordeaux. Mais Talbot, comme il estoit bien subtil & entendant bien les stratagèmes de la guerre, éviter les embusches, dresser escadrons, sçavoir l'affiette des villes & forteresses, & gagner le cœur des ennemis, adverty de la venuë de ce renfort, se saisit subitement des principales & fortes places du pais, sçavoir de Condon, l'Arriolle, Firusam, Castellon en Perigord, encore depourveuës de Garnisons: cela fait il se retira à Bordeaux, attendant quatre mil cinq cens hommes, qui luy estoient envoyez de renfort sous la conduite du Baron Camus, du bâtard de Sombreffet & du Seigneur de Moulins, qui taschoient à se joindre avec ses forces; mais trouvant les chemins empeschez, ils prirent le chemin de Castillon, petite ville assise sur la riviere de Dordonne au Comté de Perigord, qui separe le pais Bourdelois & celui du Perigordin. Le Camp des François fut conduit par le Comte d'Estampes, chef de l'armée,



172 *Histoire des sçavans Hommes,*  
accompagné des Seigneurs Comtes du  
Maine, de Nevers, Ferry de France,  
de la Marche, de Castré, & du Lieute-  
nant du Duc de Bretagne tenoit me-  
me route que l'ennemy, & avoit déjà  
par ses avant-coureurs fait assiéger la  
ville, & l'un & l'autre Camp fait plu-  
sieurs approches. Talbot adverty de  
ce, sort de Bordeaux avec dix mil che-  
vaux, tant Anglois, Gascons, Xainton-  
geois, Normans qu'autres Etrangers,  
avec lequel se vindrent joindre six mil  
Archers conduits par son fils, vaillant  
jeune homme, & qui promettoit  
grandes choses de luy, & prend la  
mesme voye de Castillon, en inten-  
tion de lever le siege de devant la vil-  
le. Estant joint avec les autres An-  
glois, il se delibere de donner bataille,  
& pour ce dressa ses escadrons, &  
monté sur une haquenée, traverse de  
rang en rang, encourageant les siens à  
bien faire. D'autre part les François  
n'ayans pas moindre volonté de com-  
batre que leurs ennemis, mettent leur  
armée en ordre, & se presentent en la  
campagne à la veüe de leur ennemy.  
la Cavalerie Angloise donna premie-  
rement sur les François, lesquels dau-



tant plus bravement qu'ils furent assaillis, d'autant plus soutinrent-ils prudemment & courageusement ce premier choc, qui dura une bonne heure. Or s'estant le gros des deux armées joint, le combat fut aspre & cruel, de façon que par un long-temps on ne pouvoit juger qui auroit du meilleur. Mais à la fin les Anglois commençans perdre cœur (tant pour le long travail du combat, que pour voir leur chef & conducteur Talbot, auquel estoit une partie de leur esperance, son fils & autres vaillans Capitaines tombez par terre, furent pressez de si près, qu'après un merveilleux carnage, ils prirent la fuite, plusieurs restans prisonniers, ce qui advint l'an mil quatre cens cinquante-trois. Voila quel a esté l'heur & malheur de ce vaillant guerrier, lequel avoit pris tant de villes & Provinces, s'estoit trouvé en huit batailles rangées, pris la Pucelle d'Orleans, à laquelle il fit faire le procez. Le Roy en commemoration de ce grand personnage, & d'une victoire si signalée, commanda estre bastie une Chapelle au lieu mesme où avoit esté donnée la



174 *Histoire des ſçavans Hommes,*  
bataille, laquelle eſt encore à preſent  
nommée la Chappelle de Talbot.  
Quant au lieu de ſa ſepulture, je ne  
l'ay jamais pû ſçavoir aſſeurement,  
encore que quelques-uns ayent voulu  
dire que ſon corps & celuy de ſon fils  
furent portez à Bordeaux, & enterrez  
en l'Egliſe des Carmes: toutefois Meſ-  
ſieurs de la Ville ne m'en ont ſceu aſ-  
ſeurer. Au reſte, ceux qui ſont venus  
de l'eſtoc de ce Talbot (duquel je vous  
repreſente le portrait, tel que jadis il  
eſt venu d'un Livre tiré de la Biblio-  
theque de tres-vertueuſe Dame Loui-  
ſe de Savoye mere du feu Roy François  
I. du nom, encore que Maïſtre Elie  
Vinet perſonnage tres-ſçavant, &  
l'un des plus ſignalez en doctrine de  
noſtre âge m'en ait envoyé un, qu'il  
dit avoir fait tirer du Palais que jadis  
ſit bâtir ce Talbot) ont depuis touſjours  
eſté reſpectez & bien venus en la Cour  
d'Angleterre, meſme du Roy Henry  
VII. lequel en l'an mil cinq cens trei-  
ze, eſtant confederé avec l'Empereur  
Maximilian & Ferdinand Roy d'Eſ-  
pagne, delibera de paſſer en France &  
l'envahir: pour lequel voyage parſai-  
re, il envoya huit mil hommes, qui dé-



cendirent à Calais sous la conduite de Georges Talbot Comte de Sherovvfbury, avec lequel passerent aussi Thomas Stanlay Comte d'Orbey, le Sieur de Courny, Prieur de l'Ordre Saint Jean d'Angleterre, Robert Ratlyff, Sieur de Filz-vvalter, les Sieurs de Hastings & Cobhan, Messires Rice Aphomas, Thomas Blont, Richard Sachmerel, Jean Digby, Jean Askeio, Louïs Bigot, & Thomas Cornuailles Chevaliers & autres, lesquels Charles de Harbert grand Chambellan d'Angleterre alla trouver accompagné de six mil hommes : & en cét équipage furent planter le siege devant la ville de Theroüenne, laquelle ils prirent le vingt-quatrième jour d'Août audit an mil cinq cens treize. Icy je n'oubliera pas l'advertissement que j'ay receu dudit Sieur Vinet, homme de tres-digne sçavoir, & qui prend un plaisir inestimable à la recherche de beaucoup de singularitez. Joint aussi qu'il merite d'estre fort remarqué, que pour la memoire du Chevalier Talbot, lequel comme nous avons touché cy-dessus, fut tué à Cas-



176 *Histoire des sçavans Hommes,*  
tillon, qui est au deffous de Libour-  
ne, ainsi que témoignent ces vers les-  
quels de tant plus volontiers je cou-  
che, que j'ay envie de remarquer a  
distinction qui est icy mise entre le  
Bordelois & le perigordin, à cause de  
cette riviere.

*L'an mil quatre cens cinquante-trois*

*TALBOT mourut en Bourdelois :*

*Mais on ne le dit pas trop à tort,*

*Car il mourut en Perigort.*

Là se trouvent encore aujourd'huy  
plusieurs outils de guerre en la riviere  
de Dordogne, lesquels furent laissez  
par les tuez. Il y a un Armurier en la  
ville de Bordeaux, qui achepta là un  
jour d'une foire, il y a comme il dit  
environ huit ans, une épée d'un villa-  
geois, laquelle épée estoit bien char-  
gée de rouille, mais qui luy sembloit,  
quand il l'auroit derouillée, que ce  
pourroit estre quelque beau gage. Il  
la fourbit si bien, qu'aujourd'huy



c'est un fort beau ganivet & bien luisant, de près de trois pieds de long, & de quatre doigts de large devers le manche, le maître quand il veut en fait un cercle, & ne manque à revenir sans se fausser devers le pommeau, au milieu de l'épée il y a quelque vuidange, & des deux costez d'iceluy de l'ouvrage d'environ un pied de long. Et au milieu de l'ouvrage en deux ranches sont escripts ces mots.

*SV M TALBOTI M. IV. XLIII.  
PRO VINCERE INIMICO MEO.*

Qui prendra pied au bien parler de ce vaillant guerrier, sans doute on trouvera qu'il a baillé un grand soufflet à Priscian; mais on ne doit trouver cela étrange, puis qu'un Chancelier de là banquetant un jour un Ambassadeur de nostre Roy usa bien de tel langage en son festin. *Domine Ambassador, comedite de istis piscis*, c'est assez que l'on nous entende nous autres gens de guerre, qui ne regardons point tant au bien parler comme de bien fraper. Axiome par trop pour le jourd'huy verifié en la Cour des plus Grands.



178 *Histoire des ſçavans Hommes,*  
dautant qu'ils eſtiment que de ſçavoir  
fraper un coup, eſt la glorieuſe qualité  
qu'un hōme peut avoir, ſās cōſiderer ſi  
le ſçavoir n'eſt pas plus ſeant pour l'il-  
luſtration de leur hero que generoſité,  
que n'eſt cette fureur martiale dont ils  
ſe parent. J'avois bōne envie de repre-  
ſenter icy la figure de l'épée de ce Che-  
valier, mais le plan de mon portrait  
n'a pû le permettre. J'ay fait au mieux  
qu'il m'a eſté poſſible repréſenter ces  
mots, qui gravez dans ſon épée, ſem-  
bloient porter vertu pour défaire,  
tailler & brifer la force de ſes enne-  
mis. Non point que je veuille com-  
parer l'épée de ce Chevalier Preton  
à celle de la Pucelle d'Orleans, qu'elle  
avoit recouvrée en l'Eglife de Fierbois,  
de peur qu'on ne peuſt m'objecter ce  
que le Promoteur d'Eſtivet objecta à  
cette grande guerriere, qu'il y avoit  
quelque charme. Je ſerois bien mar-  
ry d'appreſter matiere de douter de la  
force & magnanimité de celui, qui te-  
noit dans ſon braſſal la déconfiture de  
ſes ennemis, & eut eſté bien déplai-  
ſant de remettre le debris des adver-  
ſaires ſur une choſe ſi incertaine,  
freſſe & douteuſe. Icy avant que de



fortir hors du discours de la vie de  
cét Anglois, je ne veux pas oublier,  
qu'aux grands degrez, qui sont sur  
le bord de la riviere de Seine en cet-  
te ville de Paris, qui répondent au  
bout de la rue de Bièvre, où je me  
tiens, qui estoit anciennement ap-  
pellé le Port aux Anglois, il y a en-  
core aujourd'hui deux grosses masu-  
res, faites en fa on de tourraisses:  
aux flancs de chacune desquelles il y  
avoit deux Effigies en bosse de pier-  
re, assez bien travaillées, represen-  
tans deux hommes guerriers tout ar-  
mez, dont l'un estoit nostre Talbot,  
& l'autre Robin Canole. plusieurs  
qui entendront cecy, s'émerveille-  
ront de ce que je reprens cette His-  
toire d'une si ancienne mesure, &  
plusieurs feront difficulté de croire  
que cela soit ainsi. Mais s'il leur  
plait, je leur prie de se souvenir  
que le mesme jour & année que la  
ville de Calais fut remise par cet in-  
vincible & triomphant guerrier Fran-  
çois de Lorraine sous l'obeissance du  
Roy, la Statuë de Talbot fut brisée  
& renversée par terre par l'impe-  
tuosité de quelques vents; s'ils ne



180 *Histoire des ſçavans Hommes,*  
font trop mal-aiſez à eſtre perſuadez,  
embrasseront incontinent ce que je  
viens de propoſer, comme choſe tres-  
veritable, laquelle j'ay veüe, & plu-  
ſieurs autres, qui pourront en rendre  
auſſi bien fidele témoignage.












*COSME DE MEDICI SVR  
NOMME' LE GRAND.*





# C O S M E

DE M E D I C I ,

SVRNOMME' LE GRAND.

## CHAPITRE XII.



'A y toujours estimé estre un vice grandement notable en celuy qui se propose soulager l'ignorance par ses écrits, ou par ses veilles laborieuses suppléer au défaut de ceux qui ne peuvent faciliter les antiquitez, & se contentent des viandes qui leur sont assaisonnées & préparées ( à la mienne volonté que ce fût autant fidelement & curieusement, que c'est, ce qui ne se peut dire sans creve-cœur, importunement & calomnieusement ) de se montrer partialiste en façon quelconque, & épouser les affections des uns,



182 *Histoire des sçavans Hommes,*  
pour se conduisant par elles, reprendre  
& déchirer les pretentions des autres.  
Cet avant-propos me servira à l'en-  
droit du Lecteur, tant d'excuse pour  
mon regard, qui suis sollicité à dé-  
ployer ce peu de la diligence acquise  
dés long-temps, de la verité seu-  
rement recherchée, & de l'Histoire  
non palliée par fictiō & mal-veillance,  
pour diverses causes & raisons, que  
je remets à autre temps : qu'aussi pour  
advertir ceux, qui n'ont point honte  
d'accommoder tous sujets, qu'ils en-  
treprennent de traiter à leurs passions  
& particulieres affections, disans le  
bien estre mal, la verité mensonge,  
& derechef le contraire, selon que  
les humeurs se diversifient en leur  
depravé entendement. Mais pour n'e-  
stre long & venir au but que je me  
suis proposé en cet éloge du Grand  
Cosme de Medicy (dont je vous re-  
presente le portrait au naturel, tel  
qu'il m'a esté envoyé de Florence l'an  
mil cinq cens quatre-vingts & deux,  
& qui ne differe en rien de celui,  
qui est à Paris au cabinet de la Rei-  
ne Mere du Roy) le plus approuvé  
entremetteur & gouverneur de la Re-



publique Florentine. Je détruiray en premier lieu les menfonges de celuy, qui fans nō a osé divulguer, que cette race ancienne, & remarquable pour plusieurs belles actions & illustres, avoit pris son origine d'un homme de basse & abjecte qualité & condition : Dont le fils ( dit-il ) ayant suivy l'art de Medecine, donna le premier le nom, les armes, le lustre, la dignité & prééminence à ses successeurs : se fondant & asseurant en ce sujet sur un tres-foible fondement, comme si le surnom de Medicy présupposoit la tige de la famille provenir d'un Medecin. Cet asseuré & tres-insigne controuveur ajoute : Ne voyez-vous pas les pilules signifier cela en leurs armoiries ? Mais rien moins. Car s'il fa loit b'asonner de telles armoiries, nous trouverions qu'elles ne sont pas comme il s' imagine en son esprit. Et aussi s'il convenoit rechercher & alleguer en ce lieu l'occasion de ces armes, nous trouverions qu'au temps de l'Empereur Charlemagne, un Chevalier qui estoit à sa suite, apres s'estrefait renommer par un cōbat & genereuse action, receut pour dépouille memorable, une



184 *Histoire des sçavans Hommes*,  
masse accompagnée de six boules de  
fer, & en blasonna ses armes, les de-  
visant d'un champ d'or à six palles de  
gueules : pource qu'en combattant  
contre un tyran appelé Mugel, il  
avoit reçu en son écusson à champ  
d'or plein, un coup de masse, qui  
avoit laissé l'impression de six boules  
encores toutes sanglantes. Voila donc  
la raison que l'on a pû tirer de quel-  
ques Auteurs anciens Italiens, &  
mesme de quelques pancartes trou-  
vées és cabinets & anciennes biblio-  
theques des hommes fameux de cette  
Maison. Or n'ayant pas deliberé de  
faire une liste de cette noble racine  
en un petit discours, je toucheray  
droit au point que jè me suis proposé,  
sçavoir par quel moyen Cosme de Me-  
dicy premier entre les siens acquist le  
surnom de Grand, se fit paroître sur  
tous les autres citoyens, & transmit  
la domination à ses successeurs, qui ne  
leur a manqué du depuis, & de pre-  
sent les fait florir & paroître és Roya-  
les Maisons de toute la Chrestienté. Il  
fut fils de Jean de Medicy tres-mode-  
ste & tres pacifique citoyen & Gonfa-  
lonnier de la Justice à Florence, hom-  
me



me tres-misericordieux, comme ce-  
luy lequel selon le port de ses richesses  
qui estoient amples, soulageoit non  
seulement ceux qui l'en requeroient,  
mais aussi ceux lesquels il connoissoit  
endurer une pauvreté cachée. Il ne  
fut jamais veu demander honneur en  
la Republique, & toutefois on les luy  
déféra tous : il fut toujours bien vou-  
lu du peuple & des Magistrats, estant  
d'une grande prudence & affabilité.  
Il mourut riche de biens vulgairement  
attribuez fortune, acquis par trafic  
de marchandises, ayant Facteurs en  
tous les plus celebres ports & villes de  
Levant & del'Europe : lesquelles ri-  
chesses furent de beaucoup amplifiées  
par Cosme son fils, qui nasquit l'an  
mil trois cens octante-neuf, le jour de  
S. Cosme & S. Damien, dont le nom  
luy fut imposé de Cosme, qui signifie  
en langage Grec, autant que beau, net,  
insigne, parfait & tres-orné : Presage  
certainement qui monroit qu'il de-  
voit reluire & estre excellent entre  
tous les autres Citovens, & se faire re-  
nommer en vertu, prudence & con-  
seil, comme le plus heureux de tous  
les Princes Chrestiens. Il passa sa jeu-



186 *Histoire des sçavans Hommes,*  
nelle en fâcherie assez grande : car comme il eut suivy Balthazar Cossa, appelé Pape lean XX I<sup>er</sup>. en qualité de Trésorier, il courut les mesmes dangers & mauvaises fortunes de ce Pape, qui fut longuement detenu prisonnier & privé du Pontificat au Concile tenu à Constance. Mais s'estant retiré en son pais, & commençant à s'entremettre au maniement des affaires, il estoit soigneux de faire plaisir à tous, & par le moyen de sa grande liberalité gagner plusieurs amis : estimant qu'une telle maniere de vivre le devoit rendre puissant & assésuré contre tous les inconveniens, que quelque desastre luy pourroit ourdir de la part de ses ennemis. Ce fut lors que le peuple (induit & suborné par quelques envieux, émeûs & poussez en admiration de sa prudence quasi incroyable pour l'âge, quand il vint à faire branler sous luy la Seigneurie, tant qu'il n'y avoit homme qui luy osast contredire) se banda contre luy, & par force le contraignit à vuider la ville, apres avoir évité le danger de mort, qui luy estoit préparé, par le moyen de Gadaigne pour lors Gonfalonnier, corrompu par dons & larges.



promesses. La forme donc de son bannissement fut telle. Cosme fut mené devant les Seigneurs, qui luy firent prononcer son exil, lequel il receut d'un visage joyeux, & se retira au lieu à luy assigné. On ne sçauroit raconter le bon traitement qui luy fut fait par tous les lieux où il passa, jusques à estre visité par les Seigneurs de Venise, non comme un banny, mais comme un Citoyen, étably au plus grand degré d'honneur que l'on puisse penser. Florence estant privée d'un homme de si grande autorité, & si parfaitement aimé de tous, écoutoit de jour en jour la plainte universelle de ses pauvres Citoyens: je dis plainte si commune, que non moins ceux qui estoient demeurez maistres en cette querelle, que les vaincus trembloient quasi de peur. Ceux donc de son party ne tarderent gueres à procurer son retour, & accuser les Chefs & Capitaines de la faction adverse qui furent declarez perturbateurs du bien public, & en mesme temps bannis à jamais de Florence: leur ruine arresta le gouvernement de la Republique entre les mains des partisans, qui l'entretinrent una-



188 *Histoire des ſcavans Hommes,*  
nimement. Coſme adverty de ſa re-  
vocation, diligenta ſon retour. Et il  
ſçavoit que jamais auparavant il n'y  
avoit eu à Florence Capitaine ſi brave  
ou ſi victorieux, auquel la ville eut  
autrefois préparé un retour ſi magni-  
fique, ou qui euſt eſté receu avec telle  
affluence de peuple, que fut ce Sei-  
gneur lors qu'il y entra. Ce qui me-  
fait non ſeulement égaler ſon retour à  
celuy de Cicéron en la ville de Rome,  
mais l'eſtimer beaucoup plus gl'orieux:  
d'autant qu'il fut plus agreable aux  
Florentins, que celuy de Cicéron ne  
le fut aux Romains. A ſon entrée il  
fut ſalué du nom de Bienfaicteur du  
Peuple & de Pere de la Patrie: lequel  
par ſa prudence & liberalité ſingulier-  
re, il en retint avec l'autorité &  
gouvernement, juſques à ce que atte-  
nué de maladie, qui l'avoit longue-  
ment affligé, il décéda au grand regret  
auſſi-bien de ceux qui l'avoient haï,  
que de ſes amis, l'an de grace mil qua-  
tre cens ſoixante-quatre. Coſme fut  
en ſa vie de nom & reputation plus  
grande, que n'avoit eſté auparavant  
luy aucun homme de ſa robe, c'eſt à  
dire, ſe mêlant des affaires de Conſeil.



& non du fait des Armes : estant chose certaine qu'entre les vertus qui l'éleverent en la Principauté, il n'y en eût une de plus grand pouvoir que la magnificence, qui paroïssoit au grand nombre d'edifices bastis de ses deniers, tant en la ville de Florence, que dehors. Dont plusieurs belles Eglises, entr'autres S. Laurens la nompareille, non seulement restaurées, mais édifiées tout de nouveau, comme il fit le grand Palais, peuvent donner suffisant témoignage : il fit mesmes bâtir un grand Hospital en la ville de Hierusalem, pour y retirer les pauvres pelerins & malades, qu'il dota de grands revenus & richesses, de present ruiné, comme j'ay veu. On doit aussi luy attribuer à tres-grand honneur & magnificence royalle, l'accueil, qu'il fit aux doctes personnaiges, qui vivoient de son temps, se montrant amateur & pere nourricier de tous ces hommes d'érudition. Entre lesquels il honora grandement Argyropyle homme Grec de nation, qu'il fit venir à Florence avec d'honnestes gages, pour instruire publiquement la jeunesse en la Langue Grec-



190 *Histoire des ſçavans Hommes,*  
que. Il entretint en ſa maiſon Marſille  
Ficin, ſecond pere de la Philoſophie  
Platonique : à qui meſme il donna  
une maiſon à Careggi, tout joignant  
une des ſiennes, afin que plus commo-  
dément il converſaſt avec luy. Il fut le  
premier qui avec non moindres frais  
que travaux, commanda rechercher  
par toute la Grece, les memoires de la  
docte antiquité, achetant cherement  
les vieux Livres des anciens & cele-  
bres Autheurs, qui ſe pouvoient re-  
cueillir. Auquel tiltre de liberalité en-  
vers les lettres & ſciences, ſon fils Pier-  
re, & Laurens ſon petit-fils l'avoient  
imité, ſi mieux je n'aime dire, ſurpaſſé,  
ayant augmenté & fourny la Biblio-  
theque de Medicy de tous Livres rares  
Hebreux & Grecs, & à l'augmentation  
de laquelle tant de bons eſprits avoiēt  
travaillé, & tant d'hommes voyagé,  
que la Grece en eſtoit preſque demeu-  
rée vuide. Laquelle Bibliothéque au  
temps que Pierre & Iean de Medicy,  
enſans de Laurens, avec leurs par-  
tialiſtes, furent chaeſez de Floren-  
ce, fut pillée par le peuple inſenſé,  
mais depuis ſoigneuſement recueil-  
lie par le Seigneur Pierre Stroſſi, &



conduite à Paris, & remise en la possession de son vray Seigneur & heritier, sçavoir de la Reine Mere du Roy, Catherine de Medicy, l'honneur des Princesses en toute science, sagesse, bonté & vertu : laquelle n'a cessé & ne cesse de jour en jour de l'augmenter de plusieurs rares volumes, qui excèdent en nombre & valeur les Bibliothèques Egyptiennes & Pergameniques, le Reverend Pere Messire Jean Baptiste de Bencivenny, tresdigne Abbé de Belle-Branché, Conseiller & premier Aumosnier de sa Majesté, & vray estimateur des bons esprits, prestant la main à une œuvre si digne & si memorable action. Pour revenir à Cosme : combien que sa prudence, ses richesses, & evenemens bien fortunez le fissent craindre & aimer non seulement des Florentins, mais aussi grandement priser des Rois & Princes tant Chrétiens que Payens presque de toute l'Europe : si est-ce qu'il se gouvernoit avec une telle discretion, que jamais il ne passa en sa maniere de vivre la sobriété requise en un bon Citoien, mais en alliances de mariages, conver-



192 *Histoire des sçavans Hommes,*  
sations domestiques , & somptuositez  
d'habits il se rendit toujours sembla-  
ble aux plus modestes de la Cité. Il  
épousa Madame Contessine de l'an-  
cienne famille de Bardy , de laquelle  
il eut deux fils Iean & Pierre. Iean  
mourut jeune , lequel il avoit marié  
à Cornelia , fille de la maison des Ale-  
xandri. Il peût seulement voir en son  
vivant les enfans de Pierre son fils &  
Lucrece Tornaboni sa femme , sça-  
voir Laurens & Julien : de maniere  
que prosperant presque en toutes cho-  
ses , il mourut plein de gloire , âgé  
de plus de septante ans , ayant tenu le  
gouvernement de Florence trente-un  
ans. Il fut inhumé avec une pompe  
merveilleuse en l'Eglise de S. Laurens,  
avec un court , mais au reste tres-glo-  
rieux epitaphe gravé sur son sepulchre,  
qui le nommoit pere de la patrie. Il  
fut de stature mediocrement haute, &  
de presence fort grave , doué d'élo-  
quence & de jugement naturel, sans  
toutesfois doctrine fort profonde. Il  
se montra toujours gracieux à ses  
amis , charitable aux pauvres , profi-  
table à ceux qui conversoient avec lui,  
sage en conseil , pieux aux choses sa-  
crées.



créés. En quoy il me semble que je ne dois oublier une chose non moins memorable que digne de sa vertu, sçavoir que comme un jour il recherchoit parmy ses papiers les promesses de ceux qui luy estoient redevables, il se plaignit à quelques-uns de ses plus familiers & privez amis, de ce qu'il n'avoit tant sceu faire & dépenser pour l'honneur de Dieu, qu'il le trouvast en ses registres l'un de ses obligez. Or ainsi que par ses registres a esté reconnu & averé, Cosme employa en bastimens quatre millions d'or, & en distribua bien un million aux pauvres. Partie notable, & qui a appresté argument à aucuns de dire, veu l'avancement qu'il avoit fait des maisons & familles des Tornaboni, Benchi, & autres: les grands deniers qu'il a fallu financer pour tels bastimens, que telles liberalitez & magnificences provenoient du tresor, qu'il eut du Pape Jean. Mais ces Controlleurs ont oublié à coucher au vray les deniers de recepte & ceux de dépense, ensemble les deniers comptez & non receus. Donc je demeure d'accord avec eux, que ces maisons n'ont esté levées par le



194 *Histoire des ſcavans Hommes,*  
moyen de Cosme: que de ſes deniers il  
baſtit les Eglifeſ de Saint Marc, Saint  
Laurens & le Monaftere de Sainte Va-  
diane dans l'encloſ de la ville, l'Egliſe  
de Saint Hieroſme, avec ſon Abbaye  
au mont de Firenzole, le Temple des  
Cordeliers à Mugello, un grand Hof-  
pital en la ville de Jeruſalem, pour y  
retirer les pauvres Pelerins & malades,  
qui meûs de devotion iroient viſiter le  
S. Sepulchre, & que pour ſurvenir aux  
frais, il renta la Maïſon d'un grand  
revenu: & finalement qu'il fit élever à  
Florence un fort ſuperbe & magnifi-  
que Hostel, outre quatre autres mai-  
ſons és environs de la ville, dignes  
certainement d'eſtre plûtoſt nommées  
Palais & Chasteaux de Roy, que mai-  
ſons de Citoyen privé. Et de plus,  
je diray que le Pape Iean, trois ans  
apres ſa dépoſition, eſtant touteſois  
receu au nombre des Cardinaux par  
le Pape Martin cinquième, ſollici-  
té grandement à ce faire par noſtre  
grand Cosme de Medicy, mourut à  
Florence, & laïſſa ſes treſors au Sei-  
gneur Cosme. Mais auſſi faudra qu'ils  
mettent au rang de la dépenſe cinq  
millions d'or, qui ne pouvoiét eſtre au  
fonds du defunt Iean, pour ce qu'il



avoit esté bien épuisé du temps de son schisme; de sorte qu'il fallut que le Seigneur Cosme déploya du sien, pour satisfaire à la volonté de son amy. La devise & blazon de nostre Cosme fut de trois diamans mis en œuvre en trois anneaux entrelassez, qui a servy de sujet à plusieurs pour s'amuser. Que ce n'ait esté un brave & nompareil Seigneur, carellé tant & plus de la fortune que nul autre de son âge, on ne le sçauroit nier, aussi faut-il bien reconnoistre, que sa vertu luy a plûtoست servy de support, que n'a fait l'inconstance & varieté de la giroliette de la fortune. De fait, je trouve que nostre Cosme, pour n'estre jamais dénué de bon Conseil, avoit auprès de sa personne, toujours les plus doctes & excellens personnages de son âge. Entre lesquels il honora grandement Jean Argropyte, hōme Grec de nation, lequel il fit venir à Florence avec gages, pour y instruire la jeunesse aux arts liberaux, & redresser en Italie des vieilles mazures de la Grece, les mausolées de la langue Grecque, qui, ainsi que j'ay montré sur la fin du premier livre de cet œuvre, estoient à demy ren-



196 *Histoire des ſçavans Hommes,*  
verſez dans le tombeau d'oubly. Il en-  
tretint auffi en ſa maiſon Marſille Fi-  
cin, ſecond pere de la Philoſophie Pla-  
tonique, auquel meſmes il donna une  
maiſon à Careggi tout joignant l'une  
des ſiennes, afin que ce grand Philoſo-  
phe plus commodément puſſe com-  
muniquer avec luy. Quand tout eſt dit,  
c'eſtoit le vray appuy où il pouvoit  
ſ'aſſeurer, autrement euſt-il eſté bien  
dèceu de ſes pretentions, d'autant  
que quand la fortune luy tourna viſa-  
ge, ſ'il n'eũt eu pour eſcorte ſa reſolu-  
tion Philoſophique, c'eſtoit fait de lui.  
Qu'il n'ait eſté mal-traitté de la fortu-  
ne je ne voudrois pas le nier, d'autant  
que comme la vertu n'eſt que trop ſou-  
vent accompagnée de jalouſie, plu-  
ſieurs voyans que le fort luy rioit, ſe  
liguerent à contre-carrer le fort de ſa  
felicité. Je ne veux point icy tirer hors  
de ligne la mort de Iean de Medicy  
ſon fils, laquelle abbatit fort ce Sei-  
gneur, d'autant que naturellement il  
falloit qu'il priſt & acceptaſt cette  
charge d'une grande multitude, je ne  
veux pas icy employer que la trompe-  
rie que luy fit François Sforce. Car ce  
bon Seigneur eſtimant n'avoir avāt ſa



mort assez amplemēt accreu le domaine de Florence par quelque acquit & devoir honorable, tant plus s'en tourmentoit-il, que plus il pensoit à la ruise dudit Sforce, qui luy ayant promis faire l'entreprise contre les Luquois pour la ville de Florence, si-tost que par son ayde il seroit emparé du Duché de Milan, luy manqua de promesse : dont nostre Cosme fut tellement fasché, que ce regret & quelques autres luy serrent de si près le cœur, qu'attenué de la maladie, qui longuement l'avoit affligé, il deceda l'an de Grace quatorze cens soixante-quatre. Et luy fut dressé cet Epitaphe.

*Epitaphe gravé sur le Tombeau du  
grand Cosme de Medicy.*

COSMVS MEDICES HÎC SITVS EST,

DECRETO PVBLICO PAT. R. PATRIÆ.

Encore que cet Epitaphe bref & succinct soit tres-honorable : toutefois je veux bien ajoûter presentement un Eloge en Italien, fait à son honneur, duquel la teneur s'ensuit.



## E P I T A P H E.

*Ache guardar cō nobil mara'viglia*

*L'habito honeſto, & l'artificio aliero:*

*Mira piu toſto l'huom degno d'Impero,*

*Liero ne gli occhi, & grave ne le ciglia.*

*Coſtui con guerra & armi non ſcompiglia*

*Il mondo, & a ſparger ſangue non è fiero:*

*Ma di ri poſo amico, & a' honer vero,*

*Fiorenza, Italia in pace a ſtar conſiglia.*

*Ma chi hebbe mai di lui gloria maggiore,*

*Che l'haver triumphato de l'ingrata*


*Patria che'l richiamo con tal favore?*

*Qual lode gli poteva eſſer piu grata,*

*Ch'ua' ſi chiamar padre di buon core*

*Da lei, che la ſua morte havea bramata?*









JEAN DE MONFORT  
SURNÔME LE CÔQVE<sup>REV</sup>





# IEAN DE MONTFORT, DIT LE CONQVERANT,

DVC DE BRETAGNE.

---

## CHAPITRE XIII.

**S**'IL y a eu Seigneur, sur lequel la misere du temps ait claté, c'est celui duquel je fais estat icy de discourir, sans que j'entende me formaliser du droit ou de la maison de Blois ou de Mōtfort: Il me suffira de toucher nuement ce que je treuve avoir esté passé, pour le succès de ce vaillant Seigneur: lequel estoit fils d'Artus deuxieme de ce nom, & troisieme Duc de Bretagne, qui deceda l'an mil trois cens & douze, & d'Yoland, fille d'Amaury Comte de Narbonne, Vicomte de

R iiij



200 *Histoire des ſçavans Hommes,*  
Bourges & Carcaſſonne, & Comte de  
Montfort, qui ne s'ébatit que trop  
long-temps en la démeſlée de la que-  
relle qu'il y euſt entre la Maïſon de  
Blois & de Montfort pour le Duché de  
Bretagne. L'on ſçait tres-bien quelles  
remonſtrances ont à cet effet eſté fai-  
tes, portans en ſubſtance, que Jeanne  
de Bretagne, fille de Guy Vicomte de  
Limoges, & fils du Duc Artus, n'eſtoit  
que niepce de ce Duc, là où Iean de  
Montfort eſtoit ſon fils, & par ainſi de-  
voit jouir du meſme droit que Ma-  
haut d'Artois, qui par Arreſt avoit  
emporté le Comté Arteſien, à cauſe  
que Robert Comte de Beaumont n'e-  
ſtoit que ſon neveu, & fils de Philippes  
Seigneur de Conches, au lieu que Ma-  
haut eſtoit fille de Robert d'Artois,  
ſecond du nom. Toutefois ces deux  
Maïſons ſe banderent de telle façon  
l'une contre l'autre, qu'il fallut venir  
aux couteaux. A cette cauſe Iean de  
Montfort, ſupporté des Anglois, deſ-  
quels eſtoient Chefs Robert Knolle ou  
Canole, Gautier Huet, & Matthieu de  
Gournay, vint aſſieger le Chateau  
d'Aulroy & par mer & par terre, d'au-  
tant que Nicolas Bouchard, lors Ad-



miral de Bretagne, partit du Croisic au secours de Montfort, & assaillit le fort du costé de la marine. Charles de Blois d'autre costé a recours au Roy Charles V. dit le Sage, qui luy accorda secours de mil hommes, sous la charge des Comtes d'Auxerre & de Longueville. Bertrand du Guesclin, lequel outre l'affection qu'il portoit naturellement à ce Comte de Blois, avoit bien envie de se décolerer sur Jean de Montfort qui l'avoit détenu prisonnier sous pre-  
texte qu'il estoit son ostage. D'une part & d'autre on dressa armées, qui s'entre-ravageoient; enfin, le 29. du mois de Septembre en l'an treize cens soixante-quatre, il fallut venir au combat, où Jean de Montfort donna telle preuve de sa vaillance, que son ennemy demeura rompu & déconfit. Olivier de Clifson fils de cet Olivier, auquel Philippe de Valois avoit fait trancher la teste, ayant perdu un œil au combat, donna si furieusement sur les François, que les Comtes d'Auxerre & de Joigny furent faits prisonniers: comme aussi du Guesclin, lequel laissé des siens & mis en deroute fut fait prisonnier de l'Anglois. Char-



202 *Histoire des sçavans Hommes,*  
les de Blois, mesmes y perdit lavie, avec  
les Seigneurs Charles de Divan, de  
Leon, d'Avaugour, Loheac, Male-  
stroit, du Pont, Kogorlay & autres, &  
furét pris les Seigneurs de Rohan Guy  
de Leon, de Raix, Rieux, Riville, Ro-  
chefort, le Comte de Tonnerre, Henry  
de Malestroit & plusieurs autres. Par  
cette si signalée & merveilleuse victoi-  
re, Jean de Montfort se rendit redou-  
table à un chacun, & par mesme moyë  
paisible Seigneur de Bretagne. Cette  
victoire ne favorisa point tant à son  
heur que la pieté, de laquelle estant  
meû, il fit chercher le corps de son en-  
nemy Charles de Blois, couvert d'une  
targue, & le fit porter honorablement  
à Guigamp, avec témoignages de grand  
deüil. Mais quoy ? Il continua une tel-  
le pieté envers le reste des Bretons, qui  
mesme s'estoient bandez contre luy,  
leur donnant trêves pour trois jours,  
à ce qu'on eut moyen de recueillir les  
corps morts, & les faire enterrer ho-  
norablement. Pour ce il ne laissa pas  
de poursuivre la pointe de sa victoire,  
mais comme il sçavoit que Louys Duc  
d'Anjou, gendre de Charles de Blois,  
& ses partisans ne manqueroient à luy



biaiser quelque vanie Moresque, aussi apres avoir adverty le Roy Anglois & le Comte de Flandres du succès de ses affaires, il se tint quelques jours à Guerrande, puis fut assaillir Dinan & Iugon, les habitans desquelles places n'ayans, qui les reconfortast, enfin se rendirent au Comte de Montfort, lequel fut assiger Kimpercorentin, où il fut un long espace de temps. Là en l'an mil trois cens soixante-cinq, l'allerent trouver Jean de Craon Archevesque de Reims, & Jean le Maingre dit Bouciquant, Marechal de France & autres Seigneurs de marque, dépeschez de par le Roy, pour moyenner l'accord entre luy & la veuve Jeanne de Bretagne. Du commencement il faisoit du retif, s'appuyant tant sur sa proüesse, que sur les forces de ceux qui tenoient son party, sur tout de l'Anglois, qui par l'organe de Jean Chandos, luy fit si bié le bec, qu'il répondit tout à plat, qu'il n'avoit garde de se départir de la poursuite du Duché, estât son heritage: trop bien offroit-il de faire si bone part à sa cousine de Blois, que le Roy connoistroit que son desir ne fut autre que de luy rēdre service. Enfin, les habitās de Kimperco-



204 *Histoire des ſcavans Hommes,*  
rentin ſe rendirent à Iean de Montfort,  
qui receut là les hommages de ceux du  
païs de Cornouailles, & de là ſe retira à  
Guerrande, pour attendre la reſolatiō  
des Deputez de France, leſquels furent  
vers luy & traiterent l'accord la veille  
de Paſques en l'an mil trois cens ſoi-  
xante-cinq, par lequel fut conclu, qu'il  
quittoit à la veuve de Charles de Blois,  
pour le droit par elle pretendu au Du-  
ché de Bretagne, la Comté de Pontieu-  
re, les Terres & Seigneuries d'Avau-  
gour, Geollo, Guineamp, la Roche d'E-  
rien, de Lammun, Chasteaulin ſur  
Trieu, Chasteaulin en Cornuaille,  
Duault, Vhelgoat & Roſpredem: &  
outre ce, qu'elle jouiroit pour elle &  
les ſiens à perpetuité du Vicomté de  
Limoges, & luy assigneroit le Duc  
quatorze mil livres de rente annuel-  
le ſur tout le Duché de Bretagne pour  
elle & ſes hoirs procréés de mariage le-  
gitime. Et ainſi par cet accord Iean de  
Montfort fut Duc de Bretagne, vingt-  
ſixième en nombre & IV. du nom, &  
pour tel fut receu & couronné à Ren-  
nes, moyennant la ſoumiſſion qu'il fit,  
promettant d'aller en tēps & lieu faire  
l'hommage au Roy de France de ſon




Duché , lequel il fit de bouche seulement , sans serment. Il eut trois femmes , en premieres nopces il épousa Marie , fille d'Edouard III. du nom Roy d'Angleterre : & en secondes nopces il eut la fille de Messire Thomas de Hollande , grand Seigneur Anglois : Enfin il épousa la fille de Navarre , de laquelle il eut plusieurs enfans. L'aîné fut Jean , qui succeda au Duché à son pere , l'an 1442. le second fut Artus , Comte de Richemont , depuis Connestable de France , & enfin Duc de Bretagne , allié par mariage ès maisons de Bourgogne & de Luxembourg , qui mourut sans hoirs de son corps en l'an 1458. & g t son corps à S. Donatien lès Nantes au Convent des Chartreux : le troisiéme fut Richard Comte d'Elampes , qui épousa Marguerite , sœur de Charles Duc d'Orleans : & Gilles , qui mourut bien jeune à Auxerre l'an 1412. Il eut encore trois filles , l'aînée fut Comtesse de Porhoet , & mariée à Alain , Vicomte de Rohan. La seconde , fut Jeanne , épouse de Jean , premier Duc d'Alençon , qui se montra de telle prouesse & hardiesse à la bataille d'Azincourt ,



qu'approchant meſme la perſonne du Roy Anglois, il luy donna de la hache ſur le timbre, dont il abbatit une partie de ſa couronne: quoy faiſant neantmoins il fut tué ſur le cháp par les Archers de la garde. La troiſième fut épouſe de Bernard Comte d'Armagnac, laquelle la Chronique d'Artus de Richemont appelle Dame de Lomagne, à cauſe que le Comte ſon mary luy avoit assigné ſon douaire ſur le païs de Lomaigne, qui eſt proche les Comtez de Gaure & de l'ſle, & a de belles villes en ſes enceintes, qui ſont des dépendances du Comté d'Armagnac. Quant à noſtre Jean il ſ'acquit le titre de vaillant Conquereur, l'un pour avoir donné preuve tres-certaine d'une courageuſe hardieſſe, qui luy échauffoit tellement le cœur, qu'il n'y avoit eſcadron d'ennemis, tant roide fut-il, ſur lequel il ne donât d'aussi grande allegreſſe, que ſi déjà il eut tenu la victoire entre ſes mains. Quant au titre de Conquereur il luy eſt deu, comme à celui qui ayant perdu ſon païs, le conquit à force d'armes, faiſant teſte à un Roy de France, & ſur luy & contre luy regagnant par le ſe-



*Jeande Montfort. CH. XIII. 207*  
cours des Anglois, tout ce qu'on luy  
avoit retranché de son Estat Breton.  
Je ne veux point nier qu'il n'ait esté  
fort mauvais François; mais l'obliga-  
tion qu'il avoit aux Anglois, le con-  
traignoit de prester l'épaule.







CONSTANTIN









*CONSTANTIN PALE-  
OLOGVE .*






# CONSTANTIN PALEOLOGVE,

EMPEREUR DE CONSTANTINOPLE.

---

## CHAPITRE XIV.

 VELQUES-UNS assez incon-  
siderément se sont fourrez  
dans cette curieuse recher-  
che, pourquoy les Royau-  
mes, Principautez & Sei-  
gneuries quelquefois estoient renver-  
sez, étouffiez & anéantis, & d'autre-  
fois relevez, haussez & ressuscitez; en-  
fin pourquoy les Empires avoient si  
souvent changé de Maistres differens  
& contraires aux mœurs & religions.  
I'en voy qui veulent pousser leur vol  
jusqu'aux Cieux, & le font temeraire-



210 *Histoire des sçavans Hommes,*  
ment accroire d'avoir libre accès au  
cabinet de l'Eternel, avec telle effica-  
ce & verité, comme Triumpho de Ca-  
marin, serviteur du Seigneur Pierre  
des Vbaldins, Gentil-homme & Che-  
valier de la Cité d'Vrbin, lequel se  
persuadoit fantastiquement, que reel-  
lement, & de fait une certaine heure  
du jour il estoit avec le Pape, Empe-  
reur, Rois & Princes de la Chrestien-  
té, & neantmoins estoit tout seul en  
la chambre, interrogeoit, répondoit  
& resoluoit toutes les affaires d'Etat  
de la Chrestienté, non sans opinion  
qu'il eut d'estre des plus avant entr'eux.  
D'autres s'arrestans sur la vicis-  
situde des choses, forgent une necessi-  
té telle, que les Royantez ayans atteint  
le periode prescrit, sont necessitez de  
tomber, dont d'autres sont successi-  
vement investies. De ma part, j'aime  
mieux m'arrester à la volonté de Dieu,  
auquel doit estre attribuée la cause des  
changemens des sceptres, puisque c'est  
luy qui les fait tomber és mains de qui  
il luy plaist. Pour preuve évidente on  
ne sçauroit choisir de portrait plus  
propre que celuy de nostre Constan-  
tin, lequel j'ay recouvert à Constan-



*Constantin Paleologue*. C. XIII. 211  
tinople, fait en pierre Mosaique. Ce  
fut luy qui portant le mesme nom que  
celuy qui avoit transporté l'Empire  
Romain en Grece, le perdit onze cens  
vingt-un an apres que Constantinople  
fut bâtie par le grand Constantin, de  
la façon que cy-apres je raconteray  
encore que déjà j'en aye touché en ma  
Cosmographie, livre dix-neuf, chapi-  
tre six. Il fut fils de Manuel, fils de  
Jean paleologue, assez renommé pour  
plusieurs heroïques exploits, qu'il fit  
tant à fortifier la Grece, fermer de mu-  
railles l'Isthme ou Hexamile de Co-  
rinthe, qu'à maintenir son Empire en  
paix par l'accord qu'il avoit fait avec  
Manuel, premier du nom, & troisié-  
me Roy des Turcs. Je trouve que ce  
Manuel fit assembler un Synode à  
Constantinople, où furent appellez les  
patriarches de Constantinople, d'An-  
tioche la grande, de Jerusalem, d'E-  
gypte, & quelques autres prelatz, pour  
l'interpretation de ce passage, qui est  
au Saint Evangile, *mon Pere est plus  
grand que moy*, d'où quelques mal-  
avisez tiroient une pernicieuse &  
damnable consequence, introduisans  
quelque degré & difference en eux



212 *Histoire des ſcavans Hommes,*  
ſelon leur nature. De la reſolution  
qui en fut priſe, il en fit un Edit ſolem-  
nel, par lequel il ordonnoit que tous  
& un chacun de l'Empire Romain ſe  
conformât à cette determination, ſur  
peine aux Eveſques, Clercs ou Moi-  
nes d'eſtre dégradéz & priuez de leurs  
dignitez : à ceux qui ſeront promeus  
aux Etats & Offices d'eſtre bannis,  
privez d'iceux, & declarez inhabiles  
de les tenir : à ceux du commun peu-  
ple d'eſtre chaffeز, non ſeulement de  
la ville Imperiale, mais auſſi de tou-  
tes les terres, ſeigneuries & contrées  
ſubjettes à l'obeiſſance de l'Empire :  
& de plus d'eſtre reprimeز ſelon la ſe-  
verité des Canons. Et afin de le rendre  
de tant plus inviolable, & eterniſer  
un ſi ſaint & loüable exploit, il fit  
dreſſer dans le Temple de la Sainte  
Sophie du vray Verbe de Dieu, à la  
muraille de la main gauche quand on  
y entre, quatre tables blanches, join-  
tes & attachées d'ordre l'une apres  
l'autre, dont chacune avoit bien en  
grandeur trois fois autant que deux  
braſſées d'homme, & une fois moins  
large ; de ſorte qu'à voir ces quatre ta-  
bles, ainſi qu'elles eſtoient diſpoſées,



on les eût jugé ressembler à la figure d'un quarré de toutes parts égal. Elles estoient soutenues de colonnes hautes & menuës. En icelles il fit graver le contenu de l'Edit : Ce qui estoit demeuré entier jusqu'à l'Empire de Selim, fils de Soliman, lequel en l'année du monde sept mil septante-cinq, & apres la Nativité du Redempteur des hommes 1567. au mois d'Août, Indiction 10. estant entré dans ce Temple pour y adorer, jetta l'œil sur ces quatre tables, qui du commencement le ravirent en une telle admiration, qu'il fut contraint de demander à un des Rabby de la Loy, qui pour lors luy tenoit compagnie, ce que ce pourroit estre. Lequel mal-avisé, dit que c'estoit quelques secrets & cachez enigmes, pleins de mysteres de leur Legislatteur Mahemet, lesquels n'estoient pas écrits en Langue Arabesque & vulgaire aux Turcs, afin que ceux qui les liroient ne prissent trop curieusement envie d'examiner de tels mysteres, & par ce moyen l'honneur & reverence ne tombat en mépris, & pour n'estre pas manifeste & commune à un chacun. Alors Selim dit à ce pauvre sot



Rabby, qu'il luy fiſt venir des plus habiles de la Religion Chreſtienne, qui eſtoient en la maiſon du patriarche de Conſtantinople, afin qu'à nous ſeulement ces myſtiques ſecrets ſoient découverts, & quand nous les entendrons nous mépriſerons le reſte du peuple. Ce qui fut fait, & fut cét Edit de Grec tourné en Arabefque par Thomas de Theſſalonique, Archipreſtre, Meſſire Iean, ſurnommé Motzale, & Theodoſe Zigomale, Notaire de la grande Eglife. Selim trouvant tout le contraire de ce que luy avoit dit cét étourdy, Maiſtre de la Loy, le dégradâ & priva de ſon ſtat. Et quant aux tables, commanda qu'elles fuſſent arrachées de là, & après avoir avec ciſeaux & inſtrumens propres à ce faire effacé l'écriture qui y eſtoit gravée, ordonna qu'on les fit ſervir de pavé au Sepulchre de ſon pere, qui nagueres avoit eſté bâty. Je ſuis faſché de m'eſtre laifſé gliffer en une ſi longue digreſſion, mais le Lecteur, à mon avis, pourra en retirer profit & contentement. Si je n'eufſe pas penſé eſtre trop long, j'eufſe inſcré la copie de l'Edit, que j'ay devers moy, & que je publieray, ſ'il



*Constantin Paleologue. C. XIII. 215*  
plaist à Dieu, à la premiere occasion  
qui se presentera. Donc pour retour-  
ner à nostre propos, si Manuel main-  
tint son Empire en paix. il eut des en-  
fans qui s'essayerent, tant qu'en eux  
fut de le déchirer : contre Iean IV. du  
nom, Demetrie son frere dressa les  
cornes, & pour support s'allia des  
Turcs, qui feignoient se jeter en la  
Morée, toutefois se retinrent jusqu'à  
une autre fois. Constantin mesme  
rompit le mur que Manuel avoit fait  
bâtir au detroit de Corinthe, comme  
celuy qui aspirait & à l'Empire & à la  
seigneurie de la Morée. De fait Con-  
stantin, alors que mourut Iean Paleo-  
logue son frere estoit en la Morée, où  
il pressoit si vivement les Turcs, que  
pour la cruauté qu'il exerceoit sur eux,  
il fut nommé **Draco** peu s'en fallut  
qu'il ne demeurât privé de l'Empire,  
car Demetrie se trouvant à Constan-  
tinople lors que l'Empereur mourut,  
vouloit usurper l'Empire, quoy que  
Constantin fust son aîné. Il est vray-  
semblable, que si les Stampoldans  
n'eussent rompu ses coups, qu'il  
s'en emparoit fort à son aise : se  
servant de la rude poursuite que



216 *Histoire des ſçavans Hommes,*  
faisoit Constantin contre les Turcs,  
laquelle il n'eut voulu laisser pour  
chose du monde. Toutefois comme  
j'ay commencé à dire, les Constanti-  
nopolitains ne le luy voulurent per-  
mettre, craignans la ruine de la Cité,  
si l'on favorisoit le puisné contre ce-  
luy à qui de droit l'Empire devoit es-  
choir. Partant il fut accordé que Con-  
stantin seroit Empereur, & que De-  
metrie & Thomas separeroient éga-  
lement le pais de la Morée. Il eut beau-  
coup mieux valu qu'un seul l'eût eu,  
ou bien que tous deux eussent esté  
chassez, pour avoir esté cause qu'un si  
fort pais soit venu entre les mains des  
ennemis de la Chrestienté. Quant à  
nostre Constantin, il ne fut long-temps  
en repos & tranquillité, d'autant qu'a-  
pres la mort du vieillard Amurath,  
qui mourut l'an du monde 5411. &  
apres la Nativité du Sauveur de tous  
les hommes 1450. survint Mahemet  
second du nom, non premier, ainſi  
qu'il a esté coulé cy-dessus par mégar-  
de au chapitre de l'Empereur Con-  
stantin le Grand, lequel donna bien  
des affaires, tant à l'Empereur qu'à  
ceux qui estoient sujets à l'Empire. Il  
me



*Constantin Paleologue* C. XIV. 217  
me suffira icy de seulement remarquer  
qu'il vint mettre le siege devant Con-  
stantinople au mois de Fevrier, l'an de  
Grace 1453. lequel il tint jusqu'au  
28. de May, & l'emporta le 54. jour  
apres avoir mis le siege, y faisant mou-  
rir toute la Noblesse d'entre les Grecs,  
& entr'autres l'Empereur Constantin,  
lequel avoit déjà long-temps aupara-  
vant sommé, prié & interpellé les  
Princes Chrestiens de luy donner se-  
cours, mais ils ne pouvoient y enten-  
dre, à cause que le malheur des temps  
avoit fuscité la guerre à l'Empereur  
contre les Suisses, Hongres & Mora-  
viens : au Roy de France contre les  
Anglois, & l'Italie estoit pleine de li-  
gues, factions & partialitez. Toute-  
fois le Pape, les Venitiens, & Alphon-  
se Roy de Naples, promirent secours  
jusques à trente Galeres. Les Veni-  
tiens y envoyerent Jacques Laure bien  
équipé, mais ce fut trop tard, dautant  
que le Turc s'en estoit déjà saisi, non  
pas sans grande resistance, le siege y  
estant demeuré cinquante - quatre  
jours; & de fait le Turc y perdit beau-  
coup de milliers d'hommes, & mes-  
me le jour qu'il emporta la ville, l'Em-  
Tome IV. T



218 *Histoire des ſcavans Hommes,*  
pereur Constantin ne ſe contentoit  
point d'enhardir les ſiens, pour tenir  
bon à l'encontre de cette furieuſe beſ-  
te, mais luy-meſme armé de pied en  
cap, ſecondé de bien peu de gens,  
tint l'eſpace de cinq heures l'armée du  
Turc ſur cul. Enfin ſe voyant aban-  
donné de la pluſpart des ſiens, & n'en  
ayant que deux qui tinſſent bon, à  
ſçavoir Teophile Paleologue, ſorty  
du ſang de Constantin, & un Eſcla-  
von, ſerf d'eſtat, mais illuſtre & no-  
ble en ſes faits, fut contraint de ſe re-  
tirer, & ſe ſauvant parmy la foule,  
fut écrasé, ou bien (comme il plaiſt  
aux autres) étouffé. Voila comme  
miſerablement mourut ce dernier des  
Empereurs Chreſtiens de Constanti-  
nople, ayant regné trois ans & trois  
mois. Apres la priſe de la ville, c'eſt  
hors de doute que Mahemet exerça  
des cruautez enormes, ſi ne pût-il fai-  
re qu'il ne reverât noſtre Constantin,  
lequel (ainſi que m'ont dit trois Mam-  
melus d'Egypte fort anciens) il fit  
chercher par la ville, & l'ayant ren-  
contré, luy prit les deux mains & la  
teſte, ruiſſelant de ſes yeux ſi grande  
abondance de larmes, que ceux qui



*Constantin Paleologue. C. XIV. 219*  
estoyent presens, ne pûrent se tenir de  
pleurer. Puis le fit conduire en sa se-  
pulture; mais de dire où ce fut, je ne  
puis, n'ayant sceu le découvrir, dont  
la raison me fut donnée par certains  
Mahometans, telle d'autant que Ma-  
homet voulut qu'il y en eut seulement  
quatre qui la sceussent, afin d'empes-  
cher les soldats de le deterrer, pour  
dépit que la plupart d'eux avoient  
d'avoir esté blesez & estropiez de la  
main de ce vaillant Empereur. Voila  
qui fut cause qu'après sa mort sa teste  
fut portée par derision par la ville au  
bout d'une lance, comme aussi fut l'i-  
mage de nôtre Sauveur & redempteur  
traînée par les bouës, avec toute la  
plus grande indignité qu'il fut possi-  
ble, ayant cét écriteau. *Voicy le Dieu  
des Chrestiens.* Au reste, je m'étonne  
pourquoy certains osent asseurer que  
ce Constantin fut le septième du nom,  
puis que par la liste des Empereurs de  
Grece nous trouverons qu'il est le di-  
xième du nom. Et qu'ainsi ne soit.  
Le premier, fut Constantin, surnom-  
mé le Grand, duquel j'ay parlé cy-  
dessus. Le second, fut le fils aîné  
de ce grand & magnanime Constantin.



220 *Histoire des sçavans Hommes,*  
Le troisiéme, Constant, fils d'Hera-  
clius Constantin. Le quatriéme, fut  
Constantin, dit Ponogat, c'est à dire  
le Barbu, qui commanda dix-sept ans.  
Le cinquiéme, est le fils de Leon I sa-  
rien, meschant & dépravé, qui ne va-  
lut pas mieux que luy. Le sixiéme,  
c'est ce Constantin, pour lequel Ire-  
née sa mere pratiquoit une fille de  
France, fils de Leon IV. qui fut apellé  
à l'Empire du monde l'an 4744. apres  
la Nativité de Iesus Christ 782. qui  
épousa Marie fille des Rois d'Arme-  
nie, non pas de Charles le Grand, se-  
lon quelques-uns. Le septiéme, fut fils  
de l'Empereur Leon, surnomé le Phi-  
losophe, qui fut au commencement  
troublé en son Empire par Constantin  
Spartain, fils d'Andronique vaillant  
Capitaine, lequel s'avancant pour tuer  
ce jeune Constantin, donna de la tes-  
te contre un mur, & tombant de che-  
val fut soudainement tué, & sa teste  
coupée au mesme lieu, que luy avoit  
predit Leon le philosophe : lequel je  
ne suis point d'avis d'oster du catalo-  
gue des Empereurs, encore qu'il ait  
esté inquieté en son Empire. Le hui-  
siéme succeda à Basile Porphyrogeni-



*Constantin Palcologue. C. XIV. 221*  
te, homme enclin à toutes lubricitez & voluptez deshonnestes, qui eut pour gendre Romain Argyropile, troisiéme du nom. Le neuviéme, fut ce Monomache Constantin, qui estoit tellement assorty de Scelerene sa concubine, qu'il s'en rendoit esclave. Toutefois il cherissoit les hommes lettrez. Il fut appellé le Gladiateur. Le dixiéme, fut ce devot & religieux Duc, qui estoit plus adonné à prier Dieu qu'à remuer l'épée: aussi detestoit-il grandement la guerre. Il est taxé d'avarice. Il mourut âgé de soixante ans, ayant regné sept ans six mois, laissant l'Empire à sa femme Endocie, sous serment qu'elle fit de ne se point remarier, de peur que ses trois enfans Michel, Andronique & Constantin ne fussent frustréz de l'Empire. L'onziéme, sera celuy auquel est voüée la presente Histoire.















*THIBAVLD. DICT LE  
BON.*





# THIBAVLD, DIT LE BON, COMTE DE BLOIS.

## CHAPITRE XV.



VANT qu'entrer en matiere, j'ay deux poincts à proposer au Lecteur, pour me servir d'excuse. Le premier est, pour l'interruption de l'ordre, qui est tellement manifeste, que sans faire bresche à la verité, je ne pourrois ou la nier ou la déguiser, attendu que l'âge auquel a vescu ce bon Comte, me commandoit l'avancer de plusieurs marches, comme aussi les deux auxquels les Chapitres suivans & consecutifs ont esté destineez : De ma part j'en eusse esté le plus content du monde; mais



224 *Histoire des sçavans Hommes,*  
parce que le portrait me manquoit, je  
n'osois hazarder l'Histoire de sa vie,  
dits & faits, encore que je fusse bien  
assuré, que sans faire comparaison  
d'eux avec aucun des autres que j'ay  
icy couché en l'estat des Hommes Il-  
lustres, l'on auroit bien affaire à trou-  
ver Seigneurs qui meritaissent mieux  
d'estre caressez de loüanges, que ce  
Comte Thibauld & les deux Orlean-  
nois. Toutefois ce seroit assez tost,  
quoy que ce ne soit en son rang, si au  
moins que mal faire se pourra, sa vie  
est icy déchiffrée. Et c'est ce qui me  
pese le plus, d'autant que je ne me sens  
garny d'assez suffisans memoires, pour  
faire retentir l'heroïque generosité  
d'un si brave & hardy Seigneur. La  
faute ne me doit entierement estre im-  
putée, d'autant que de bonne affection  
je n'en manque point : si quelqu'un  
sçait mieux, apres que j'auray eu com-  
munication de son surplus, l'on verra  
si je seray chiche à la seconde edition  
d'enfler l'honneur & renommée de ce  
Martial guerrier. Je sçay bien que si je  
daignois reprendre la matiere d'un  
peu plus haut, & rechercher ou les  
Genealogies des princes & Maisons.



illustres enfantées à Blois, ou bien les singularitez du païs, la carriere seroit assez longue pour m'égayer, d'autant que sans m'éloigner de la verité, l'on trouvera que la maison de Blois a esté aussi grande, aussi illustre & signalée qu'autre de ce Royaume, eu égard aux terres, seigneuries & principautez qu'elle a possédées, telles que sont les Comtez de Champagne, Brie, Touraine, Chartres, Meaux, Boulogne, Alençon, Beauvais, Sancerre, Soissons, S. pol, d'Eu, Dunois, S. Agnan & les seigneuries d'Amboise, Marchesnoir, Millancey, Remorentin, & en Henaut d'Avennes. Mais parce que Guy de Châlon, deuxième du nom & dernier Comte de Blois, resigna au Roy lean le Comté de Soissons, & que le Comté de Blois fut vendu purement & simplement à Louis Duc d'Orleans, frere du roy Charles VI. l'an 1391, pour la somme de cent mil florins d'or, soit par ce Guy de Chastillon, soit par Marie de Namur sa femme, & que la pluspart de ces belles pieces ont esté disjointes d'avec le Comté de Blois, j'aime mieux viser droit au but, & donner atteinte à nostre Thibauld. Celuy



226 *Histoire des ſçavans Hommes*,  
duquel je repreſente icy le portrait,  
fut fils de Thibauld troiſième du nom  
& ſixième Comte de Blois, premier  
qui porta le titre de Palatin de Cham-  
pagne & Brie, ( ainſi qu'a tres docte-  
ment recherché le Seigneur Pierre  
Pithou au premier Livre de ſes Me-  
moires des Comtes hereditaires de  
Champagne ) & pour ſes vertus & in-  
tegrité de vie, fut nommé le Pere des  
pauvres, & le grand Thibauld, peut-  
eſtre, pour les guerres continuelles  
qu'il avoit eu contre Louis le Gros &  
ſon pere, leſquelles le faiſoient re-  
douter par les François. Il mourut  
l'an onze cens cinquante-un, & gît en  
l'Abbaye de Pontigny, qu'il avoit  
fondée. Pour ſuccesseur au Comté de  
Blois, il eut ce Thibau'd, duquel pre-  
ſentement nous pretendons diſcourir,  
lequel pour avoir eſté imitateur des  
vertus de ſon pere, fut ſurnommé le  
Bon, pour le bon traitement & ſoula-  
gement où il maintenoit ſes Sujets en  
une merveilleuſe tranquillité, ainſi  
que rapportent nos Histoires, qui  
loient le commandement qu'a eu ce  
Comte ſur les Chartrains & Bleſiens,  
qui eſtoient les deux Comtez, leſquel-



les luy estoient échue's par le partage que fit le grand Thibauld de ses seigneuries aux enfans qu'il avoit eu de Maheult ou Mathilde Princesse Allemande, qui luy avoit procréé une lignee d'onze enfans, cinq mâles & six femelles : l'aîné fut surnommé Seigneur du Soleil, lequel n'eut aucun titre, parce qu'il avoit perdu son sens : Henry premier du nom, & quatrième Comte de Champagne, surnommé le Large, lequel passa en la Terre Sainte avec le Roy Louis le Jeune, & fut pris par les Mahometans, mais delivré par l'Empereur de Constantinople : nostre Thibauld, qui fut fixième Comte de Blois, & troisième de ce nom : Estienne eut Sancerre, espousa la fille du Comte de Gien, fit le voyage de la Terre Sainte sous philippes Auguste, & enfin se rendit Chartreux : le cinquième fut Guillaume, surnommé aux Belles-mains, soixante-fixième Evesque de Chartres, & aussi soixante-fixième Archevesque de Sens, & cinquantième de Reims, qui passa de ce siecle à l'autre en 1493. Quant aux filles de la premiere, nommée Mathilde ou Marie fut mariée à Eude



228 *Histoire des sçavans Hommes,*  
second du nom, Duc de Bourgogne,  
qui eut d'elle un fils, appelé Hugues,  
qui fut apres la mort de son pere Hu-  
gues troisiéme du nom, & dixiéme  
Du de Bourgogne. La seconde prit  
party avec le Comte de Bar: la troisié-  
me avec le Duc de l'Apoüille, puis  
avec le Seigneur de Montmiral & S.  
Agnan: la quatriéme avec Geoffroy  
Comte du perche: la cinquiéme fut  
Reine de France & nommée Alise es-  
pouse du Roy Louis le jeune: & la  
derniere fut épouse d'Alain Comte  
de Bretagne, & depuis fut Comtesse  
d'Anjou, par le moyen du second ma-  
riage, qu'apres la mort d'Alain elle  
contracta avec ce Foulques N'erra  
Comte d'Anjou, duquel nous avons  
dressé l'onziéme Chapitre du present  
Livre. Mais ces nopces reiterées, luy  
furent malheureuses, à cause de la lâ-  
cheté, perfidie & cruauté, dont Foul-  
ques usa à l'endroit de Drogon, petit  
fils d'Alain & de sa femme, lequel il fit  
mourir dans un bain, pour avoir la  
Bretagne. Mais depuis il en fit si bel-  
le & solemnelle reparation, qu'at-  
tendu la contrition de cœur qu'il  
eut, il est croyable que Dieu le prit



*Thibault, dit le Bon*, CH. XV. 229  
par sa sainte miséricorde à mercy. De  
cette veuve ce Comte Angevin eût un  
fils nommé Geoffroy II. du nom, &  
surnomé Martel pour sa vaillance: &  
une fille nommée Adelle ou Engeber-  
ge femme de Geoffroy, Seigneur de  
Gastinois. Il a esté besoin de specifier  
de cette façon la jointure d'une si he-  
roïque lignée, pour montrer premie-  
rement, que ce n'est pas merveilles, si  
Dieu a permis que ce Comte Thibault  
ait esté doué de tant de vertus, puis  
que naturellement il sembloit ne pou-  
voir estre autrement, qu'il n'herita de  
si beaux, précieux & exquis joyaux.  
En apres, que s'il a eu credit en Fran-  
ce, ce n'a pas esté par surprise, ou à la  
volée, & qu'il soit crû (selon qu'on  
dit) en une nuit comme un champi-  
gnon, mais que de race en race il y  
estoit élevé, quoy qu'il n'y eût pensé.  
Il avoit tel credit en ce Royaume qu'il  
en étoit Procureur, cōme estant ce gōd,  
à l'entour duquel se tournoit & repo-  
soit la fermeté, assurance & manie-  
ment des affaires d'Estat. Et aussi la  
guerre qui estoit entre le Roy Philip-  
pe Auguste & Philippe d'Alsace usur-  
pateur du Comté de Flandres, quere-



230 *Histoire des ſcavans Hommes,*  
ſans enſemble le Comté de Vermandois, ne fut aſſoupie que par le moyen & entremiſe de ce Comte de Blois & de l'Archeveſque Guillaume ſon frere. Leſquels comme il reconnoiſſoit tenir par devers eux toute l'autorité, pouvoir & commandement de la milice François, il employa auſſi pour mediateurs d'une paix ſi ſolemnelle, leur faiſant porter parole à ſa Majeſté: qu'il luy pleût accepter ſon ſervice, & uſer de luy & des ſiens, comme de ceux qui luy eſtoient tres humbles ſerviteurs: qu'il luy rendoit, cedoit & quittoit la Terre, Pais & Comté de Vermandois, avec tous les Chateaux, Villes, Bourgs & Villages qui en dépendoiēt, & ſ'offroit les luy mettre en main tout ſur l'heure: ſeulement ſupplioit-il ſa Majeſté de luy laiſſer les places de S. Quentin & Peronne pour ſa vie, leſquelles il entendoit, que ſans nulle contradiction revinſſent apres ſa mort à la Couronne de France. Ce qui luy fut accordé l'an mil cent quatre-vingts & quatre, ou ( ſelon Meyer ) quatre-vingts & cinq. Dont on ne doit ſ'étonner; car outre le degré, qu'il tenoit à cauſe de ſon office de Grand Senef-



chal de France, il touchoit de si près au Roy, duquel il estoit Oncle, que comme l'on ne se pouvoit plus assurément fier à d'autre, aussi ne pouvoit-il estre honnestement éconduit sans effet de l'intercession, où il estoit employé pour ce Philippes d'Elface. Quant à la dignité de grand Senéchal, je ne la prens point pour celle de seul Mareschal, comme fait le nouveau Munster refondu, attendu que je sçay bien d'une part, que le Seneschal a esté sous la troisiéme lignée de nos Rois de France, celuy qui sous les deux premieres, a esté Comte du Palais, & depuis le Grand-Maistre de France. D'autre part, que la dignité de Grand-Maistre de France est du tout diverse & differente de celle de Mareschal : Et qu'ainsi ne soit, si l'estat de Mareschal seul eust esté le mesme que celuy du Seneschal, est-il vray-semblable que l'Apollon des Gaulois, François premier du nom, quand il fit quitter au Sieur de la Palice l'estat de Grand-Maistre, luy eust donné celuy de Mareschal ? Que dira-il, sur ce qu'apres la mort d'Anne de Montmorency, sous



232 *Histoire des sçavans Hommes,*  
le regne du Roy François deuxième du  
nom, François Duc de Guise fût éta-  
bly Grand-Maistre de France, & Fran-  
çois de Montmorency fait Marechal.  
Si ces deux Estats n'eussent esté qu'un,  
les eut-on separez? Or que l'estat de  
Seneschal ait emporté autant de poids  
& autorité que celui de grand-Maître,  
on le voit assez clairement en ce Com-  
te Thibault, qui, étably en ce degré,  
avoit la Sur-Intendance toute telle &  
( possible ) plus grande que n'avoient  
les Grands Maistres de France. Mais  
qu'est-il besoin de m'arrester si long-  
temps sur la division & separation  
qu'on doit faire de ces Estats? puis  
qu'assez amplement j'ay decidé cette  
difficulté ( à mon advis ) au dix-neu-  
fième chapitre du quinzième livre de  
ma Cosmographie. Il vaut mieux que  
je retourne à nostre Comte Thibault,  
lequel donna preuve tres-certaine de  
son heureuse bravoure en cette jour-  
née des Vignerons si renommée par  
nos Historiens. De ce Comte Thi-  
bault se trouve une pierre aujour-  
d'huy à Blois sur le pont, joignant la  
Chapelle de S. Fiacre, en laquelle est  
écrit ce qui s'ensuit d'une lettre, qui  
ressent



*Thibaut, dit le Bon.* CH. XV. 233  
ressent fort son ancienneté & bien notable : dont j'ay esté secouru par ce non moins docte que diligent rechercheur des Antiquitez

Du Moulin, Doyen de l'Eglise de S. Sauveur de Blois : duquel aussi je confesse avoir receu en l'année mil cinq cens soixante-six le portrait de nostre Comte Thibault, tel qu'il m'assura l'avoir eu des creons, qui estoient au Cabinet du grand Roy François premier du nom, son Maistre. Or voicy la teneur de cet ancien monument:

*COMES THEOBALDVS Fran-*  
*cia Seneschallus, & Alix Comitissa, pro*  
*amore Dei & animabus antecessorum suo-*  
*rum, perdonaverunt hominibus istius pa-*  
*trie captionem equorum & telarum, in*  
*quibus manducabant, nec non vineas &*  
*prata & viridarias & alberetas in manu*  
*cepit, ita quod Comes habebit in foris-fa-*  
*cto vinearum aureum hominis foris fa-*  
*cientis: nisi poterit x. sol. reddere habebit*  
*in foris-facto pratum, & de vacca sex de-*  
*nar. & ove vii. denar. Perdonaverunt*  
*etiam, quod moneta minus valen. erit*  
*N. nec facient ultra coruagium. Divine*  
*igitur potentie supplicamus, ut quicum-*  
*que sacram paginam & quod sancitum est*



234 *Histoire des ſcavans Hommes,*  
*violare vel ullatenus infirmare præſum-*  
*pſerint æterna maledictione & Dei ultione*  
*ira feriantur implacabili.*

Ce ſont les propres mots de ce vieil monument, qui pour l'antiquité eſt la pluſpart mangé, & pour ce ( comme il n'eſt pas hors de vray-ſemblance ) il y a pluſieurs mots, qui uſez n'ont pû eſtre leus, toutefois le ſommaire eſt que le Comte Thibault & ſa femme Alix pour l'amour de Dieu & pour les ames de leurs devanciers, donnent aux habitans de Blois le droit de Blayerie, pour pouvoir prendre les chevaux & leurs pieges aux lieux où ils ſeront en faute : que pour ce mal le Comte prendra, ſi c'eſt aux vignes un eſcu, ſi c'eſt au pré dix ſols. Qui eſt une amende aſſez exceſſive, veu que ordinairement on ne fait eſtat des amendes de ſept ſols ſix deniers. Mais ce qui eſt adjouté me met en grande peine, que le Seigneur met ſous ſa main le pré, où a eſté fait le dōmage, prend ſix deniers pour la vache & ſept deniers pour la brebis, & pour le changement des monnoyes. Ce Comte eut à femme une fille de France nommée Alix, deuxième fille de Roy Louys le jeune, & Alienor de



Guyenne. D'icelle il eut deux fils, sçavoir Louys & Thibault, & deux filles, l'aînée fut mariée à Jean de Chastillon, Seigneur d'Avennes, & la seconde à messire Gauthier d'Avennes. Icy la difficulté n'est pas petite à cause de la succession de ce Comté de Blois, qui écheut en quenouille. Quant à Louys, qui estoit l'aîné de la maison, l'on sçait bien qu'il passa en Grece, & mourut au siege d'Adrianopoli, l'an mil deux cens cinq, lors que Baudouyn de Flandres Empereur de Constantinople fut perdu en la bataille, de maniere que toujours il devoit entrer au lieu de son Pere en qualité d'aîné, attendu que le pere deceda au siege d'Acre l'an 1190. encore que je n'y aye point veu son Epitaphe, comme des autres. Et apres Thibault devoit, au defaut de son frere Louys, plutôt estre appellé au Comté que les gendres. Par ainsi il faut que cet ordre ait esté perverty, & que le gouvernement de Blois soit écheu en quenouille, à cause de l'absée des mâles, qui estoient empeschez contre les ennemis de la Chrestienté. De fait, je trouve que Jean de Chastillón, qui avoit



236 *Histoire des ſçavans Hommes,*  
épouſe la fille ainſnée du bon Comte  
Thibault, fut Comte de Blois dès l'an  
1190. & qu'après ſa mort, qui ſurvint  
le 4. Avril 1201. Lou ſ le fils ainſné de  
noſtre Thibault parvint au Comté de  
Blois, & ne le tint gueres long-temps,  
à cauſe que ſa mort fut précipitée au  
ſiege d'Andrinople, ainſi que je viens  
de dire cy-deſſus. Toutefois quelque  
courte que fut ſa vie, il fit neantmoins  
des choſes merveilleuſes, & en la char-  
ge qu'il avoit comme conducteur du  
quatrième bataillon à la priſe de Con-  
ſtantinople par les François & les Ve-  
nitienſ l'an 1204. il fut gratifié par  
l'Empereur Baudouin du Duché de  
Nikerterre, le plus honorable de tou-  
te la Romanie. Or pour reprendre no-  
ſtre propos, après la mort du Comte  
Louys, luy ſucceda ſon fils Louys  
cinquième du nom, qui ne veſcut que  
ſeize ans, & en luy faillit la race du  
Prince Danois Gerlon, qui avoit do-  
miné les Bleſienſ dès l'an neuf cens  
vingt juſques à l'an douze cens dix-  
neuf, & ainſi le Comté de Blois aura  
ſubiſté environ trois cens ans.









*LOUIS DUC D'ORLEANS.*





L O V Y S

DVC D'ORLEANS,

ET

COMTE D'ANGOULESME.

CHAPITRE XVI.

**L** Es divers accidens, esquels  
 a esté embrouillé ce Sei-  
 gneur, m'invitoient assez  
 à entrer icy au discours de  
 sa justification, & à examiner, si à tort  
 ou à droit, la fortune l'avoit si souvent  
 traité, comme son jouët : mais parce  
 que cela ne pouvoit estre bien déduit,  
 sans trop grande longueur : Joint que  
 plusieurs ont déjà pris ce sujet, je me  
 contenteray si simplement & nuëment  
 je puis icy déchiffrer ce que je trouve-  
 ray estre necessaire à l'Histoire que je  
 pretens dresser de ce Duc Louis, lequel



238 *Histoire des ſçavans Hommes,*  
fut fils de Charles V. du nom, Roy de  
France, & de Jeanne fille du Duc de  
Bourbon, Prince accompagné d'auffi  
bonnes parties qu'on euſt ſceu ſouhai-  
ter en un autre. Toutefois la jalouſie,  
qui fut entre les maiſons de Bourgo-  
gne & d'Orleans, éclipſa de beaucoup  
les heureux ſuccés de ce Prince. Le  
bruit de ſa renommée fut ſi grand,  
qu'en l'an treize cens quatre-vingts  
& cinq, les Hongres vinrent en Fran-  
ce, pour traiter alliance & pratiquer  
le mariage entre luy & madame mar-  
guerite de Hongrie, heritiere du Roy  
Louys, & avec eux allerent en Hon-  
grie l'Eveſque de maillezais & autres,  
avec ample procuration : mais ce ma-  
riage fut interrompu & diſſipé à cauſe  
des troubles de Hongrie. Partant il  
prit party avec Dame Valentine de  
milan, fille unique de Jean Galeas Vi-  
comte, premier Duc de milan & de ma-  
dame Iſabel de France, fille du Roy  
Jean, par lequel mariage Louys euſt le  
Côté de Vertus, qu'Iſabel avoit appor-  
té à ſon mary, & une grande ſomme  
de deniers, qui fut employée en l'a-  
chat du Comté de Blois & autres  
Terres, que ce jeune Seigneur ache-



*Louys Duc d'Orleans*, C. XVII. 239  
ta & retira des Seigneurs de Coucy,  
qui en estoient propriétaires : & pour  
le droit de cette Valentine ont les  
Ducs d'Orleans querelé le Duché de  
milan , qui a tant cousté de sang &  
d'argent à la France. Or par ce que  
peu de personnes ont discouru à mon  
plaisir de l'achat que fit ce Duc du  
Comté de Blois , je suis bien d'avis  
d'en rapporter ce que j'en ay appris  
depuis que j'en ay traité en ma Cos-  
mographie. Il faut noter que Guy de  
Chastillon , Comte de Blois , maria  
son fils Louys à Marie fille du Duc  
de Berry & d'Auvergne & Comte de  
Poictou , à laquelle il assigna le doüai-  
re la somme de six mil livres de re-  
venu par chacun an. Ce doüaire  
n'arresta pas long-temps à avoir lieu.  
Car Louys mourut avant son pere en  
l'an treize cens quatre-vingts onze à  
Beaumont, allant voir sa mere à Va-  
lenciennes en Henaut, où elle estoit, &  
fut enterré aux Cordeliers en la ville  
de Valenciennes. Tost apres fut la-  
dite Marie remariée à Philippes d'Ar-  
tois , Comte d'Eu , & Connestable de  
France, qui ne vescu gueres , & apres  
sa mort eût à mary en troisiéme liét le



240 *Histoire des ſcavans Hommes,*  
Duc de Bourbon. Le Comte Guy voyant  
ſon Comté chargé de cette partie, qui  
eſtoit tombée en forte main, fit ſon-  
ner aux oreilles du Duc d'Orleans, s'il  
vouloit entendre à l'acqueſt de ce  
Comté, qui embellifſoit ſon Duché,  
tout ne plus ne moins que fait le nez  
le viſage. Noſtre Louys ne ſe fit pas  
beaucoup ſolliciter, tant parce qu'il  
avoit grandes ſommes de deniers entre  
ſes mains, que parce qu'il voyoit que  
cette ouverture ſervoit pour l'accom-  
moder, par l'advis du Roy Charles  
fixième de ce nom ſon frere, il acheta  
les Comtés de Blois & Dunois aux  
charges qu'il en laiſſeroit jouir le  
Comte Guy tant qu'il vivroit: qu'il  
acquitteroit ce douaire, & ſi bon luy  
ſembloit, l'amortiroit, & en outre  
bailleroit contant à ce Comte Guy la  
ſomme de deux cens mil francs d'or,  
laquelle fut baillée, livrée, nombrée  
& nantie entre les mains du Comte  
vendeur. Le tout ainſi fait & accordé,  
fallut que l'acheteur traitaſt & accor-  
daſt encore avec le Duc de Bourgogne,  
auquel & à ſa femme la Douairiere,  
pour l'amortiffement du douaire, luy  
fallut payer la ſomme de ſoixante  
mil



mil francs contant. Et pour faire consentir le Duc de Berry , pere de la Douairiere , il luy donna un cabochon de rubis grand à merveilles , estimé à la valeur de vingt mil écus vieux. Lequel rubis est depuis revenu à la maison d'Orleans , & s'appelle le rubis de la quenouille. De plus , il fallût que ce Duc Louys paya au Roy son frere le quint & arriere-quint denier , pour les acquests desdites Comtez , qui fut prisé à soixante mil francs d'or. Icy le Lecteur remarquera , qu'un franc d'or voloit du temps de la vente trente sols tournois , & estoient ceux que nous appellons maintenant francs à pied & à cheval , & sont du poids de soixante-six au marc. De maniere que nous trouverons , que calcul fait de toutes les sommes financées par le Duc d'Orleans pour l'achapt de ces Comtez , il aura déboursé trois cens vingt mil francs d'or , qui à trente sols piece , reviennent à cent soixante mil écus , à raison de soixante sols l'écu , & ce outre le cabochon de rubis. Apres un tel & si solemnel acquest il laissa ce Comté entre les mains du Comte Guy de



242 *Histoire des ſçavans Hommes,*  
Chastillon par l'espace de cinq ans,  
d'autant qu'il mourut environ la feste  
de Noel en l'année 1317. & gist en l'E-  
glise du Chasteau de Blois. De sorte  
que nostre Louys ne jouït du Comté  
de Blois que onze ans, parce qu'il fut  
assassiné en l'année 1407. par les Esta-  
fiers du Bourguignon, comme nous  
verrons en son lieu. Quant au Comté  
d'Angoulesme il le tint l'espace de  
quinze ans, au grand contentement de  
ses sujets. De son temps on trouve que  
la mesme année, qu'il fut tué à Paris,  
le fort Chasteau de Boutheville fut re-  
pris par les gens du Roy sur les An-  
glois, & pour fournir aux frais du sie-  
ge, fut levée par commission du Roy,  
au pais la somme de 3716. francs. Le  
Duché d'Orleans luy écheut par la  
mort de son grand Oncle Philippes de  
Valois premier Duc d'Orleans, d'au-  
tant que le Roy Charles sixième sui-  
vant en ce le Roy Iean, qui en avoit  
appanagé son frere Philippes, en ap-  
panagea son frere Louys, comme il  
avoit esté étably par le Roy Charles,  
cinquième du nom, surnommé le  
Sage, que toujors le second enfant  
mâle de France auroit l'appanage &



Duché d'Orleans pour son heritages tout ainſi que l'aiſné a le Dauphiné. Et pource que ( comme j'ay dit cy-deſſus ) le Duc d'Orleans eſtoit Comte des Vertus , à cauſe de ſon épouſe Valentine de Milan , le Roy luy octroya pour luy & ſes hoirs mâles de pouvoir tenir grands Iours au Comté des Vertus . les appels deſquels viendroient à la Cour de Parlement de Paris. Les affaires de noſtre Louys ſe portoient le mieux du monde , ſi le rang qu'il tenoit en France ne l'eût appellé à la Cour près du Roy ſon frere , pource que la fortune ſe ſervit de ce moyen pour luy braſſer & aux ſiens un million de traverses. Il laiſſe pour le preſent l'inimitié du Duc de Bourgogne , aimant mieux au préalable faire marcher l'infidélité de Pierre de Craon , qui , pour avoir eſté décourtiſé ou deſappointé de la Cour de ſon Maïſtre , fut mal-aviſé juſques-là , que d'attenter ſur la perſonne d'Olivier de Clifſon , Conneſtable de France , ſur la teſte duquel il avoit tellement charpenté, qu'il le laiſſa pour mort. Cét aſſaſin fit allumer la guerre , que mena le



244 *Histoire des ſçavans Hommes,*  
Roy Charles contre le Duc de Bretagne, parce qu'il ne livroit ce de Craon. En cette expedition il fut accompagné tant par ſes Oncles les Ducs de Berry & Bourgogne , que par ſon frere le Duc Louys, qui s'eſtant laiſſé gagner par les partiſans du Conneſtable de Clifton ( lequel eſtant malade par ſon teſtament dreſſa eſtat, outre ſes grands heritages & Seigneuries, que ſes meubles revenoient à dix-ſept cens mil francs ) s'affectionna tellement à vanger le tort que luy avoit fait Craon, qu'il s'en fallut bien peu que le Roy meſme ne le tua. De fait, comme il révoit dans ſon liſt qu'on le vouloit trahir , & qu'un Page, qui portoit ſa lance , l'eût laiſſé choir en s'endormant ſur la ſalade d'un autre , qui eſtoit près de luy, il mit la main à l'épée, & perdant toute connoiſſance & raiſon, frappoit à tort & à travers, ſans diſcerner parent ny amy , jeune ny vieil: Meſme dit-on, qu'il pourſuivit long-temps l'épée au poing noſtre Orleannois , lequel fit bien de gagner pais devant luy, d'autant qu'à bride abattuë il le pourſuivoit, & n'eût eſté, que le cheval du Roy ſe trouva las &



recreu , ce pauvre Duc eût eu bien affaire à se sauver. Je sçay bien que les ennemis de la maison d'Orleans ont autant qu'ils ont peu fait perdre l'affection du Roy pour le regard du Duc Louys , si bien qu'il le soupçonna de trahisō. Mesme certains ont osé asseurer que la Duchesse Valentine avoit fait charmer le sens de ce Roy , afin qu'en tel dévoyemēt d'esprit il dépendit tout de son mary & elle : En apres que le Duc Louys avoit esté autheur de cette mommerie, qui fut faite en l'Hostel de la Reyne aux Faux-Bourgs de S. Marcel lés Paris, ou ( selon Froissard ) en l'Hostel S. Pol, où le Roy mesme, qui voulut faire des fols , cōme les autres, pensa estre brûlé aussi-bien que Yvain ou Jobbain bâtard de Foix, & le Comte de Joüy, & eût passé le mesme pas, si la Duchesse de Berry ne l'eût faisi, & couvert de son manteau , avec lequel elle étaignit le feu. Mais ce sont contes faits par les supposts & partialistes de la maison de Bourgogne, qui estoit tellement bandée contre celle d'Orleās, qu'il n'estoit pas jusques aux Duchesses, qu'il ne s'entre-piquassent pour le point d'honneur. Mais, quoy que la



Duchesse Valentine fut femme du frère du Roy & de celuy, qui, estant premier Prince du sang, devoit aussi marcher soudain après la Reine, la faveur peût plus que le droit, si bien que la Reine se gouvernant par la Bourguignotte, Valentine le perdit tout constant. Ce feu de division rampa si avant, à cause du maniement des affaires du Royaume, ( quoy que quelques-uns ne l'attachent point tant à la jalousie de la Regence que d'un autre point, qui pressoit de bien plus près la corne du Bourguignon ) que la mort de nôtre Louys s'en ensuivit : car un Mardy au soir, ayant esté à fausses enseignes appellé au nom du Roy, sortant des Tournelles, il fut assassiné par Roulet, Guillaume & Thomas Courtois & Jean de la Mothe. Son corps fut enterré fort honorablement aux Celestins en la Chapelle, qu'il y avoit fondée, où depuis ont esté enterrez les Ducs d'Orleans, d'où je l'ay fait tirer, ensemble son fils Jean. Vous voyez son col entouré d'un colier, où il y a une étoile : qui me fait croire qu'il estoit Chevalier de l'Estoile, qui est l'Ordre institué par le Roy Jean I. du nom, l'an 1351.



en son Hostel de S. Oüen lez Paris, autrement nommé l'Hostel de Clichy. Ce n'est pas que je ne sois deuëment adverty, que pour l'abus, qui se commettoit d'une trop grãde foule de personnages, qui se presentoient pour estre étoilez, ce Roy lean, pour leur en faire perdre l'envie, ordonna que de là en avant l'étoile seroit portée par les Sergens de Paris, ou ( selon les autres ) Archers du Guet. Encores donc qu'elle leur ait esté communiquée, il n'est pas hors de propos, comme te le est la verité, que cet Ordre n'ait pû estre deferé à Seigneurs signalez & de remarque, tel qu'estoit nostre Louys, puis que cette marque ne sert que de conjecture & presumption, je serois bien marry d'en rien asseurer, aimant bien mieux laisser le tout à la libre discretion du Lecteur, que par un arrest precipité preoccuper le jugement qu'il luy plairoit en faire. Il vaut mieux que je trace la lignée, qu'il a eu, encore que le chapitre, qui suit soit destiné à la vie d'un de ses fils, nommé Iean Comte d'Angoulesme. Donc



248 *Histoire des ſcavans Hommes,*  
il eut de cette vertueuſe Dame Mila-  
noïſe trois fils & une fille, à ſçavoir,  
Charles, Philippes, Jean & Margueri-  
te. Charles fut Duc d'Orleans & de Va-  
lois, Comte de Eſlois & de Beaumont,  
Seigneur de Canchy & d'Ach : lequel  
pour venger la mort de ſon Pere, ainſi  
inhumainement tué, ſe liga contre le  
Bourguignon. Il ſe fourra ſi avant en  
la meſlée à la bataille d'Azincourt,  
qu'il y fut pris, & demeura priſonnier  
vingt-cinq ans en Angleterre: d'où re-  
venant bien changé, il receut l'ordre  
du bon Duc Philippes de Bourgogne,  
auquel il donna auſſi le ſien. Davanta-  
ge, il épouſa ſa niepce, qui fut le ſeul  
moyen, dont Dieu ſe ſervit pour le re-  
mettre en pleine liberté. Je trouve  
qu'après ſon retour en France, il paſſa  
le reſte de ſes jours en ſi grande pieté  
Chreſtienne, que chaque jour de Ven-  
dredy, avant que boire ny manger, il  
ne ſe dédaignoit point de donner à  
diſner à treize pauvres, les ſervant lui-  
meſme à table, & après leur lavoit les  
pieds à l'imitation de la Cene de Jeſus-  
Chriſt. Il deceda à Chaſtelleraut en  
l'an 1464. & giſt aux Celeſtins Il fut  
alié par mariage en trois maiſons. Et



premierement l'année 1406. il épousa Isabelle de France, premiere fille du Roy Charles VI. du nom, estant veuve de Richard de Bordeaux, Roy d'Angleterre, lequel les Londriens avoient fait mourir dans une tour, & en son lieu couronné Henry de Lenclastre. Et fut le mariage de cette fille en partie cause de cet accident, veu le déplaisir que les Anglois eurent, que leur Roy prit alliance en France. Joint aussi que la malversation & pauvre administration de ce Richard en Justice, fit tomber les Anglois en mécontentement: Il eût d'elle une fille nommée Ieanne l'an quatorze cens neuf, elle deceda en couche: elle fut mariée pendant la captivité du Duc son pere, au Duc d'Alençon. En apres il prit party avec la fille du Comte d'Armagnac & de Bonne de Berry, sœur de par sa mere d'Armé, premier Duc de Savoye, huitième du nom, & de Charles Duc de Bourbonnois premier de ce nom, de laquelle il n'eût aucune lignée. La troisième alliance qu'il prit fut avec Marie fille du Comte de Clèves & Marie de Bourgogne, fille du Duc Iean & niepce du bon Duc Philippes. Elle deceda à



250 *Histoire des sçavans Hommes,*  
Chauny l'an mil quatre cens quatre-  
vingts-sept, & gist aux Cordeliers de  
Blois. Quant à Philippes il fut Com-  
te de Vertus, & mourut sans hoirs,  
l'an quatorze cens & vingt. Et Mar-  
guerite fut mariée à Richard Comte  
d'Estampes, fils puisné de Jean Duc  
de Bretagne, surnommé le Vaillant.











*JEAN D'ORLEANS.*





# IEAN D'ORLEANS,

## COMTE D'ANGOULESME.

---

### CHAPITRE XVII.



LE devoir, duquel je suis obligé envers ma patrie, me commandoit, puis que j'avois icy à dresser un état des hommes illustres, d'y faire entrer en lice quelques-uns de nos Comtes Angoumoisins, qui par leurs heroïques & martiaux exploits ont consacré la memoire de leur nom à l'immortalité. Mais cette ouverture me mettoit encores en plus grande peine, d'autant que la carriere est si longue, que si je voulois entonner les merites, vaillances & bravoures de nos Comtes, il me faudroit dresser



252 *Histoire des sçavans Hommes,*  
plusieurs grands & justes volumes. De  
fait j'aurois à celebrer les nōs du pre-  
mier Comte, nommé Turpion, d'Eme-  
non, de Vulgrins d'Alduin: de ce Guil-  
laume, qui fut nōmé Taillefer, à cause  
de ce coup d'épée épouvantable, qu'il  
déchargea si rudement sur un Capitai-  
ne Normand, qu'il le fendit, quoy que  
tout armé, jusques à la poitrine: d'Ar-  
naud: de Guillaume second du nom,  
qui apres avoir fait bastir le Palais, qui  
encore porte le nom de Taillefer, &  
qui est assis devant l'Eglise de S. André  
à Angoulesme, & avoir fait plusieurs  
autres exploits, au retour de son voya-  
ge de la Terre Sainte, deceda l'an de  
grace 1028. d'Alduin II. du nom: de  
tous les autres Comtes de la premiere  
lignée, comme aussi de ceux qui l'ont  
depuis tenu: la liste de leurs faits, dits  
& gestes est si ample, que qui voudroit  
particulierement déchiffrer la vie de  
chacun, il faudroit entasser icy plu-  
sieurs Tomes. Le Lecteur ( s'il luy  
plaist ) se contentera de l'Histoire de  
nostre bon Comte Iean: auquel je  
me suis d'autant plus volontiers arre-  
sté, que je le trouve avoir esté orné de  
plusieurs & insignes vertus, & aussi



qu'il a esté la souche, de laquelle a esté extrait ce grand Apollon des Gaulois, François, premier du nom, auquel cõme je suis spécialement affectonné, je n'ay pû, traçant icy la route qu'ont tenu les hõmes Illustres, couler par oubly celuy qui a esté son pere grand, ainsi que plus amplement nous verrõs par cy-apres. Peut-estre que quelques-uns diront, que je me devois contenter d'avoir icy couché Edoüard, Prince de Galles, & Louys, pere de nostre Comte Jean, puis qu'ils avoient esté aussi-bien Comtes d'Angoulesme que nostre Comte Jean, lesquels prendront de bonne part, qu'un Angoumoisín ait ce peu de passe-droit qu'il luy soit loisible de doubler la loüange de ses Comtes. Joint aussi que le tiltre qu'a eu Edoüard, ç'a esté plûtoست un dueil des François, qui captifs, sous la personne de leur Roy detenu prisonnier, ont esté contrainsts de reconnoistre autres Seigneurs, qui n'estoient pas ornez de la Fleur de Lys. Et quant à Louys on verra bien, que je ne l'ay pas proposé pour faire parade de ce qu'il a fait en son Comte d'Angoulesme.



Il eſt bien vray que là deſſus on me pourroit alleguer le long ſejour qu'a fait noſtre Comte Jean en Angleterre. Mais que pour cela il ſe ſoit rendu partifan de l'Anglois, le diſcours de ſon Hiftoire dementira tous ceux qui voudroient s'éloigner de la verité. Donc ce Comte ( duquel je vous repreſente icy le portrait, tel que je l'ay fait tirer en la Chapelle d'Orleans, qui eſt aux Celeſtins de cette ville de Paris, reſſemblant fort à ſon naturel, que j'ay ſouvent veu lors que Madame Louiſe de Savoye Regente de France, du téps du Roy François I. du nom, le faiſoit élever & voir par curioſité, tout entier & embaumé) fut fils troiſième de Louis de France Duc d'Orleans, lequel fut tué à Paris par les gens du Bourguignon près la porte Barbette, & de Valentine, fille de Jean Galeas Vicomte, premier Duc de Milan. Ce Louis eut trois fils, à ſçavoir Charles, qui fut Comte de Valois, Blois & de Beaumont, Seigneur de Coucy : Philippes Comte de Vertus : & noſtre Comte d'Angoulefme, leſquels voyans que leur mere eſtoit decedée en l'an 1408. à la pourſuite du meurtre commis en



la personne de leur pere, dont le cœur fut porté à Paris en l'Eglise des Celestins & Chapelle d'Orleans, & le corps honorablement enterré en l'Eglise de S. Sauveur au Chasteau de Blois: qu'elle n'avoit pû avoir raison par justice, de l'assassin de son mary; mais au contraire, que la maison d'Orleans estoit tombée en telle disgrâce, que par revocation du mois de Novembre, en l'an 1407. le Roy poussé par les ruses de la Reine, mal affectonnée à la Duchesse d'Orleans, luy osta le don que sa Majesté avoit fait au feu Duc d'Orleans son frere, en augmentation de son appanage, de sorte que le Comté de Dreux, les Chastellenies de Chastillon sur Marne, Montargis, Courtenay, Crecy en Brie, Chasteau-Thierry: les domaines de Soissons, Ham en Vermandois, Pinon, Moncornet, Origny en Thierasse & le vinage de Laon furent reünis & reincorporez à la Couronne: & finalement que le sang des Princes se répandant en France à trop grand marché, ils commencerét à s'élever & à amasser des forces, pour faire teste à Iean Duc de Bourgogne, auquel ils denoncèrent la guerre par leur



256 *Histoire des ſçavans Hommes,*  
cartel, datté de Jargeau le 18. de Juil-  
let 1411. Ils s'entr'échaufferent ſi  
bien, que la France ſe trouva de tou-  
tes parts embrafée de troubles & guer-  
res : le Bourguignon de ſon coſté eſtoit  
porté tant par les Ducs d'Anjou, Bra-  
bant & Bar, que par l'Eveſque du Lie-  
ge & les Comtes de Savoye, Hollande,  
Henaut, Namur & de S. Pol, & par la  
populace, nommément par les Bou-  
chers de Paris, qui haraſſerent telle-  
ment les Orleanois (leſquels ils appel-  
loient Armaignageois) puis que la ful-  
mination élançée ſur le Bourguignon  
par les Archeveſques de Sens, & Eveſ-  
ques de Chartres & Orleans, ne pou-  
voit arreſter le cours des forces Bour-  
guignotes, & qu'en France leur party  
eſtoit par trop foible, force leur fut de  
recourir aux moyens où eſtoit déjà en-  
tré le Bourguignon. Pour ce ſujet ils  
dépeſcherent pour Ambaſſadeur le  
Seigneur d'Albret Conneſtable de  
France vers Henry Roy d'Angleterre,  
pour avoir ſecours. Qui leur fut accor-  
dé. Mais comme ces menées ſe fai-  
ſoient, & que l'Anglois dreſſoit une  
forte armée, qu'il vouloit envoyer  
ſous la conduite de ſes fils Thomas,  
Duc



Duc de Clarence, & Jean Duc d'York, & Jean Comte de Cornouaille, se moyenna le mariage de la fille du Bourguignon avec le fils aîné du roy Anglois : & le fils aîné du Duc de Bourgogne venant à Paris fiança Madame Michele de France. Pour cela ne laissoient ces pauvres Princes, avec quelques forces qu'ils avoient, & seize cens Gentils hommes qui furent levez par Artus, Comte de Richemont, à tascher de se remplumer des places qui leur avoient esté ostées par le Bourguignon. A peine furent arrivez les Anglois, qu'on entendit parler de cette paix pour l'accord de ces deux Maisons, dont ils furent fort faschez, partant il fallut convenir avec eux à leur dire pour les frais de leur armée qu'ils avoient levée. Pour ostage & assurance de la somme de cent douze mil écus, restans de la somme de deux cens quarante mil écus, qu'il fallut leur bailler pour le payement de leur armée, qui estoit arrivée en France dès le mois de Juin en l'année 1412. leur fut donné ce Comte Jean, lequel ils emmenerent, & le retinrent trente-un an huit mois. Icy je ne m'a-



258 *Histoire des ſçavans Hommes*,  
muſeray pas à jeter ou calculer quelle  
partie le Duc d'Orleans devoit de reſte  
aux Anglois, encore que j'entende  
qu'aucuns tiennent qu'il leur bailla  
cent quarante mil écus contant, ſi bien  
qu'il ne reſtoit que la ſomme de cent  
mil écus, laquelle Monſtrelet fait re-  
venir à deux cens neuf mil livres, mon-  
noye de France. Ce n'eſt pas le but,  
où je tire, mais il ſera plus ſeant de  
voir par quels moyens il trompa l'ai-  
greur, ennuy & faſcherie d'une ſi lon-  
gue captivité. Au lieu que le Roy  
Charles VI. du nô, ſon oncle avoit en-  
fantaiſie la chaffe du cerf, ce bon Prin-  
ce, pendant qu'il eſtoit en Angleterre  
ſoulageoit ſon eſprit par la lecture des  
Histoires Grecques & Latines. Dans les  
ſciences il ſe trouva ſi bien façonné,  
qu'il daigna mettre la main à la plu-  
me, & écrivit ſur un Livre, compoſé  
par Philippes de Bergome, & l'intitu-  
la *Cato moralisatus*, & ſur un autre de  
Seneque; leſquels dès ma jeuneſſe j ay  
veu attachez au cœur de l'Egliſe de  
S. Pierre d'Angoulesme près ſa ſepul-  
ture. Durant ſa detention, le Comté  
fut adminiſtré ſous le nom du Duc  
d'Orleans, ſon tuteur, par Officiers,



comme le temps & les guerres le permettoient. Lesquelles guerres de long-temps apres ne prirent fin en Guyenne, mesme il y avoit encore pour lors en Angoumois plusieurs places fortes, qui tenoient pour les Anglois. Apres son retour, qui fut en l'an quatorze cens quarante-cinq, il se tint long-temps en sa ville d'Angoulesme, gouvernant fort paisiblement ses Sujets: si bien qu'ils ne reclamoient que l'estat paisible & tranquillité de ce bon Comte, qui comme il estoit orné de plusieurs vertus, aussi en répandoit-il sur son peuple une si souefve odeur, qu'il sembloit que sa seule presence les animast, & que son absence les enfevelît au tombeau de la mort. Et plût à Dieu que ceux entre les mains desquels est tombée l'autorité, qui les fait paroistre pardeffus les autres, daignassent prendre exemple sur ce bon Comte, hélas! l'on verroit l'estat bien changé: dautant que le pauvre Sujet se sent tellement las des continuelles fatigues, corvées & oppressions, dont certains hobereaux tyrannisent tous ceux qui leur doivent quelque redevance, que le plus grand plaisir que



260 *Histoire des sçavans Hommes,*  
puissent avoir ces pauvres esclaves ,  
c'est de voir les talons de leurs Sei-  
gneurs : car encore que l'on ait accou-  
tumé de dire que les grands ont les  
griffes bien longues , & ont-ils plus de  
peine , quand non seulement du long  
de leurs corps il faut qu'ils s'étendent,  
mais aussi qu'ils ayent peine de se por-  
ter. Il n'y avoit rien de tel , pour l'é-  
gard des Angoumoisins & de leur Sei-  
gneur , qui traittoit avec telle dou-  
ceur ses Sujets , que le pere n'est point  
plus doux à son enfant , qu'estoit ce  
Comte de son engeance Angoumoisi-  
ne. Ce qui l'appriivoisoit de telle fa-  
çon , & balançoit ses humeurs avec la  
facilité des siens , est que non par ex-  
perience seulement , mais aussi par les  
Histoires , il avoit trouvé que l'amitié  
du sujet envers son supérieur , qui est  
forcé par tyrannique oppression , es-  
tant servile n'est de durée. partant il se  
faisoit de telle dextérité , qu'il sem-  
bloit que ce ne fut qu'un mesme orga-  
ne , qui poussa , agita & vivifia tant le  
cors de toute l'Université que le chef.  
J'estime qu'ayant veu par les Histoires  
qu'il avoit fort mal pris à ceux qui a-  
voient par force voulu contraindre leurs



sujets de plier leur col sous le joug de leur severité, il fit estat de se rendre facile, & gagner sur ces Sujets qu'ils luy obeïssent filialement, non pas servilement. Poinct que je desirois estre soigneusement remarqué par ceux qui sont établis en quelque souveraineté par dessus les autres. Mais aujourd'huy comment est-ce que cela pourroit entrer aux oreilles des grands ? Il n'y a chose au monde qu'ils ayent plus à contre-cœur, que d'ouyr parler de ce devoir. Tout le déduit qu'ils ont, ce sont les gros tas d'écus, la chasse & autres ridicules plaisirs, auxquels ils prennent plus de contentement d'estre asservis que de commander, comme il appartient. De leur parler des lettres, ce n'est pas pour estre bien venu, d'autant que ce sont propos parsemez de melancolie, & qui éclairent de trop près les taches qui defigurent ces pauvres Seigneurs. Je parle de ceux qui entre les borgnes s'estiment des plus clair-voyans, pour ce qu'il y en a plusieurs, qui ne prenans plaisir qu'à se veautrer dans un borbier de brutalité, detestent les lettres, & tout ce qui peut les exciter à la vertu. Je ne



262 *Histoire des sçavans Hommes,*  
leur veux point proposer un Charle-  
magne, Iean Pic, Prince de la Miran-  
de, de peur de m'égarer de mon sujet,  
encore crains-je beaucoup qu'ils ne  
trouvent dequoy controller sur nostre  
Comte Iean, non point sur le langage,  
qui n'estoit pas des mieux ajustez & po-  
lis qu'on eut pû desirer, si estoit-il pas-  
sablement loüable, & encore davanta-  
ge à priser l'affection, qu'il avoit non  
seulement de favoriser les bonnes let-  
tres, mais aussi luy-mesme de les illus-  
trer par son labeur & diligence. Et en-  
core qu'il eut esté cinq cens fois plus  
goffe, encore ne sçauroient-ils y trou-  
ver que reprendre, attendu qu'ils ( ie  
ne nomme personne ) seroient bien  
empeschez de donner la suite de trois  
ou quatre propos en leur langue ma-  
ternelle, si ce n'est avec cinq ou six  
débandades hors de toute honnesteté.  
Toute l'excuse dont ils pourront se  
targuer, c'est qu'ils diront, que tout  
ainsi qu'en prison on apprend à faire  
des chansons, aussi nostre Comte s'est  
duit aux lettres, n'ayant autre vaca-  
tion. Mais s'ils disent cela, qu'ils gar-  
dent bien de recevoir sur le nez par les  
Historiens, qui leur maintiendront.



que ce bon Comte estoit un des affectionnez Princes à l'étude de son temps. En apres l'on sçait bien que la captivité où il estoit, n'estoit point si étroite, qu'il ne pût aussi bien prendre l'exercice de la chasse ou autre s'il en eut eu fantaisie. Mais quoy? il semble que de gayeté de cœur nous ayons pris cette égarée pour courir sur la Noblesse, il vaut mieux que faisans retraite, nous retournions vers nostre Comte Jean, lequel n'eut guere demeuré en son Comté d'Angoulesme, qu'on parla de le marier avec une belle & sage Dame, nommée Marguerite de Rohan : ce qui fut accompli en l'année quatorze cens quarante-neuf. Mais il ne jouït pas fort long-temps des plaisirs & recreations de ce nouveau mariage, mais il fallut qu'il alla à la guerre qui se fit pour lors es pais de Guyenne par le Roy Charles, pour recouvrer plusieurs Villes & Places fortes de France tenuës par les Anglois, & fut fait chef de la Noblesse & milice de Guyenne : comme aussi il eut pour son Gouvernement Angoulesme, Libourne, Xaintes, Pons, S Jean d'Angely, Coignac & les Isles de Marennes. Il fit telle preuve de



264 *Histoire des ſçavans Hommes,*  
bravoure & magnanime prudence,  
que l'on n'entendoit recommander  
que les heroïques exploits de ce gene-  
reux prince: le reſte de ſes jours il l'em-  
ploya à bâtir Angoulefme, & à Coi-  
gnac verifier & meliorer le domaine  
qui luy fut baillé pour quatre mil li-  
vres de rente en aſſiette, lequel le Duc  
Louis d'Orleans ſon pere tenoit aupara-  
vant en appanage, avec les Duchez  
d'Orleans & Comté de Valois pour  
douze mil livres de rente. Eſtant par-  
venu juſques à l'âge de ſoixante-qua-  
tre ans, il mourut en ſon Chateau de  
Coignac, le dernier jour d'Avril en  
l'année quatorze cens ſoixante-huit.  
Son corps fut porté à Angoulefme, &  
enterré en l'Egliſe Cathedrale où il a  
eſté tenu en grande veneration, à cau-  
ſe de ſes vertueuſes & louables geſtes,  
qui l'ont couronné du laurier de ſain-  
teté. J'avois oublié à ſpecifier le bon  
ménage de ce Comte, qui eſtoit tel,  
que depuis qu'il fut marié il acquit  
la ſeigneurie de Fourg ſur Charente,  
de Maître pierre Bragier, ſieur de  
Priembourg, & les quatre quintes de  
Chateaufneuf ſur la meſme riviere de  
Jean Seigneur de la Rochefoucault,  
quoy



Rochefoucault, quoy qu'il v ait eu procez meu autrefois sur la distraction qu'on a pretendu faire du quint & quatre quints du Chasteauneuf sur Charente, encore que le procureur du Roy verifiast par titres, Chroniques & Chartres authentiques, qu'il y avoit plus de cinq cens ans que le quint & quatre quint de Chasteauneuf sur Charente ont toujourns esté un mesme corps & un mesme membre du Comté d'Angoumois, ancien domaine & appanage de la Couronne de France, j'en ay les instructions & memoires fort amples pardevers moy. Il eut trois enfans, à sçavoir Louis, duquel le Roy fut parain, lequel mourut jeune, & fut enterré à Boutheville. Jeanne, qui fut mariée à Charles de Coitivy, Comte de Taillebourg & Baron de Craon : & Charles qui succeda à son pere Jean, & fut gouverné par messire Yves du Fou, mais étant en âge, le Roy l'appella en Cour, & le fit Gouverneur & son Lieutenant General en Guyenne, pendant le voyage que le Roy fit à Naples. Il suivit le party du Duc Louis d'Orleans son cousin germain (qui succeda apres au



266 *Histoire des ſçavans Hommes,*  
Royaume de France, contre Pierre de  
Bourbon, Sire de Beaujeu & Anne de  
France, entreprenant pour le gouver-  
nement du Roy Charles VIII. Il épou-  
ſa Madame Louiſe de Savoye, fille de  
Philippes Duc de Savoye & de Mar-  
guerite de Bourbon. Duquel mariage  
fortit le grand Roy François premier  
du nom, & Marguerite Duchefſe d'A-  
lençon, & depuis Reyne de Navarre.  
Je m'étonne que cela ne fut pas obſer-  
vé de ceux, qui durant les premières  
& ſecondes guerres civiles qui ont  
affligé ce pauvre Royaume, le deter-  
rerent : au moins ſi la pieté & religion  
des morts ne pouvoient rien en leur  
endroit, l'honneur & reverence, qu'ils  
devoient au ſang Royal, duquel ce  
Comte eſtoit la ſouche, devoient bri-  
der & retenir le cours de leurs inſo-  
lences. Qu'ils fuſſent à apprendre, que  
du tige de ce Comte Iean avoit eſté  
tiré le Roy François, on ne pourroit  
le dire, d'autant que la ſuite eſt ſi ma-  
niſeſte, qu'il n'eſt pas permis de l'i-  
gnorer, ſi bien qu'ils ne ſe ſçauroient  
excuser, qu'ils n'ayent paſſé non ſeu-  
lement les bornes de toute pieté & re-  
ligieuſe honneſteté, mais auſſi qu'ils



se soient precipitez au crime de felonie pour l'irreverence qu'ils ont portée à celui qui touchoit de si près à l'Apollon Gaulois. Mais peut-estre que la fureur de la guerre ne leur permettoit pas d'user de telle discretion, qu'ils ont pensé se vanger sur ceux, qui perclus par la mort, n'avoient moyen de se revanger des indignitez, insolences & temeraires efforts de ces étourdis. Ce qui me fait imputer cecy aux impetueux tourbillons des guerres, est que je trouve qu'ils n'ont pas mieux traité le Roy Louys onzième, sur lequel ils exercerent plusieurs indignitez, que j'ayme m'eux taire, que d'en ennuyer icy le Lecteur, lequel ne prendroit pas plaisir que je proposasse mille laschetes, dont ces mal-avisez se sont licentiez sur ce pauvre corps insensible. Ceux-là donc s'abusent qui exagerent si fort cette matiere, que l'on diroit que de guet-à-pend quelques-uns, lesquels ils veulent piquer couvertement, ont esté les moteurs d'une telle insolence. S'ils se souvenoient qu'il y a bien affaire à tenir bonne bride à Mars, quand il est



268 *Histoire des ſcavans Hommes,*  
en fureur, je m'aſſeure qu'ils ne ſe formaliferoient pas de telle façon. Ce n'eſt pas que je veüille approuver ou loüer les excés de ces folafteres, mais entant que je puis je les deteſte & condamne. Louiant Dieu que depuis ce temps-là il n'eſt rien ſurvenu de nouveau, que par le bon ordre qu'y a donné Meſſire Phllippes de Vouluyre, Seigneur & Baron de Ruffec, Chevalier des Ordres de S. Michel & du S. Eſprit, & Gouverneur d'Angoumois & Xainctongeois pour ſa Majeſté, Seigneur non moins affectionné aux lettres & bonnes vertus qu'au ſervice du Roy, à la tranquillité du païs & prudent gouvernement des païs qui ſont ſous ſa charge & conduite.











*SCANDERBEG .*





# SCANDER BEG,

## QVI ESTOIT NOMME

### GEORGE CASTRIOT.

---

#### CHAPITRE XVII.



**L**ORS ceux qui ont écrit de ce Capitaine, ont, ce semble, choisi ce sujet pour déployer leur tresor d'eloquence, tant ils publient de loüanges de cet Albanais, & entr'autres Marin Barlece, natif de Scutary en Albanie : mais ce n'est à la façon de plusieurs broüillons & causeurs, qui ne remplissent leurs Histoires que de longues paroles, sans que la chose le plus souvent le merite. Barlece & les autres Historiographes n'eussent sceu assez celebrer la renommée de George Castriot, puisque par



270 *Histoire des ſçavans Hommes,*  
ſes heroïques exploits il avoit acquis  
une telle reputation , que ſes amis ne  
le reveroient pas ſeulement , mais ſes  
ennemis eſtoient contraints d'admi-  
rer ſa force & generoſité. Les Turcs  
meſmes qu'il a ſi ſouvent vaincus &  
ſurmontez, quelques maux & domma-  
ges qu'ils euſſent receus de luy , ne pû-  
rent ſe tenir d'exalter ſes vaillantifeſ,  
deſquelles ils faiſoiēt un tel cas, qu'a-  
pres ſa mort ( ſi nous croyons à Paul  
Jove ) s'eſtans faits maîtres quaſi de  
toute l'Albanie, ils s'emparèrent de  
ſon ſepulchre à Aleſſio, l'ayans trou-  
v<sup>é</sup>, l'adoroient & reveroient ſi devo-  
tement, que ces hommes ſuperſtitieux  
tirans enfin les os hors du Sepulchre,  
les ſaccagerent religieufement , eſti-  
mant chacun d'eux devoir eſtre invin-  
cible & ſeur à la guerre , pourveu qu'  
allans au combat ils euſſent attaché  
au col en or ou argent la moindre pie-  
ce des os & reliques de cet indompta-  
ble Capitaine. Encore que j'eſtime  
que Paul Jove, autheur de ce conte  
ait failly, puisſque contre la Loy, uſage  
& couſtume du Furcan, à ſçavoir l'Al-  
coran , ſeroit admettre que les Turcs  
ayent adoré le corps de Scanderbeg,



qui non plus que les Juifs , Mores, Tartares, Arabes & autres Mahometans ne veulent recevoir les corps dans les Temples, ny moins dans les villes, à plus forte raison auroient-ils fait refus d'adorer & reverer de la façon que Paul Jove suppose le corps & les ossemens de Scanderbeg, quelque grand & redouté Capitaine qu'il fust. Joint aussi qu'ils ne font pas telles ceremonies à leurs Prophetes Mahomet, Haly, Oclan & autres, lesquels il est bien vray-semblable, que plustost ils invoqueroient à leur ayde & opposeroient à tous les efforts de leurs ennemis, que les restes du corps de Scanderbeg. Mais voila ce que c'est, Paul Jove voyant que nostre Castriot meritoit d'estre loué, a passé les bornes qu'il devoit, & pour le louer, a controuvé des choses, qui sont par trop ridicules, & directement opposées à la regle del'Alcoran. Pour cela je ne voudrois pas laisser d'exalter cet Albanois, lequel fut fils du Seigneur Iean Castriot, Seigneur d'Albanie, autrefois *Æmathie*. Sa mere avoit nom *Voisave*, fille du Seigneur des Triballes, ou



272 *Histoire des ſçavans Hommes*  
ſelon les autres) de Pologne, qui eſt  
partie de Macedoine & Bulgarie. Il  
eut trois freres, à ſçavoir Repoſie,  
Stanife & Conſtantin : cinq ſœurs,  
Marie, Jelle, Angeline, Vlaïce & Ma-  
mize. Ce Iean fut vaillant, magna-  
nime & illuſtre de race, qui poſſedoit  
de grands biens au païs d'Epire & Al-  
banie. Sa demeure eſtoit en la ville de  
Croie, comme capitale de ſon païs,  
allié des Rois anciens des Macedo-  
niens & Empereurs Grecs de Conſtan-  
tinople. Et comme il avoit devancé de  
beaucoup tous ſes predeceſſeurs en  
prudence, gravité & magnanimité de  
courage invincible, ſon dernier fils l'a  
ſecondé, qui eſt celui duquel je repre-  
ſente icy le portrait, tel que je l'ay re-  
couvert à Bouthole, ville d'Albanie, &  
depuis j'ay preſté au Seigneur Jacques  
de Lavardin pour enrichir l'Histoire,  
qu'il a fait imprimer en cette ville de  
Paris, en l'an 1576. Lequel auſſi de  
fait a reconnu l'avoir tirée de mon ca-  
binet. A l'exemple duquel j'euffe bien  
deſiré que ceux qui plagiarement  
m'ont poché & contrefait le portrait  
de Plutarque que je leur avois preſté,  
pour mettre aux vies de cet Autheur,



qu'ils ont fait imprimer en cette ville de paris en la presente année mil quacens quatre-vingt-trois, eussent daigné confesser avoir receu de moy le plutarque, qu'ils ne peuvent avoir si bien déguisé, qu'on ne trouve qu'ils ont pillé le dessein sur le portrait qu'ils m'avoient prié leur prestier. Or ce fils ne degenera des excellentes & rares vertus d'un si genereux pere, mais il semble que luy seul ait mis au sommet de dignité la race des Castriots par ses valeureux & heroïques exploits. Encore que je ne fasse pas grand estat des prodiges & observations que certains adorent aux natiuitez je ne suis pas d'avis de taire ce qui fut pronostiqué de la gloire qui devoit accompagner ce personnage, Lequel ne fut pas conçu, que sa mere songea avoir enfanté un serpent, d'une telle grandeur, que couvrant presque tout l'Epire, il allongeoit sa teste sur les limites des Turcs, & les engloutissoit de sa gueule sanglante, trempant la queue dedans la mer vers les Chrestiens, & principalement es confins des Venitiens. Je sçay que plusieurs feront bien leur profit de cere-



274 *Histoire des ſçavans Hommes,*  
cit pour ſe rire de tels preſages , & que  
d'autres trop ſuperſtitieusement taſ-  
cheront de couvrir les ſecrets cachez  
ſous l'ombre d'un tel ſonge , mais de  
ma part je reconnoiſtray par les effets  
qu'un tel advertiſſement n'eſtoit pas  
tout à fait mauvais , que nature don-  
na , pour faire entendre à un chacun  
que ce George ſe feroit renommer aux  
armes & fait de guerre , le fleau des  
Turcs , & Capitaine tres-heureux ,  
vray deſenſeur de la Foy de Jeſus-  
Chriſt, & qui de plus toute ſa vie por-  
teroit honneur & reverence à l'Eſtat  
Venitien. L'experience & progrès  
de ſa vie n'a que trop manifeſtement  
verifié cette prophetie. Dès ſes jeunes  
ans il ſe plia tellement à l'arc, exerci-  
ces militaires & autres actes de gene-  
roſité , que par aucun Historien n'eſt  
fait mention de ſon pareil ou de Chefs  
de guerre qui ayent ſceu le ſurpaſſer  
en l'art militaire , & peut-eſtre pour  
cette occaſion luy a eſté donné par les  
Turcs le nom de Scanderbeg, qui veut  
dire en langue Turque , Alexandre  
Seigneur : & à dire la verité il eſtoit  
bien un vray Alexandre , ayant con-  
quis pluſieurs Provinces au Turc, en-



tr'autres la Mysie, forçant Georges Vncheriech Despote dedans sa ville de Neufmont, Metropolitaine du pais, où l'on tient qu'il y a des mines d'or & d'argent. Mais encore luy appartenoit à plus juste occasion le titre de Scanderbeg pour les actions, dont depuis sa conversion au Christianisme il s'est fait grandement redouter, ayant en vingt-deux batailles qu'il eut avec Amurath Roy des Turcs, & Mahomet second du nom son fils, demeuré toujours victorieux. Pour revanche & se décharger ils ne luy pûrent jamais faire autre chose, que luy reprocher le bon traitement qu'ils luy avoient fait lors qu'il estoit des leurs, & l'appelloient fils & nourrisson ingrat, méconnoissant les grands biens & honneurs où il avoit esté avancé par les Mahometans. Lesquels aussi se sentoient fort obligez à Scanderbeg, tant à cause de la défaite qu'il avoit faite en bataille rangée des ennemis du Turc, que pour les duels qu'il avoit particulièrement soustenus, tant à Andrenople contre le Scythien,



276 *Histoire des sçavans Hommes,*  
qui avoit défié toute la Cour d'Amurath, qu'en la Cité de Burse, qui est à present la capitale d'Asie, contre deux Persiens, nommez Jaia & Zampsa. De telles & si insignes bravoures, captiverent si bien les cœurs des Princes Turcs, que pour s'obliger & captiver davantage un si magnanime entrepreneur, il n'y avoit honneur, honnesteté ou reconnoissance qu'ils ne déployassent liberalement. Mais apres la mort du bon Jean Castriot, il fallut bien qu'Ottoman prodiguast davantage ses largesses, pour embarasser plustost Scanderberg, & l'empescher ou d'aspirer au recouvrement du Royaume d'Epyre, duquel il s'estoit rendu maistre & possesseur par le moyen de la grosse garnison, qu'il y dépescha soudain apres la mort de Jean sous la conduite de Sebalic, ou bien de poursuivre la vengeance de ses freres, qui ne survesquirent pas fort long-long-temps leur pere, mais furent frauduleusement & par poison occulte enlevez de ce monde. Et comme tel accueil ne servoit que pour couvrir le cœur double qu'avoit cét Infidèle à l'endroit de Scanderbeg, lequel



il ne pouvoit dépoüiller de son Royaume, sans se faire par trop grand tort, aussi Castriot n'estoit pas moins subtil & rusé à dissimuler l'envie qu'il avoit de s'avoir le Royaume, sur lequel ce tyran avoit mis la main, & secouer le joug de l'Alcoranisme, duquel il estoit entortillé plus qu'il n'eût souhaitté. Il faisoit si bonne mine au Turc, que sur tout il se reposoit sur la prud'homie & fidelité de cet Albanois, lequel sçavoit si bien temporiser, que convié secrettement par ses sujets de recouvrer sa liberté, il les renvoyoit sans aucune certaine esperance, & sans apparence de dangereuse & magnanime pensée qui eût pû le chatoüiller à reconquerir ce qui estant injustement detenu par Amurath, pouvoit luy estre restitué par le support que luy eussent pû donner ses sujets. Toutefois ayant si long-temps esté sous le joug servil du Turc, épiant tous les jours commodité à la rencontre qui fut entre Hunniades Chef des Hongres contre le Turc en l'an quatorze cens quarante, donna si belle prise aux Chrestiens, que pour la pluspart l'armée Turquesque fut défaite. Je laisse icy à dire quel



278 *Histoire des sçavans Hommes,*  
soin prit le Turc à faire instruire Ca-  
striot en l'impieté Alcoranique par  
un *Hogia*, sçavoir un vieil Philo-  
sophe, lequel les Arabes nomment  
Siaic, pour faire voir quelle per-  
te ce fut au Turc d'avoir esté si tost  
& à son bien grand besoin privé d'un,  
qui avoit esté honoré des plus beaux  
Estats qu'ont les plus grands & favo-  
ris de la Cour du Seigneur, mesmes  
avoit esté employé, côme son Lieute-  
nant tant à l'encontre des Chrestiens  
que des Rois & Princes Levantins. De  
fait, outre la défaite que fit Hunnia-  
des des Turcs par le moyen de la re-  
traite que fit Scanderbeg, le Turc se  
vid dépoüillé de l'Epyre & avoir ac-  
quis un ennemy, qui estant homme  
d'entreprise, & ayant du sang aux on-  
gles (comme l'on dit) luy donneroit  
beaucoup d'affaire. Si Amurath s'y  
attendoit bien, il ne fut pas deceu  
de son opinion : d'autant que Scan-  
derbeg s'estant saisi de Croye, par le  
moyen de son neveu Amese & quel-  
ques autres amis, & y ayant telle-  
ment baillé la Loy, qu'il n'y avoit  
Turc, lequel ne passa au fil de l'é-  
pée si-tost qu'il vouloit faire du re-



vesche, & persister obstiné en l'opiniastreté de l'Alcoranisme, étant âgé de trente-trois ans, il alla en la ville d'Alleffie, où il fit ligue & alliance avec les Princes Albanois. Cette ville estoit pour lors sous la Seigneurie de Venise, & on y tint une diette ou journée, où les principaux du pais furent assemblez à la requeste, & entr'autres Paul & Nicolas Ducagin, Pierre Spany, Lech Dufmani, Lech Zacharie, Aranith Conyno, qui depuis fut beau-pere de Scanderbeg, André Thopia & les magnifiques Recteurs de la Seigneurie Venitienne, devant laquelle assistance Scanderbeg fit une tres-belle harangue, qui dura plus d'une heure, laquelle fut trouvée de si bonne grace par tous ceux qui estoient là presens, qu'apres avoir prisé le sage advis de ce Prince, chacun se mit en devoir de luy tendre la main, pour ayder à le remettre en possession & jouissance des Pais, Terres & Seigneuries qui luy estoient iniquement retenues par le Turc. Luy de son côté ne s'oublioit pas à sonder le gué par tout, à assieger, forcer & contraindre



280 *Histoire des ſcavans Hommes,*  
ceux qui vouloient tenir contre ſon  
obeïſſance contre le Turc. On dit  
une choſe étonnante de luy, que du  
jour qu'il entra en Egypte, juſques au  
parfait recouvrement de ſon Eſtat, il  
n'eſt fait mention qu'il dormit jamais  
à deux heures la nuit, tant il eſtoit  
affectonné à ſe reſtablir au droict qui  
luy appartenoit, & eſtoit ſi bien en-  
durcy au chaud, au froid & au mal,  
qu'il ne faiſoit aucun compte de l'af-  
ſſiduité du travail & veilles continuel-  
les, qu'il luy falloir tous les jours ſup-  
porter. L'on tient que ce fut un grand  
mangeur & grand beuveur, & com-  
battoit touſjours le bras nud, ſans  
craindre ny chaud ny froid. Or com-  
me il faiſoit tous ſes efforts de ſe ren-  
dre ſeul Maître & Seigneur de toute  
l'Albanie, il découvrit par l'eſpion  
qu'il avoit à Andrenople auprès du  
Turc qu'Alibeg Baſſa, accompagné  
de ſoixante mil Janiffaires, Archers &  
Arquebuſiers, quarante mil Cavaliers  
venoit le trouver. Dont il ne s'étonna  
aucunement : quoy qu'alors il ne fit  
que commencer à eſtre déclaré Roy  
d'Albanie, mais de grande gayeté de  
cœur, & comme s'il eût déjà tenu en-  
tre



tre ses mains la victoire , suivy seulement de quinze mil Albanois & douze mil pietons , il se mit à marcher là, où il presumoit qu'il pourroit rencontrer le Turc. Il usa d'une adresse qu'il joignit son armée si près de celle d'Alibeg General des Turcs , qu'il fallut venir aux mains , il les chargea avec si grande & violente impetuosité , qu'il les mit en déroute. Un chacun estoit surpris comme en si peu de temps une si merveilleuse execution pût estre faite, d'autant que le combat ne fut continué que depuis le Soleil levé jusques à l'heure de Tierce. En cette bataille outre vingt-quatre Enseignes prises & deux mille Turcs prisonniers , il y en demeura vingt-deux mil sur le champ. Du costé des Chrestiens il y en eut assez de blesez , & environ une centaine de morts. Alibeg , chef de la troupe Turquesque se sauva , & retourna en la ville d'Andrenople , nommée par ce peuple barbare *Hedrea valdom* où estoit Amurath qui luy pensa faire perdre la vie , reprochant que son armée avoit esté trahie, aussi-bien que quand Castriot luy fit le faux bon , contre lequel ce pauvre vieillard s'écrioit , &



282 *Histoire des ſçavans Hommes,*  
ſoupirant diſoit tels mots : *Vallabe*  
& *billabe benoa Verraim herniguiſterce,*  
qui eſt à dire , O Seigneur par la gra-  
ce de Dieu tout-puiſſant je t'accorde  
de preſent tout ce que tu veux, com-  
me ſ'il vouloit dire. J'ay nourry &  
élevé un perſonnage , lequel aujour-  
d'huy prend les armes contre moy , &  
me tourmente mon eſprit. Ce qui é-  
mouvoit davantage ce pauvre Turc  
eſt , qu'encores qu'il y eût paix reſpe-  
ctivement jurée ſur les Saints Evan-  
giles & ſur l'Alcoran entre luy & le  
Roy de Hongrie pour dix ans , moyen-  
née & pratiquée par l'entremiſe de  
Georges, Deſpote de Servie & Raſcie,  
qui eſt la haute Myſie , que les Turcs  
appellent Segorie , neantmoins il ſe  
doutoit fort qu'elle ne feroit pas de  
longue durée , comme de fait , elle  
fut rompuë. En apres il voyoit, qu'à  
peine avoit-il reçu cette rude bâ-  
tonnade , que le Roy Caramanien ou  
de Cilicie dreſſa une forte & puiſſan-  
te armée , & avec elle envahiffant  
les Turcs de la Natolie , qu'on ap-  
pelle auſſi la grande Turquie , donna  
bien à penſer à Amurath , d'autant  
qu'il avoit à paſſer en Aſie avec les re-



tes de sa déroute, pour y affermer le  
païs : d'autre costé il avoit l'Hongre,  
qui ne luy promettoit pas non plus  
que le Caromanien & l'Albanois, peu  
de besogne. Par ainsi le Turc envoya  
un Ambassade à Scanderbeg avec de  
riches presens pour empescher que les  
forces Albanoises, encore teintes du  
sang Turc, ne vinssent à le recharger  
& atterrer entierement la fureur Ot-  
tomanique : le prioit luy estre amy &  
se déporter des entreprises qui estoient  
à son préjudice. La lettre d'Amurath  
leuë, dattée d'Andrenople du quin-  
zième de Juin, l'an de la generation de  
Iesus, mil quatre cens quarante qua-  
tre, cinq jours apres on renvoya Aira-  
din Agent du Turc, avec la réponse,  
du refus de trêves que luy fit Scander-  
beg du douzième de Juillet au mesme  
an. Laquelle Airadin luy porta, lors  
qu'il estoit à la chasse, & de bouche  
luy fit entendre le reste de ses delibe-  
rations, dont ce pauvre infidele fut si  
mal édifié, qu'il ne peut se contenir,  
que devant ses Bassas il ne s'écriast de  
cette façon, *Serica-gina Seyib u bonuar*,  
côme s'il eût voulu dire. J'estime que  
Scanderbeg a le diable au corps: il tiér



284 *Histoire des ſcavans Hommes,*  
peu de compte de ma grandeur & puissance. Toutefois, comme il eſtoit homme meur en affaires, & qui ſça-voit tres-bien qu'il ne falloit rien pour épouvanter les ſiens, ſi-toſt qu'il montreroit un cœur failly & abattu en ſe ſouïrant & maniant ſouvent de la main ſa barbe, proferoit des paroles de cette ſubſtance. Tu deſire, tu deſire ( malheureux ) quelque eſpece de mort memorable, nous te la donnerons ( croy moy ) nous te la donnerons. Nous aſſiſterons aux obſeques de noſtre nourriſſon, & ſans ton commandement y ſerons preſens, & accompagnerons ta pompe funebre, de peur qu'és enfers tu te puiſſes jamais plaindre de tes jours finis peu honorablement. Pour cela il ne laiſſoit pas de bien ronger ſon frein, & à avoir autres penſées en la cervelle, qui le tinrent fort long-temps chez Guillot le ſongeur. Partant ayant appris que Scanderbeg avoit congedié ſes compagnies, & tenoit les champs avec ſes Gens-d'armes, ſans ſe tenir ſur ſes gardes, fait appeller Feriſe l'un de ſes Baſſas, auquel il bailla neuf mil Cavaliers choiſis, le rempliſſant de ri-



ches promesses, s'il pouvoit emporter la victoire dessus les Albanois. Ferise de son costé fit assez bien son devoir, s'estant glissé és frontieres de Macedoine fort secrettement : mais quoy qu'il s'aprouchât de l'Albanois plutôt avec la contenance d'un brigand que de guerrier, il ne peut néanmoins devancer les nouvelles de son approche, d'autant que Castriot, estant adverty par un espion venu de la Cour du Sultan, se saisit le premier d'une vallée étroite nommée Mocrée, qui comme c'estoit le seul passage des Turcs, servit de cercueil & de cimetiere à la pluspart des gens de Ferise, qui furent si bien chargez par les Albanois, que le Bassa fut contraint avec sa courte honte montrer les épaules à Scanderbeg, luy laissant la meilleure part des siens ou étendus morts sur le châp de bataille ou prisonniers. Otthoman se voyant si rudement caressé par l'Albanois, renvoya Mustapha Bassa en Epyre avec vingt-cinq mil Turcs, luy enchargeant tres-expressement de bien prendre garde à ne s'envelopper parmy les embûches de l'Albanois, seulement qu'il fit le dégast du pais. Scan-



286 *Histoire des ſcavans Hommes,*  
derbeg ne fut plûtoſt adverty du rava-  
ge que faiſoit faire Muſtapha en toute  
l'Epyre par certaines compagnies de  
cavalleries, qu'il avoit pour cet effet  
licentié, qu'il monta à cheval, ſuivy de  
trois mille cavaliers & quelques au-  
tres quatre mil bons ſoldats : & avec  
eux le plus ſecrettement qu'il pût, con-  
duiſit ſes troupes entre deux vallons,  
où les ennemis devoient paſſer, leſ-  
quels ſi-toſt qu'ils furent arrivez ſur  
les confins, commencerent à ſe ſe-  
parer & diſpercer d'un coſté & d'au-  
tre. En un tel deſordre, le Chreſtien  
vint les charger en telle ſorte, que  
s'eſtant fait voye par la mort des Turcs  
juſques aux tranchées, il gagna le de-  
dans ſi rudement, qu'il n'en rechapa  
que ceux, qui ſuivans le fuyant Mu-  
ſtapha, garentirent leurs vies à coups  
d'eſperons, & par ainſi l'Albanois ne  
recouvra pas ſeulement le pillage qui  
avoit eſté fouragé en Epyre, mais auſſi  
euſt les dépouilles des Turcs, qui n'a-  
voient le loïſir de ſauver avec eux le  
bagage, de ſi près ils eſtoient talonnez  
par Scanderbeg. Apres une telle dé-  
faite Amurath ne perdit point cou-  
rage, mais pour tenir ſeulement en



alte l'Albanois, derechef enjoignit à Mustapha de remettre de nouvelles forces sur pié, luy défendant de ne courir ny endommager le païs ennemy, ny pour quelque occasion que ce fust attaquer Castriot. Dont prit bien à ce Prince Chrestien, qui ne tarda gueres à avoir guerre contre la Seigneurie Venitienne, à cause de la succession de Lech Zacharie, comme nous dirons cy-apres, de peur d'entre-couper le succès heureux qu'eût Scanderbeg à l'encontre de Mustapha Bassa. Lequel voyant les Chrestiens s'entrebattre si furieusement, parmy tel broillis pensoit pescher parmy l'eau trouble le fruit de la victoire qu'il esperoit. Par ainsi il importuna de telle façon Amurath, qu'il luy fut permis de commencer la guerre à l'encontre des Chrestiens, où il ne gagna pas beaucoup, d'autant que quittant Daine, il donna si brusquemét sur l'armée Infidele, que dix mil des ennemis demeurerent sur la place, & quatre-vingts-deux furent faits prisonniers avec quinze estandars. Du costé des Albanois à peine y demeura-il trois cens hommes. Si cette insigne



288 *Histoire des ſçavans Hommes,*  
& merveilleuſe victoire faiſoit rebondir le cœur des Albanois, d'autre coſté elle affadiſſoit beaucoup celuy du ſonge-creux Amurath, qui ne ſceut ſi bien déguifer & tenir ſecrète l'entreprife qu'il avoit minuté dans ſon cerveau de redreſſer une forte & puiſſante armée à l'encontre de Caſtriot, qu'elle ne fut éventée par quelques-uns de ſes plus proches & favoris, qui ayans intelligence ſecrète avec Scanderbeg, luy en donnerent advis, lequel il ne mit en oubly, mais de toutes parts commença à faire armer tout le monde, à munir de garniſons les places & villes d'Albanie. Cependant le Grand Turc fait paſſer à longues traittes en Europe ſon armée, qui eſt eſtimée par aucuns revenir à cent cinquante mil combattans, c'eſt à ſçavoir quatre-vingts dix mil Cavaliers, & ſoixante mil fantaſſins. D'autres ne la font que de ſix-vingts mil pour tout, déduiſans de la Cavalerie vingt mil, & dix mil des gens de pied. En un tel équipage, il vint aſſieger Albe, & autres villes, eſquelles il ne gagna rien autre choſe que la décharge de ſon armée, qui quoy que journallement fut accreuë  
par



par nouveau secours , qui luy survenoit se diminuoit tellement , que le vieillard Ottoman honteux d'avoir perdu si grand nombre de peuple , fut contraint de quitter Epyre , & se retirer plus viste que le pas , d'autant que Castriot poursuivoit à perte d'haleine les fuyars , & en glainoit une telle multitude , que l'Empereur Turc ennuyé de cette honte & meurtre des siens, commanda au Bassa de Romanie de demeurer derriere avec trente mil cavaliers pour seureté & libre retraite du reste de l'armée. Amurath à peine eût pris logis en ses pais , qu'entendant les nouvelles du siege qui avoit esté mis devant Sfetigrade par Scanderbeg , il détermine de rebrousser chemin, & envoie Sebalias se camper devant Croye , & luy avec son fils Mahemet arriva en Epyre sur la fin d'Avril , & se rendit devant Croye en propre personne , & y tint le siege durant quatre mois , mais il perdit une partie de ses gens : il fit bien son effort de la battre avec trente canons & plusieurs autres pieces & machines de guerre , il ne sceut l'endommager que bien peu , étant la ville mer-



veilleuſement forte en tous endroits, accommodée dedans d'une belle fontaine vive, & une autre au coſté derrière la roche. Je ne veux oublier à dire, que les ennemis au bout des quatre mois donnerent un aſſaut general, qui fut ſi cruel tant d'une part que d'autre, qu'il dura cinq heures, où furent trouvez quatre mil hommes ſur la place : mais pour choſe qu'iſſeint faire, il ne la pût prendre ny avoir comme j'ay dit, mais plûtôt elle dreſſa la teſte à l'encontre de la fureur Ottomanique, comme victorieuſe. Ce n'eſt pas que je vueille dérober à Vranocotes l'honneur qui luy appartient, mais auſſi ſi ce Gouverneur étably par Scanderbeg pour commander aux Croyens eſtoit vigilant & adroit, pour donner des entorſes à Amurath, ſon Prince voltigeant n'eſtoit pas endormy à luy tailler quelque beſogne de biaux. De fait, comme Ottoman avoit donné une aſſez chaude allarme, Scanderbeg, avec un nombre de Cavaliers les plus deliberez & mieux montez, vint enfoncer ſi bruſquement quelques tentes ennemies, qu'Amurath ne pût



à ce coup venir à bout de ce qu'il prétendoit, quoy qu'il eût dépesché Seremet avec quatre mil chevaux pour repousser les Scanderbegiens, & que Mahemet perdant haleine poursuivit nostre Albanois : contre lequel comme il brûloit de haine, aussi apres la mort de son Pere, il n'oublia à continuer la pernicieuse & mauvaise affection qu'il luy portoit. Donc encore que la mort eût prevenu les mal heureux desseins d'Amurath, elle ne sceut changer le cœur de Mahemet II. du nom, lequel (& non le premier, ainsi que dessus on a laissé passer en cet œuvre par inadvertance) prit Constantinople, & fut encore plus obstiné contre les Chrestiens, toutefois les affaires le matherent si bien, qu'il fut contraint d'envoyer Ambassadeurs vers Scanderbeg, pour luy demander trêves, qui les luy refusa, & fit réponse au Sangeac député pour accorder la paix, qu'il s'en allast bien-tost, que quant à luy il ne vouloit faire paix ny cessation d'armes avec l'Infidele s'il ne luy quittoit plusieurs villes qu'Amurath avoit usurpé sur luy. Sur ces entrefaites Mahemet se retira & demeura long-temps



292 *Histoire des sçavans Hommes,*  
avant qu'il pût bien estre confirmé en  
l'estat paternel, & partant ne pouvoit  
encore trop nuire à personne. Envi-  
ron ce temps Scanderbeg, desirant  
avoir quelque heritier, & sollicité à  
ce faire par ses sujets, prit pour fem-  
me legitime cette tres-vertueuse &  
belle fille du Prince Aranith Cony-  
no, nommée Donec, avec laquelle  
il ne demeura gueres long-temps en  
repos. Car incontinent que ce nou-  
veau Turc fut confirmé en l'estat pa-  
ternel, il commença à menacer le Prin-  
ce Chrestien, ne pouvant souffrir qu'il  
dominast ainsi Croye & le país d'E-  
pyre. Je n'avois pas deliberé de met-  
tre en liste la descente que fit Scander-  
beg pour secourir Ferdinand fils d'Al-  
phonse Roy de Naples, si plusieurs Hi-  
storiciens qui ont décrit cette guerre,  
n'avoient coulé sous silence la redem-  
ption, qu'il fit de ce pauvre Roy, tel-  
lement reduit au petit pied, qu'il  
fut emprisonné dans Bary par le sie-  
ge que le Comte Picevin y mit, qui  
le tenoit déjà, ce luy sembloit, pris  
dans ses filets. Mais l'arrivée de Scan-  
derbeg ne fut pas plûtoſt découver-  
te, que le Duc Jean de Sore & le



Comte Picevin troufferent bagage à grande haste, décamperent & allerent loger à trente mille de là pour éviter la force du floc des voiles qui accompagnoient Scanderbeg. Lequel continua si bien à repousser les ennemis de Ferdinand, qu'à luy doit estre principalement attribué le nom de luy avoir recouvert sa Couronne. Et parce que les affaires de son Royaume le rappeloient, il fut contraint de quitter tout & retourner à Croye. Auprés de là les Chrestiens avoient fait édifier au sommet d'une tres-haute montagne (laquelle pouvoit garder le passage des Infideles) une forteresse inexpugnable, appelée Modrice, & garnie de victuailles, artilleries & autres munitions, fit teste à l'ennemy d'une telle sorte, qu'il luy empescha le passage. Mahemet ennuyé de tant d'atteintes, qu'on luy donnoit envoya à l'encontre de Scanderbeg un grand Capitaine appelé Sinam avec 25000. chevaux Turcs, pour le surprendre au dépourveu, estimant que la guerre Neapolitaine, dont à peine estoit-il de retour, le rendroit recreu & refroidy. Mais comme



294 *Histoire des sçavans Hommes,*  
Scanderbeg estoit toûjours à l'erte, il  
avoit depuis son arrivée semé de bon-  
ne heure ses espions, & rafraîchy ses  
intelligences près e Sultan, de façon  
qu'il fut adverty si à propos, qu'il eût  
moyen de faire amas & se jetter aux  
champs le premier : il se tint toutefois  
clos & couvert, attendant les appro-  
ches du San-iac Synam, & alors luy  
marcha au devant toute la nuit, au  
brun de laquelle & au desceu de son  
adversaire avec huit mil combattans,  
tant de pied que de cheval, il occupa  
la montagne de Mocrée, & attendit de  
pied ferme Sinam : car c'estoit son ad-  
venu, & où nécessairement il avoit à  
passer, & l'ayant pris à l'improviste, le  
défit & toute son armée avec tel carna-  
ge, que plus des deux tiers étendus sur  
le lieu toutes les enseignes & le бага-  
ge demeura en proye aux Chrestiens,  
tout ce que le general pût faire en cet-  
te occasion, ce fut de se sauver en cette  
vitesse. Assambeg, ou bien selon les  
autres, Amesabeg, estoit déjà deçà  
Ocride suivy de trente mil hommes de  
combat. Mais Scanderbeg accompa-  
gné seulement de quatre mil hom-  
mes combattans, le choisit si à pro-



pos, qu'estant vaincu toutes ses gardes par terre à ses costez, son cheval blessé, & luy blessé d'un coup de fleche au bras droit, il n'eût pour se sauver aucun expedient meilleur que d'experimenter bien autant la clemence Chrestienne, que la furie martiale de son ennemy. Devant lequel il fut amené avec plusieurs autres Capitaines, & la larme à l'œil & les mains élevées au ciel, commença à remontrer à Scanderbeg, que puis qu'ils estoient au service du Grand Seigneur, ils ne pouvoient moins faire que le servir fidelement, & pour ce implo-roient sa grace, faveur & clemence. Il parla si bien, que Scanderbeg leur pardonna, & leur remit la vie, moyennant dix mil ducats, qu'il paya pour sa rançon, & quatre mil pour les autres. Je sçay bien que plusieurs en ont sceu mauvais gré à Scanderbeg, accusans la trop grande facilité par laquelle il se laissoit mener selon qu'il plaisoit aux Turcs, & font estat de ce qu'il ne sceut bien poursuivre sa pointe à l'encontre des Sfetigradiens, qui de vray le surprirent alors : mais icy nous ne sommes en ces ter-



296 *Histoire des ſçavans Hommes,*  
mes , attendu que la victoire eſtoit  
dèja entre les mains de Scanderbeg.  
L'humanité duquel eſt de tant plus  
admirable, qu'elle eſt faite à l'endroit  
d'un ennemy capital , auquel advient  
bien peu ſouvent que puiffions faire  
grace quand nous le tenons pris au  
piege. Encore de plus grande douceur  
il uſa envers les Venitiens, contre leſ-  
quels il fit, à ſon tres-grand regret, une  
dure & forte guerre , mais comme  
c'eſt une ſottife, & mépris deteſtable  
de laiſſer perdre ſes droits par faute  
de les pourſuivre , il ne voulut par  
trop grande laſcheté abandonner la  
ſucceſſion qu'il prétendoit luy eſtre é-  
cheuë par la mort de Lech Zacharie,  
où s'oppoſoient les Seigneurs de Veni-  
ſe, pour cauſe de certains articles paſ-  
ſez & accordez entr'eux & la Dame  
Boſſe mere du deffunt. Nonobſtant  
Scanderbég maintenoit, qu'*ab inteſtat*  
il devoit ſucceder à Zacharie, tué par  
Lech Ducagin, fils du Seigneur de S.  
Paul, parce qu'il eſtoit le plus proche,  
capable & habile heritier pour ſucce-  
der. Apres pluſieurs conteſtations il  
fallut à main armée débattre les cauſes  
d'un party & d'autre. Il preſſa les Ve-



nitienſ ſi vivement (encores qu'il moderaiſt fort la rigueur, dont il avoit de couſtume de pourſuivre les Turcs & Infideles) que la Republique de Veniſe n'eût rien plus expedient que d'accorder avec luy ſous telles conditions toutefois qu'elle vouluſt, encore que Scanderbeg, ſ'il eût voulu preſſer à toute extremité les Venitiens, il les eût bien rendus eſtonnez. Toutefois reconnoiſſant que la vertu, force & magnanimité d'un vaillant guerrier n'eſt pas d'eſtre acharné ſur ſon ennemy, mais plutôt de dompter par douceur l'appetit de vengeance qu'il pourroit avoir, il ceda du ſien: encore que ce ne fuſt ſa couſtume de rien quitter aux Infideles, comme il montra bien en la rencontre du Tyran Sebalie, qui aſſiegea Bellegrade. Là il défit vingt-quatre mil Turcs, & en prit fix mil priſonniers. & ſi il recouvra quatre mil Chreſtiens detenus ſous les Baſſas Moyſe, Aſſambeg, Iſaac, Synambeg: fit mourir plus de 50000. ennemis, & preſque autant deux ans apres conduits ſous Ballabam Baſſa. Tels & ſi magnifiques exploits de ce valeureux Chevalier exciterent de



298 *Histoire des sçavans Hommes,*  
telle façon la plupart des Princes  
Chrestiens à prendre les armes contre  
Mahemet, pour l'affection qui pouſſoit  
ce champion Chrestien à exterminer  
l'Infidele, que le Pape Pie incita les  
Rois, Princes & Potentats de la Chre-  
stienté à s'armer contre le Turc, &  
estimant qu'on ne pourroit élire plus  
suffisant Capitaine que Scanderbeg,  
pour refrener & dompter les Barbares,  
le choisit & nomma pour chef de la  
ligue, sous promesse de le créer Roy  
non seulement de toute l'Albanie,  
mais aussi de la Macedoine. La mort  
de Pie & du Pape Paul second inter-  
rompit une si sainte & heureuse entre-  
prise, encore que nostre Roy Alba-  
nois se fust depuis acheminé à Rome,  
pour sommer le Pape de se joindre  
à un exploit si profitable au salut &  
avancement de la Chrestienté. Enfin,  
se voyant frustré du secours qu'il at-  
tendoit des Princes de par deçà, il alla  
en Lisse sur le fleuve de Cliro, & con-  
sultant des occurrences de la guerre  
avec le Pourvoyeur de Venise, fut at-  
taqué d'une fièvre mortelle, & se sen-  
tant atteint à la mort, fit son testa-  
ment : il recommanda son petit fils



Iean, ses richesses & pais à la Seigneurie de Venise, qui pour reconnoissance de la gracieuseté de l'accord de paix, dont il avoit usé au traité fait avec eux, l'avoient créé universellement, apres avoir baloté luy & sa posterité, Citoyen de Venise. Peu de temps apres il passa de cette vie en l'autre, dans l'an soixante-trois de son âge, vingt-quatrième de son regne, dautant que sa Royauté ne commença que le vingt-huitième de Novembre en l'année quatorze cens quarante-trois, & de nostre Seigneur mil quatre cens soixante & sept. Son corps fut ensevely en l'Eglise de saint Nicolas de Lyffe avec grandes pompes & magnificences. Ses os en ce lieu enfermez reposerent en paix jusques à ce que Mahemet vint en Epire au siege de Scutary quelques quatre ans apres. J'ay cy-dessus remarqué le grand soin, que prirent ces Barbares à rechercher les os de celuy, lequel ils redoutoient tellement cependant que l'ame luy battoit au corps, qu'au seul bruit de son nom ils s'enfuyoient tous esperdus. J'aurois de la peine




300 *Histoire des scavans Hommes,*  
croire que les Turcs luy ayent porté  
l'honneur & reverence, dont Paul  
Ioué fait estat, toutefois ie ne vou-  
drois pas dire qu'ils n'ayent prisé sa  
force davantage que celle des autres  
hommes. Puis que plusieurs traits,  
qui se racontent sortis de la force &  
adresse corporelle de cet homme, peu-  
vent avoir donné sujet à la persua-  
sion des Turcs : comme du Taureau  
sauvage & indomptable, d'extreme  
furie & grandeur, faisant mil dom-  
mages & meurtres és terres de Ma-  
mize sa soeur : auquel il trencha le col  
tout net d'un seul coup de son cimete-  
re, l'ayant attaqué à cheval : & du san-  
glier monstrueux de la Pouille, qui a-  
voit fait porter ses marques à tant de  
Courtisans du Roy Fernand : auquel  
animal neanmoins de mesme façon &  
adresse assailly, il coupa la teste, en  
la presence du Roy en pleine cam-  
pagne, comme ils estoient à la chas-  
se. L'on dit aussi de luy qu'apres le  
campement des Ballabaniens de de-  
vant Croye, luy estans amenez, liez  
& enchainez étroitement ensemble  
Ionima & Heder le frere, & le ne-  
veu de Ballaban leur veuë & presen-



ce ( qui luy remettoit Ballaban & la cruauté à son occasion exercée és personnes de Moïse & ses compagnons ) le fit entrer en une telle colere contr'eux , que sans avoir la patience qu'un autre y mit la main , il s'échauffa de telle façon sur ces pauvres captifs , qu'il les mit en deux pieces , & les tronçonna au travers du corps du seul coup de son cimenterre , qui estoit damasquiné , de parfaite bonté , & souvent en portoit deux en un fourreau , lesquelles parfois luy arrivoit de rompre & gâter en une seule bataille. De telle piece si rare , Mahomet ayant ouy faire le bruit qu'elle coupoit toutes sortes d'armes , un jour qu'ils estoient en treves la luy envoya demander en don. Estant éprouvée en la presence du Sultan par plusieurs des plus robustes & meilleurs bras de sa Cour , & n'en sortant nul de ses miracles , la luy renvoya tout en colere , avec ces mots : qu'il ne le remercioit d'une chose , qu'il pouvoit recouvrer pour argent aussi parfaite & meilleure , & qu'il ne cro oit plus ce que l'on en disoit. Mais Scanderbeg en presence du Messager en



302 *Histoire des ſçavans Hommes,*  
ayant fait des preuves plus émer-  
veillables luy remanda dire , que  
la vertu ne procedoit de l'épée , mais  
du bras , qu'il reſervoit contre ſes  
ennemis. Et quant tout eſt dit Ma-  
homet pouvoit bien le croire , ayant  
veu les victoires qu'il avoit obtenus  
aux duels & combats particuliers  
qu'il eut à Andrenople contre un Scy-  
thien & à Burſe contre Iaia & Zampſa.












*CHARLES DVC DE  
BOVRGOGNE .*





# CHARLES

DVC DE BOVRGOGNE.

---

## CHAPITRE · XIX.



**P** HILIPPES deuxiême du nom, & dix-septiême Duc de Bourgogne, surnommé le Hardy, avoit coûtume de dire que les Royaumes, terres & seigneuries appartenoient à qui les pouvoit conquerir. Sentence qui fut bien relevée par celuy duquel je presente icy le portrait, lequel se tenant à cette maxime de cét Hardy bisayeul, ( le corps duquel fut enteriné à Nostre · Dame de Haulx en Brabant, & son cœur aux Chartreux de l'ijon, qu'il fonda en son vivant ) durant sa vie pour la pluspart ne fit



304 *Histoire des sçauans Hommes,*  
autre chose que remuer les mains, ou  
à la fin il ne gagna pas beaucoup. Qui  
me fait dire que l'axiome de Philippes  
est de fort bonne grace, mais que l'es-  
preuve est tres-perilleuse, comme  
la suite de ce discours le manifestera.  
Charles donc estoit fils de Philippes  
troisième du nom, & penultième Duc  
de Bourgogne, & d'Isabeau fille de  
Jean Roy de Portugal. Dès sa jeunesse,  
mesme avant qu'il fut Duc, à l'âge de  
vingt ans, il fit une cruelle guerre à  
l'encontre des Gantois, qui auoient  
par force arraché des mains de son  
pere certains privileges, lesquels ils  
vouloient absolument faire confir-  
mer. Il les poursuivit si rudement avec  
une puissante armée, que les ayant  
vaincus, les reduisit au petit pied, fit  
brûler tous les privileges que son pere  
leur avoit donnez. Durant la vie du  
bon Philippes, il s'arma contre Louis  
XI. Roy de France, fut un des princi-  
paux chefs de la guerre du bien pu-  
blic, gagna la bataille de Moutlehery,  
apres laquelle força le Roy de quitter  
à Charles son frere la Duché de Nor-  
mandie qui depuis luy fut ostée, com-  
me nous avons remarqué en la vie de  
Louis



Louis XI. Mais le Charrolois & autres villes assises sur la riviere de Somme, comme elles furent données pour toujours, aussi ne voulut il par apres s'en desfaisir, ny moins aussi ceux qui se tiennent pour heritiers & successeurs de ce Charles. De fait, le Roy d'Espagne s'est encore reservé le Comté de Charrolois, qui est quoy que ce soit de l'enclave de la souveraineté de France. De là peut estre venu que ce Charles avant la mort a esté nommé Comte de Charrolois, luy ayant esté rassuré le titre, duquel il se tenoit vray possesseur, toutefois en branla, avant la paix faite à Conflans. Et ne voulut point quitter la qualité de Charrolois, apres la mort de son pere, dautant que sous icelle il avoit fait trembler ses ennemis. Depuis cet appointement, il fallut qu'il songea à ses affaires, car comme il estoit fort remuant, aussi trouva-il de la matiere apprestée, pour luy en faire toute envie. Les Liegeois se sentans oppressez des concussions se revolterent, & commencerét à rompre la paix, obeissance & fidelité qu'ils avoient auparavant jurée. Leur Duc n'estoit pass



306 *Histoire des sçavans Hommes,*  
sans grand soucy, qui sçavoit bien que  
le Roy Louis XI. ne manqueroit d'em-  
brasser cette occasion pour donner at-  
teinte sur la Bourgogne, pour l'asseu-  
rance qu'il avoit que ce Roy ne regar-  
doit à autre chose que de trouver ou-  
verture pour donner des affaires à ce  
Duc, lequel il ne pouvoit souffrir te-  
nir la teste roide & eleuée, crainte  
qu'il avoit qu'il n'entreprist sur la  
France. Toutefois force fut à Char-  
les d'employer ses forces, autrement  
ce país estoit fort en danger pour le  
bon Duc Philippes, qui pour repri-  
mer l'audace & felonnie des seditieux  
dresse une forte & puissante armée,  
dont il fit chef Charles son fils Lequel  
en l'an mil quatre cens soixante-six,  
apres quelques assauts prit Dinan, &  
comme de rage fit tailler en piece tous  
ceux qu'on pût rencontrer, sans épar-  
gner sexe, qualité ou condition quel-  
conque: par trois jours entiers il aban-  
donna le pillage de la ville à ses sol-  
dats, qui en retirerent un butin ines-  
timable. Apres ayant fait transporter  
à Bovines les Reliques & precieux  
joyaux des Eglises, il fit mettre le feu  
dans la ville. Merveille de l'indigna-



*Charles Duc de Bourg. C. XIX. 307*  
tion du bon Philippes à l'encontre de  
ces Liegeois, qui fut telle, qu'encore  
que ceux de Dinan luy offrissēt les clefs  
de la ville, ils ne pûrent neantmoins  
amolir son courage en cet endroit im-  
misericordieux. Je ne veux pas nier  
que les Ducs de Bourgogne n'ayent  
esté trop bravez au Comté de Namur  
par ces Liegeois, qui abusez par leur  
trop grande opulence, ou bien de l'ap-  
puy qu'ils esperoient de Louis XI. ne  
daignoient reconnoistre leur Seigneur  
& souverain, mais se bandoient à l'en-  
contre de luy : mais qu'il soit pour ce  
excusable d'avoir sans aucune mercy  
& compassion fait passer au fil de l'é-  
pée une si grande multitude de Sujets,  
les avoir mis à feu & à sang, il n'y a pal-  
liement aucun qui puisse couvrir une  
telle inhumanité. Je n'en daignerois  
taxer nostre Charles, lequel commande-  
doit bien, mais il avoit le commande-  
ment de faire encore pis : tellement  
estoit envenimé à l'encontre d'eux le  
Duc Philippes, que luy-mesme s'y fit  
mener en sa grâde vicilleise en litiere,  
afin que se trouvant au sac, son fils ne  
pût estre gagné & émeu à cōpassion par



308 *Histoire des sçavans Hommes,*  
les pitoyables desolations qui advien-  
droient en ce temps. Et sans doute  
ceux qui sont les moins affectionnez  
au party de nostre Charolois sont en-  
core contrains de louer sa bonté, &  
encore plus sa rondeur & integrité,  
qui fut telle, qu'encore que son pere  
entendit qu'on usât de toutes rigueurs  
d'hostilité, dont l'insolence des sol-  
dats a de coûtume de s'écarmoucher  
sur les vaincus, & principalement  
aux prises des villes, il fit publier une  
Ordonnance par tout son camp, que  
celuy qui seroit trouvé avoir commis  
des dissolutions, paillardises, viole-  
mens, ravissemens & corruptions de  
femmes ou filles seroit corporelle-  
ment & exemplairement puny. Il dé-  
couvrit que trois garnemens s'estoient  
licentiez à passer cét Edit, & qu'ils  
avoient putassé; il les fit empoigner &  
conduire par tout le camp, la corde au  
col, faisant crier, que ceux qui seroient  
atteints de mesme crime, passeroient  
par mesme peine qu'eux, puis les fit  
pendre & étrangler. La miserable  
ruine de Dinan ne peût moderer le  
cœur des Liegeois qui sans avoir égard  
à la promesse qu'ils avoient faite à la



*Charles Duc de Bourg.* C. XIX. 309  
dernière pacification, & au danger où  
estoyent les cinquante ostages qu'ils  
avoient baillez bien peu de temps  
apres la mort du Duc Philippes ( qui  
alla de vie à trépas à Bruges le 15. du  
mois de Juillet, l'an 1467. âgé de 71.  
ans, ayant commandé 48. ans ) re-  
tournerent à leur premier vomisse-  
ment, emprisonnerent leur Evesque,  
& Guy d'Hymbercourt, massacrerent  
Robert Archidiacre & quelques Cha-  
noines tenans le party, tant du Duc  
que de l'Evesque, redoublerent dere-  
chef leur revolte, s'asseurans sur les  
forces du Roy Louis XI. qui ne tas-  
choit qu'à miner par traverses & en-  
nuis la Maison de Bourgogne. De fait  
il leur envoya secours. Devant Sainc-  
ton il mit le siege, si rudement l'assail-  
lit, qu'ils furent contraints se rendre  
à la mercy du Duc, & livrer dix hom-  
mes à sa discretion, lesquels il fit dé-  
capiter. Apres les Liegeois, quoy  
qu'aucuns du commencement fissent  
un peu des difficiles pour remettre la  
ville en sa puissance, Charles par le  
moyen du sieur d'Hymbercourt, y  
entra avec grand triomphe, & furent  
abbatuës vingt brassées de murailles.



310 *Histoire des ſçavans Hommes,*  
Ceux de Gand & autres circonvoisins voyans le rude traitement qu'il faisoit aux reveſches, s'humilierent ſous luy, encore que du commencement ils euſſent delibéré de ſe mutiner. Cette aſpre ſecouſſe qu'il fit des Liegeois, abaiffa bien la fierté des Gantois, mais d'autre coſté elle appreſta matiere au Roy Louis XI. de faire la guerre contre le Duc de Bretagne où il n'oſoit aborder, à cauſe de l'accord & treve qu'il avoit fait avec luy. Et ſans doute l'effet montra bien qu'il s'y fourra trop avant: meſme pour ſe delivrer de ſa captivité de Peronne, il fut contraint de renoncer à l'alliance des Liegeois, & accompagner le Duc leur faiſant la guerre. Où il penſa bien porter la peine de la trop hardie entrepriſe qu'il avoit fait, car les Liegeois firent une ſortie ſi adroite, que peu ſ'en fallut qu'ils ne trouſſaſſent le Roy avec le Duc. Enfin toutefois Liege fut pris, pillé & ſaccagé, Louis XI. tenant eſcorte en tel exploita le Duc, qui apres fit exterminer par feu la ville de Liege. Cette reconciliation ne pût gueres durer, que ſoudain il ne fallut que ces deux Maisons s'élevaſſent l'une à l'en-



*Charles Duc de Bourg.* C. XIX. 311  
contre de l'autre. Il n'estoit plus ques-  
tion de leur fait propre, c'estoit pour  
les alliez qu'ils s'entre-recherchoient  
l'un l'autre, & comme ils avoient que-  
rele fondée ( comme l'on dit ) sur la  
pointe d'une aiguille, aussi estoient-ils  
servis de mesme. Avec le Roy de Fran-  
ce estoit Louis de Luxembourg, Com-  
te de S. Pol Connestable de France,  
qui jouïoit tellement du double, que  
ny l'un ny l'autre des Princes ne vou-  
loient se fier en luy. Aux Duc de Bour-  
gogne & Roy d'Angleterre estoit-il  
suspect, parce que les affaires ne reüs-  
sissent pas à point nommé. Au Roy,  
pour les secretes intelligences qu'il  
avoit avec les ennemis du Royaume.  
Pour raison d'une telle inconstance,  
le Duc Charles déloyalement le livra  
au Roy à Peronne, qui le fit décapiter  
à Paris, ainsi que j'ay remarqué en la  
vie du Roy Louis XI. qui en sceut bien  
faire son profit : car du depuis les af-  
faires de la Maison de Bourgogne sont  
allées en decadence. Pour se mettre  
bien avec le Roy Louis, il livra le Con-  
nestable de Saint Paul, parce que  
toutes les affaires ne succedoient pas  
selon ses projets, qu'en est-il advenu?



312 *Histoire des sçavans Hommes,*  
il reçoit le Comte de Campobache,  
qui le promene bien d'autre fa on, il  
ne recule pas en arriere, mais apres  
avoir receu du Duc quarante mil du-  
cats, s'entend avec le François, luy  
fait porter parole par le Medecin Si-  
mon de Pavie, & par l'Ambassadeur  
du Roy en Piedmont, que moyennant  
la recompense qu'il demandoit, il li-  
vreroit Charles entre les mains du  
Roy : & de fait ne s'oublia à luy bras-  
ser toutes les embusches qu'il pût.  
D'autre costé les Suisses luy font la loy,  
agassez neantmoins par luy, qui enflé  
de la conqueste qu'il avoit fait du Du-  
ché de Lorraine, de S. Quentin, Han-  
& Bohain, & du meuble de Louis de  
Luxembourg pressa à merveille les  
Suisses, leur déclara la guerre, parce  
qu'ils la luy avoient fai. devant Nusse:  
qu'aussi pour avoir aidé à luy oster la  
Comté de Ferrette, & avoir dépossédé  
le Comte de Romont de la pluspart de  
ses terres. Les Cantons n'avoient  
point envie de mordre, & fuyoient la  
lice le plus qu'ils pouvoient, mesme  
se rangerent à des conditions les plus  
raisonnables qu'il est possible de pen-  
ser, offrirent ce dont ils s'estoient em-  
parez.



*Charles Duc de Bourg. C. XIX.* 313  
parés sur le Seigneur de Romont, &  
outre cette restitution, promettoient  
de quitter toutes autres alliances, qui  
ne luy seroient agreables, mesme ne  
seroient pas à celles du Roy de France,  
qu'ils ne s'en departissent, finalement  
luy donnerent parole de devenir ses  
alliez & le servir de six mil hommes  
armez, avec fort petite solde contre le  
Roy, toutes & quantes fois qu'ils en  
seroient requis. Le Duc estoit telle-  
ment préoccupé d'indignation & ani-  
mosité, dont il estoit envenimé à l'en-  
contre d'eux, que demeurant obstiné  
en sa premiere deliberation, fallut  
qu'à tout hazard il donnast jusques  
dans les Suisses, nonobstant la remon-  
trance que lui en eut fait le Roi Louis.  
Après que les Suisses se virent hors de  
toute esperance d'appointement, &  
qu'ayant suivy les voyes propres pour  
adoucir Charles il faisoit du retif, ils  
commencerent aussi à s'échauffer pour  
repousser leur ennemy, qui s'approcha  
d'eux jusqu'à Vaux en Savoye, où il  
prit quelques pieces sur eux, en l'an  
1476. Après avoir tenu quelque  
temps le siege devant Grançon, enfin  
la place se rendit à luy, & alors il prit



314 *Histoire des ſçavans Hommes,*  
tous ceux qui eſtoient en garniſon , en  
fit pendre octante , & noyer deux cens  
au lac prochain ; les autres furent re-  
tenus priſonniers. L'inhumanité de  
cét acte fit débander ſur luy les Ale-  
mands & les Suiſſes , qui commence-  
rent à luy en donner du long & du lar-  
ge. Il voulut aller au devant d'eux à  
l'entrée des montagnes où ils eſtoient  
encore : mais ce fut tellement à ſon  
deſavantage , que toutes ſes bagues,  
ſon camp, trois cens caques de poudre  
à canon , ſon artillerie & autres biens  
infinis du Duc y demeurèrent , & ſi  
bien qu'il ſembloit que le Bourgui-  
gnon ſe fut venu expreſſément encla-  
ver dans ces montagnes , pour les en-  
richir des grands treſors que là ils ac-  
quirent ſur luy. Apres cette défaite,  
la pluſpart de ſes allies l'abandonne-  
rent. Galeas Duc de Milan quitta ſon  
alliance pour reprendre celle du Roy,  
René Roy de Sicile , la Duchefſe de  
Savoye & pluſieurs autres Princes,  
Seigneurs & Communautéz, qui au-  
paravant temporifoient avec ce Duc,  
apres ſa défaite ſe banderent contre  
luy. Je ne veux pas icy dreſſer l'eſtat  
de ce qu'il perdit alors, puis qu'il a eſté



*Charles Duc de Bourg. C. XIX.* 315  
assez remarqué par nos Historiens, &  
aussi que ce seroit estre trop long, mais  
par l'effet qui ensuivit peut-on bien  
conjecturer qu'il fit grande perte, non  
pas d'hommes (n'ayant esté trouvez  
que sept de mèconte) mais de victoire  
& de biens qui furent estimez à trois  
millions d'or. Sur tout raconte-on  
qu'il regrettoit son diamant, le plus  
beau qu'il estoit possible de choisir,  
qui fut neantmoins delivré pour trois  
francs : comme aussi ses trois esmerau-  
des qu'il appelloit trois freres, le prix  
desquelles estoit inestimable. Cette  
perte luy ferra le cœur de si prés, que  
de douleur & tristesse il tomba au lit  
malade à Losanne, qui est maintenant  
sub,ette à la Seigneurie de Berne, &  
ne presumoit-on pas qu'il en deût re-  
lever, tant si trouva il atterré. Tou-  
tefois il reprit courage, & remit en-  
core dessus une armée, mit le siege de-  
vant Morat le 9. de Juin audit an. Où  
il perdit encore davantage qu'en la  
premiere défaite, non pas seulement  
du butin ou bagage, mais dix-sept  
mil hommes, entre lesquels il y avoit  
2. jeunes Princes de la Maison de Cle-  
ves, mesme le Duc Charles y fut blessé.



Depuis a eſté baſtie une petite maiſon hors les murs de la ville de Morat, laquelle fut remplie des os de ceux qui furent tuez : & de fait y peut on encore voir les teſtes. Ce Duc deſeſperé voyant qu'il eſtoit abandonné des ſiens, & tellement abaiffé, voulut ſe vanger ſur la Duchefſe de Savoye, la fit par force enlever, non point à cauſe de ſon frere Louis XI. aux dépens duquel il ſçavoit bien que l'armée des Suiffes eſtoit défrayée, mais parce qu'à ſa plainte & celle du Comte de Romont il ſ'eſtoit armé contre les Suiffes. Mais bien-toſt fut contraint de quitter priſe, & fut remiſe entre les mains du Roy, qui la renvoya avec ſes enfans en ſon païs. En cette bataille de Morat, entr'autres François ſe trouva René Duc de Lorraine, y fit telle preuve de ſa vaillantife, qu'il gagna le cœur des Suiffes & leurs alliez. Leſquels pour ſe revanger du ſecours qu'il leur avoit fait, luy équipèrent une armée telle que le ſixième jour d'Octobre en la meſme année il recouvra la ville de Nancy, qui luy avoit eſté oſtée par ce Duc. L'occaſion de cette guerre fut, que René deuxième du nom, fils



*Charles Duc de Bourg.* C. XIX. 317  
de Ferry Comte de Vaudemont & de  
Dame Yoland d'Anjou, fille du Duc  
René d'Anjou premier du nom &  
sœur du Duc Jean succeda aux Duchez  
de Lorraine & de Bar, l'an 1473. à  
faute d'autres heritiers vivant encore  
son grand pere maternel René d'An-  
jou & sa mere Yoland, qui n'estoient  
agreables aux Lorrains. Ce Charles  
passant par Nancy, vît qu'on luy fit  
grand accueil, si se persuada qu'aisé-  
ment il pourroit jouir des Lorrains,  
qui estans sans Duc, voñtiers le re-  
cevroient pour leur commander. Tou-  
tefois pour mieux asseurer ses desseins,  
delibera de gagner ce grand pere Re-  
né, & faire tant envers luy, qu'il luy  
laisa en testament les Duchez d'An-  
jou & Provence. Charles ne fut pas  
plustost adverty par les Seigneurs de  
Lenôcourt & de Craon (qui tous deux  
avoient leur bien en Lorraine) que  
le Bourguignon vouloit seduire son  
pere grand, qu'il envoya demander  
secours & argent au Roy Louis XI.  
désia par Herauts le Charrolois, qui  
retournant victorieux de devant Nice,  
accompagné des forces Angloises en-  
tra soudain dans la Lorraine, & de



318 *Histoire des ſçavans Hommes,*  
premiere emblée s'empara du païs  
juſques à Nancy, où il mit le ſiege,  
deux mois & avant que René pût avoir  
le ſecours du Roy de France ( qui fai-  
ſoit difficulté à cauſe deſtreves qu'il  
avoit fait avec le Duc de Bourgogne)  
ceux de Nancy ſe rendirent à compoſi-  
tion de ſortir leurs bagues ſauves.  
Ainſi fut le Charrolois Seigneur de  
toute la Lorraine, Bar & Vaudemont,  
& en receut les foy & hommage, telle-  
ment qu'il pouvoit aller depuis la  
Hollande juſques près la ville de Lyon,  
tôujours marchant ſur les terres &  
païs de ſon obeïſſance. D'autre coſté  
le pauvre René demeuroit dénué de  
ſes moyens : par force de dénicher de  
ſon païs le Bourguignon ne falloir pas  
qu'il y attentât, il avoit affaire à trop  
forte partie, & auſſi n'avoit-il pas le  
pa s trop affectonné à ſon party. Fut  
contraint de ſe liguier avec les Suiffes,  
& ſe jetter dans leur camp, où il arri-  
va ſeulement un jour avant la batail-  
le près Morat, & y fut receu avec tel  
honneur, qu'ils le firent Capitaine ge-  
neral de leur armée. En cette expedi-  
tion l'heur luy dit ſi bien, que prin-  
cipalement par ſon moyen la victoire



*Charles Duc de Bourg.* C. XIX. 319  
demeura aux Suiffes.. Lesquels par  
apres pour n'estre ingrats envers cet  
inopinément survenu restaurateur de  
leur patrie , luy presterent la main  
pour se remettre en ses pa s , qui luy  
avoient est occupez par ce Charro-  
lois , auquel ils desiroient de rognier  
les aïsses le plus court qu'ils pourroïent,  
de peur que par apres il ne prit envie  
de voler en leurs contrées. Donc René  
apres s'estre remplumé des grands de-  
niers , qui chûrent dans les coffres  
apres le deceds de sa grand mere, Ma-  
rie de Haraucourt, veuve du feu Duc  
Antoine de Vaudemont ( combien  
qu'aucuns disent que le Roy Louys  
XI. luy presta quatre mil francs ) le-  
va huit mil Lansquenets & quatre  
mil Suiffes : & avec cette compagnie  
il entra dans la Lorraine , laquelle  
pour la pluspart il reconquist , mit  
le siege devant la ville de Nancy , la-  
quelle il prit six semaines apres par  
composition. Le Duc de Bourgogne  
descend pour la reprendre , & si long-  
têps la tint assiegée, que ceux de la vil-  
le déjà mangeoiët leurs chevaux, quād  
le Duc René les vint secourir avec ren-  
fort de dix mil hōmes. Là fut dōnée la



320 *Histoire des ſcavans Hommes,*  
bataille, en laquelle l'armée de Charles fut défaite & luy en pensant ſe ſauver fut tué & jetté dans un foſſé, au mois de Ianvier en l'année 1476. & de ſon âge quarante-trois un mois, vingt-cinq jours, apres avoir commandé neuf ans & environ ſix mois. Sur la maniere de ſa mort les Histo-riens ne ſont d'accord : Aucuns diſent qu'il tomba de cheval : autres, que ſon cheval le jetta par terre, & qu'il fut tué ayant receu trois playes : Il eut, l'une en la teſte, l'autre en la cuiſſe, & la troiſième au fondement. Sa mort fut quelque temps cachée, & ne ſçavoit-on qui l'avoit tué : meſme douta-on long temps de ſa mort. Aucuns diſoient qu'il avoit eſté emmené viſ, & préſenté au Roy de France. Les autres ſemoient le bruit qu'il eſtoit échapé par la fuite, & de ſon bon gré avoit entrepris un voyage. Il fut ſi loingtain que ne pût-il plus retourner. Il n'avoit garde, d'autant qu'on trouva ſon corps entre les morts, défiguré, comme j'ay remarqué. Les Marchands gazoilloient beaucoup de choſes de lui, acheptans & vendans beaucoup de choſes à payer quand il retourneroit.



On trouva quelque temps apres dedans la ville de Bruxelles un homme qui ressembloit au Duc Charles en tout & par tout, lequel le peuple affirmoit estre le Duc Charles, encore qu'il y contredit, & niât qu'il le fust. Apres sa mort furent de toutes parts composez plusieurs Epitaphes. Entre lesquels j'ay bien voulu choisir celui cy, qu'icy j'ay inseré, parce qu'il me semble contenir plus au vray l'histoire de ses faits, dits & gestes, & qu'en iceluy sa mort est fort élégamment décrite.





322 *Histoire des sçavans Hommes,*  
EPITAPHIUM DVCIS  
BURGVNDIÆ.

*CAROLVS* hoc busto, Burgunda gloria  
gentis,  
Conditur, Europa qui timor ante fuit.  
Ganda rebellatrix hoc plebs domitore cre-  
mata,  
Post patriæ leges extera iura tulit.  
Nec minus hunc sensu tellus Leodina  
cruentum,  
Dum ferro & flâmis urbs populata fuit.  
Monte sub Heritio Francas cum Rege co-  
hortes  
In pavidam valida truserat ense fugam.  
Hostibus expulsis Eduardû in regna locavit  
Anglica, primævo restituens solio.  
Bella Ducum Regumque & Cæsaris omnia  
spernens  
Totus in effuso sanguine latus erat.  
Carcellensis heros, Burgunda ultimus ora  
Helvetios domuit, Dux domitusque fuit.  
Denique dum solitis fidit temerarius armis  
Atq; Lotharingo cum Duce bella movet.  
Sanguineâ vomuit media inter pralia viâ  
Aureaque hostili vellera liquit humo.  
Ergo triumphator longæva in secla Renatus  
Palmam devicto Principe victor habet.



En ce luy fait-on tort de luy imputer les cruautéz qui furent exercées à Gand, dautant que, comme nous avõs cy-dessus remarqué, il est bien vray qu'il commandoit, mais ce n'estoit que sous son pere Philippes, qui estoit merveilleusement indigné à l'encontre des Gantois. Ce n'est pas que je vueille excuser Charles, & le justifier de cruauté, puis qu'il est impossible de déguiser l'extrême inhumanité dont il usa envers les Liegeois, où il assista. Tel fut le meurtre, qui fut fait à Liege, que de compte fait il s'en treuve 40000. hõmes tuez & douze mil femmes jetées dedans la riviere. Ce qui seroit incroyable si les Historiens ne rapportoient, que dès qu'il fut entré dans la ville, & qu'il l'eût en sa puissance, par le moyen de quelques traistres qui la luy livrerent, il fit premierement decapiter tous les traistres avec les autres, tant hommes que femmes, sans regarder ny à jeunes ny à vieux. On tuoit les Prestres & les Moines dedans les Temples, en chantant les Messes. On lioit les femmes par derriere, & on les jettoit dedans la riviere de Meuse, & finalement il brûla la ville & abbatit les murail-



324 *Histoire des ſcavans Hommes,*  
les Si ſeulement nous avions cet arti-  
cle ſeul de ſa grande cruauté, encore  
feroit-il tellement quellement excu-  
ſable, tant pour la proximité du temps  
de la mort de ſon pere, & de cette  
cruelle execution, qu'auffi parce qu'u-  
ne ſeule faute eſt aucunement excuſa-  
ble: mais quãd on redouble la rechûte,  
c'eſt ce qui le met hors de tout eſpoir  
de trouver miſericorde. A Granſon il  
fit pendre 500. Alemans aux arbres, &  
à chaque branche eſtoient ſept ou huit  
pendus. Telle barbarie & cruauté ef-  
chauffa tellement le poil aux Suiffes,  
qu'à feu & à ſang le pourſuivirent, dé-  
pendirent leurs freres fraiſchement  
pendus aux arbres, ſe liguerent avec  
René d'Anjou, qui enfin l'extermina,  
& par ce moyen coupa la racine des  
Ducs de Bourgogne. Par ſa mort ce  
beau & noble Duché revint à la Cou-  
ronne de France, pour eſtre un appa-  
nage d'icelle, où il eſt encore incorpo-  
ré & uny inſeparablement. Ce ne fut  
pas ſans grandes guerres qu'il luy fal-  
lût mener pour s'aſſujettir le païs, &  
ranger ceux qui vouloient troubler  
ſes affaires. Où luy ſervit beaucoup  
la diligence du Prince d'Orange, qui



*Charles Duc de Bourg.* C. XIX. 325  
en peu de tēps reduisit sous son obeïssance l'une & l'autre Bourgogne, sous l'attente qu'il avoit d'obtenir ce qu'on luy avoit promis, & qui ne luy fut pas assez tost tenu, qui fut cause qu'il quita le party du Roy Louys, & troubla merveilleusement l'estat de Bourgogne. Par tant fut revoqué de son office de Lieutenant general pour le Roy audit pais, & en sō lieu fut envoyé Charles d'Amboise environ l'an 1478. qui remit le tout en la sujettion du Roy, par le secours des Suisses, qui environ ce temps commencerent à avoir solde du Roy. Les Comtez de Bourgogne, Flandres & autres écheurent à Marie sa fille, qui fut donnée en mariage à Maxilian Duc d'Autriche, laquelle alla de vie à trépas, l'an 1482. d'une fièvre qui lui prit pour estre tombée de dessus un cheval. Certains ont voulu écrire que lors de sa chute elle estoit grosse. Elle laissa deux enfans, un fils & une fille. Le fils fut Philippe Archiduc d'Autriche, qui depuis fut Roy de Castille, de Leon & de Grenade, & trépassa à Burges en Castille le 25. jour de Septēbre, l'an 1506. La fille fut nommée Marguerite, qui fut donnée en mariage l'an 1477. à



326 *Histoire des ſçavans Hommes,*  
Charles 8. depuis touteſois il la repu-  
dia pour prédre Anne heritiere de Bre-  
tagne, laquelle il oſta à Maximiliã, qui  
l'avoit épouſé par Procureur. Par ce  
que deſſus j'ay preſeté la vie d'un Duc,  
qui pouſſé d'un boüillõ Martial, a tel-  
lement ébranlé le Duc de Bourgogne,  
qu'il a eſté le dernier de ſa race, qui  
l'ait obtenu, on voit que l'envie qu'il  
avoit de heurter contre teſtes plus du-  
res, a eſté cauſe de ſa deſolée ruine. Au  
reſte c'eſtoit le Prince le plus retenu en  
modestie, chaſteté & honeſteté qu'on  
ſçauroit penſer: juſticier à merveilles,  
& qui trois fois la ſemaine bailloit au-  
diance à ſon peuple, & puniſſoit les  
mal faiçteurs. Il eſtoit compoſé d'une  
fort loüable conſtitution de corps, en-  
durcy au travail, actif, vigilant. Au re-  
ſte homme de tres-grande entrepriſe,  
& qui ſe fiant par trop à ſa bravoure,  
s'eſt enſin trouvé miſerablement pris  
par les ruſes de ſes ennemis. D'une au-  
tre choſe eſt-il taxé, qu'il eſtoit exces-  
ſif en banquets, leſquels tant s'en faut,  
qu'il deût ſe hazarder, que quelque ri-  
che & opulent qu'il fuſt, il paſſoit les  
bornes de ſa cap-cité. Auſſi pour tel-  
les bombances & ſuperfluitez, il épui-



sa tellement les trefors qui luy avoient esté laiffiez par son pere, que nous lisós qu'il fut contraint jetter une telle tail-  
lè sur ses fujets, que pour s'acquitter de la cottifation, fallut qu'ils alienaf-  
sent la 6. partie de leur bien environ l'an 1576. D'excuser l'arrogance de ce Duc n'est pas possible, si on ne veut de  
gayeté de cœur se bander contre la ve-  
rite des Histoires, qui nous le represen-  
tent pour l'un des plus temeraires &  
ambitieux Seigneurs dont on ait peut-  
estre ouy parler. Le Roy Louys XI. le  
connoiffant tel, auffi se servit-il de la  
commodité qu'il luy presentoit, par-  
tant apres la refolutiõ des Estats tenus  
à Tours és mois de Mars & Avril 1470  
ordonna qu'il fut adjourné, cõme fujet  
du Roy, à venir comparoistre parde-  
vant Messieurs les gens feans en la  
Cour de Parlement à Paris, pour là ré-  
dre raison de ses déportemens & des  
transgressions des loix de ce Ro: aume.  
Si le Roy fit son estat, que ce Duc brus-  
que au possible feroit quelque coup de  
fa main, auffi ne fut-il pas deceu, d au-  
tant que Charles fit saisir l'Huiffier qui  
l'adjourna en executiõ des lettres qu'il  
avoit en main émanées à la plainte de



328 *Histoire des ſçavans Hommes,*  
Charles d'Artois Comte d'Eu, qui ſe  
plaignoit de ce que ce Duc de Bour-  
gogne luy detenoit la place de S. Val-  
lery & autres terres qui relevoient du  
Bourguignon à cauſe d'Abbeville & du  
Comté de Ponthieu. Noſtre Charles  
retint ſi long-téps cethuiſſier, que pour  
avoir raiſon de cette injure, la reſolu-  
tion fut priſe, que la guerre luy ſeroit  
faite, & que le Roy ſe ſaiſiroit des vil-  
les de Picardie, eſquelles le Conneſta-  
ble pour en eſtre voiſin, & y avoir au-  
trefois cōmandé, diſoit qu'il avoit in-  
telligence. Il donna tel trouble à pen-  
ſer au Bourguignon, qui d'autre coſté  
avoit aſſez de beſogne taillée alors,  
pour la deffenſe d'Edoüard Roy d'An-  
gleterre, cōtre lequel en faveur d'Hen-  
ry de Lenclaſtre avoiēt conſpiré & bâ-  
ty pluſieurs menées en ſon Royaume,  
George Duc de Clarence ſon propre  
frere, & Richard, Comte de Vvarvik.  
De quitter le party d'Edoüard il ne  
pouvoit, tant pour la ſecoüade, qu'il  
pretendoit donner au Comte de Vvar-  
vik, que pour l'alliance qui l'obligeoit  
au ſecours de ſon beau-pere, puis que  
Marguerite, laquelle il avoit épouſé en  
troiſième liēt, eſtoit fille de cet Edoüard  
de la



*Charles Duc de Bourg. C. XIX. 329*  
de la Marche Roy d'Angleterre , qui  
survescut ce Duc , estant dedans Gand  
avec la jeune Princesse Marie , alors  
qu'il fut tué à Nancy. Les autres deux  
furent Catherine, fille de Charles VII.  
de ce nom, Roy de France, qui deceda  
aussi sans enfans, comme Marguerite.  
Mais d'Ysabeau sa seconde femme &  
sa Cousine germaine, fille de Charles I.  
de ce nom, Duc de Bourbõnois, il eût la  
Princesse Marie. Cette Ysabelle mou-  
rut à Bruxelles apres la journ.e de  
Mont-le-Hery. Donc, pour reprendre  
nostre propos , Charles estoit bien en-  
trepris, se voyant engagé entre les fu-  
reurs de deux grandes guerres , & qui  
ne le menaçoient que de sa totale rui-  
ne. Il differra au mieux qu'il pût celle  
de nos François, & delibera d'en don-  
ner dos & ventre aux Lenclastriens,  
contre lesquels il estoit particuliere-  
ment envenimé , ayant receu écorne  
d'eux , alors qu'il voulut leur empes-  
cher le passage sur mer. Toutefois ils  
le surmonterent, & prenans leur che-  
min vers Londres , pour delivrer le  
Roy Henry captif, peu s'en salut qu'ils  
ne le missent en liberté. Si cela estoit  
bien à contre-cœur du Bourguignon,



330 *Histoire des sçavans Hommes*,  
je vous le laisse à penser, d'autant que  
cette menée ne tendoit qu'à dépo-  
iler son beau-pere de la couronne d'An-  
gleterre, & si cela n'estoit pas suffisant  
pour faire prendre le frein aux dents à  
celuy qui ne demandoit qu'à remuer  
les mains. Cependant, encore qu'il en  
eût bien grande envie, si n'osoit-il trop  
ouvertement se declarer de la partie,  
crainte qu'il avoit que le Roy ne luy  
eût tramé cette piece, pour le ranger  
plus aisément à la raison. Pour ce il ne  
laissa à semer en Cour tous les bruits,  
soupçons & attaches qu'il jugea di-  
gnes de faire disgracier le Comte de  
Vvarvik. Mais nonobstant toutes ces  
allegations, le Roy receut de bon œil  
ce Comte, & se montra tellement son  
affectionné, qu'à Amboise en l'année  
1470. furent faites les fiançailles d'E-  
douïard, fils de Henry prisonnier &  
d'Anne, fille du Comte de Vvarvik, &  
la ligue fut jurée entre le Roy Louys  
XI. & les Princes Anglois, portans le  
party de Lenclastre, où pour serment  
reciproque & mutuel, on jura la guer-  
re contre le Bourguignon.









*PHILIPPE S DE  
COMMINE S .*





# PHILIPPES

DE COMMINES,

SEIGNEVR D'ARGENTON.

## CHAPITRE XX.



OVT ainsi que l'Histoire est la chose la plus necessaire, utile & souhaitable qu'on puisse imaginer à cause d'une infinité de biens qu'elle nous cōmunique : aussi si elle n'est assaisonnée de toutes les qualitez qui y sont requises, c'est la chose la p'us à reprouver, mépriser & rejeter qu'on puisse penser. La raison est, que l'autorité qu'elle tient nous fait miserablement trebûcher en infinies erreurs & sinistres opinions des choses auparavant passées, & nous fait rouler au precipice de

Ec ij



332 *Histoire des ſçavans Hommes,*  
menſonge, au lieu que ſi elle eſtoit é-  
maillée des proprietez qui luy doivent  
ſympatiſer, nous relevant de pluſieurs  
precipitez jugemens, qu'à tort & à tra-  
vers nous pourrions donner, elle nous  
jetteroit au port veritable de ſalut.  
Pour preuve de tout cecy, je pourrois  
me jeter ſur la temerité, inſuffiſance  
ou méch<sup>ante</sup>eté d'aucuns griffonneurs,  
qui, au lieu de propoſer le vray, ſe bai-  
gnent d<sup>ans</sup> un ord, ſale & infect marais  
de bourdes & menteries, ſi je ne crai-  
gnois faire penſer à aucuns, que je  
prens plaſiſir à ſatyriſer, mordre & pic-  
quer un chacun. J'aime par trop icy  
mieux vous repreſenter le portrait  
du Seigneur d'Argenton, tel qu'il eſt  
en boſſe tiré de ſon vivant deux ans  
devant ſa mort en ſa chapelle qu'il a  
fait faire & baſtir en l'Egliſe des Au-  
guſtins de cette ville de Paris : afin  
qu'en un ſi riche & excellent tableau  
de verité chacun ſe puiſſe mirer, qui  
aura envie de vrayemēt hitorier, ſans  
déguifer les matieres, flatter le dez ou  
bien mentir. Qu'à ce perſonnage ce-  
los de veritable ne ſoit à tres-bon droit  
écheu, on ne ſçauroit le nier: autremēt  
ce ſeroit à credit ſe plaire au menſon-



ge. Joint aussi que le rapport du recit, qu'il a fait de ce qu'il a veu avec les niaiseries, palliations & faussetez des adulterinez & sophistiguez historiens, pourra aisément decouvrir la verité de mon dire. Je sçay que plusieurs, qui ont partialisé contre ceux, desquels le docte de Commines a décrit les faits, dits & gestes, trouveront cecy de fort mauvaise digestion, mais s'ils veulent permettre qu'on leur oste la taye, qui leur éblouit les yeux, & leur fait prendre le blanc pour le noir, ils ne pourront faillir qu'ils ne reconnoissent que, avec tres-juste occasion le tiltre de loyal & veritable Historien a esté donné à ce grand Historiographe. Auquel quelques-uns semblent sçavoir mauvais gré, parce qu'ayât long-temps esté au service de la maison de Bourgogne, dès l'an 1464. il ait fait retraite vers le Roy Louys XI. mesme il y en a eu de si mal-advisez, qu'ils l'ont pour cette occasiõ taxé de perfidie & trahison. Je ne veux icy entrer aux moyens, qui pourroient estre employez à sa justification, crainte de prolixité, mais en passant, diray-je bien si le devoir d'un sujet ou serviteur ne peut-estre éten-



334 *Histoire des ſçavans Hommes,*  
du au préjudice de pieté & de la con-  
ſcience que le ſieur d'Argenton a pû  
découvrir le pernicieux complot de  
ſon Maître à l'endroit de l'innocent,  
aſin qu'il s'en donnaſt garde. Et pour  
n'eſtre en danger de ſa perſonne, qu'il  
s'eſt pû retirer, où il ſeroit en aſſeuran-  
ce. Mais qu'il n'ait eſté fidele & loyal,  
ſoit au Pourguignon, ſoit aux Rois de  
France, ne peut-on le revoquer en  
doute Autrement je n'employerois  
que les charges, privautez & familia-  
ritez, dont il a eſté par ces Princes:  
Plusieurs & frequentes Ambaſſades,  
auſquels il s'eſt tellement employé,  
que ſes haineux meſme eſtoient con-  
traints de reconnoiſtre, non pourtant  
la prudence & maturité d'eſprit, qui  
eſtoit en ce perſonnage admirable,  
mais auſſi la loyauté, dont il embras-  
ſoit les affaires des Seigneurs, auſquels  
il avoit voüé ſervice, moyennant que  
cela n'intereſſaſt l'honneur de ſa con-  
ſcience, qu'il avoit en ſi grande re-  
commandation, que pour tous les biés  
du monde il eut eſté bien fâché d'y  
faire un faux-bon. Meſme en eſtoit-il  
tellement jaloux, qu'il aima mieux



*Philippes de Commines. C. XX. 335*  
quitter le party du Bourguignon, & charger le masque de mal secret, que de flatter son maistre en ses mauvaises entreprises. Et (pleût à Dieu) que ceux, qui aujourd'huy sont avancez es Cours des grands Princes fussent aussi scrupuleux de rompre leur jensne (cōme l'on dit) qu'estoit ce Philippes. Peut-estre que les affaires se porteroient mieux, & n'y auroient tant de fiateurs, comme aujourd'huy ils y paroissent. D'un point il est taxé d'avoir un peu eu le cœur haut, & d'avoir esté trop libre au parler, tellement que quelquefois, par faute d'avoir bien sceu enserrer sa langue entre-my ses dents, il a decouvert choses dont il n'estoit enquis, & que quelques-uns eussent bien pris à plaisir estre teuës. Je ne veux point icy disputer, si en une Cour il est requis qu'il y ait telles gens, qui apres avoir émerillonné les déportemens de la Cour, publient haut & clair ce qu'ils auront veu, crainte que j'ay, que partialisant pour ces échaugettes, je ne sois defavorisé de ceux qui ne prendront possible plaisir qu'on les épluche de si prés. Ioint que je trouve



336 *Histoire des ſçavans Hommes*,  
que le ſieur d'Argenton, pour n'avoir  
voulu caler le voile, ſe trouva en mau-  
vais ménage & deſappointé de la fa-  
veur de Triſtan l'Hermite : qui le ta-  
lonnoit de ſi près, que ſi le Roÿ Louys  
XI. du nom ne s'en fut meſlé, eſtoit à  
craindre que cette picque particuliere  
n'emporta quelque plus grande &  
meſaſtrée, diſconvenue, ou que ram-  
pant plus outre, elle n'étrangea l'affec-  
tion de ces deux perſonnages, & par  
avanture dénoïa les courages des plus  
grands du Royaume, pour la partiali-  
té des uns & des autres, qui particu-  
lièrement eſtoient affectionnez ou à  
l'un ou à l'autre. J'ay arriere moy quel-  
ques monumens, registres & memoï-  
res des procès verbaux qui ont eſté  
drefſez par Triſtan l'Hermite de ce qui  
ſe paſſa au voyage d'outre-mer, enſem-  
ble quelques lettres miſſives du ſieur  
d'Argenton, qui ſont fort neceſſaires  
pour le diſcours d'une ſi celebre entre-  
priſe.

*Fin du quatrième Tome.*















